

PETRI DANIELIS
HUE TII,
Episcopi Abrincensis,
CENSURA
PHILOSOPHIÆ
CARTESIANÆ.
EDITIO NUPER RIME



NEAPOLI, M. DCC. XXVIII.
Ex Typographia Felicis Mosca.
Superiorum permisso.
Expensis Cajetani Elia.



ANTECESSIO.

CUM Philosophiam Cartesianam ad censuram meam revocare instituisssem ante annos aliquot, ea præfatus eram, quibus non contumelias modo sectæ hujus, sed & offendionem vitare me posse sperabam. Præ me enim tuleram, non sponte a me susceptum id esse scribendi argumentum, sed coactum impulsu summi viri Montauserii, cuius magna erat impressio apud me & gravis auctoritas. Præterea in ipsius argumenti tractatione ea adhibita erat a me modestia, atque moderatio, ut si a respondendo temperare sibi non posset factio illa, quantumvis superba, atque procax, pari tamen juste, modoque mecum acturam pudorem. Verum evenit multo aliter.

A 2. Nam.

4 A N T E G E S S I O .

Nam & in Germania , & in Hollan-
dia , & in Frisia , & plus hic etiam
in Gallia , in circulis , in scholis ,
in disputationibus publicis studio-
sorum , in prælectionibus Magistro-
rum , dictis , scriptis , carminibus
famosis appetitus sum . Quidam
etiam ex hoc gregi cordati virti , ve-
teri mecum necessitudine conjun-
cti , non temperarunt sibi , quiq;
se totos ab amicitia nostra averte-
rent , inallentque amicum ejurare ,
quam susceptam opinionem . Quæ
quamvis ingrata erant , ferebam cas-
tum & quo animo , quippe nullius
mihi culpæ conscius . Nam cum
hanc mihi scribendi materiam su-
merem , in medio palmarum omnibus
positam esse credebam , qui tracta-
rent Philosophiam ; iniquos fore ,
qui licere sibi vellent veterum se-
tas contemnere , mihi novam
hanc repudiare fas esse nollent ; at-
que etiam eo iniquiores , si conve-
tiis pugnare malleant , quam rati-
nibus . Nog enim comparatae ad-

ver-

ANTECESSIO:

versum me scriptiones illæ , quas apud exteris circumferri acceperam , flagrante hoc bello , ad me poterant pervenire ; nec porro perventuras sperabam . Jam itaque defunctum me putabam hujus controversiæ molestia , cùm ecce longo post tempore Cartesianaæ Philosophiæ defensorem se fuit , vir in hac palæstra diu subactus , & inter suos celebris grandi opere nuperrime edito , quo totam doctrinæ hujus descriptiōnem , ac seriem complexus est . Is , sive gregalium suorum persuasu & inductu , sive suopte ingenio , patrociniu in se recepit festæ hujus . Ceterumq[ue] nostram palam confutare vellit . Tolerassem hoc vero sine querala , si pro eo ac debuerat , loci , ac dignitatis nostræ rationem habuisset , nec præter omnem urbanitatis , neque etiam humanitatis morem , eā in die jaclasset , qua magistratus potes animadverione , quam nostra responsione digna essent . Verum hæc condonass homini nimis Philosopho , ac Cartesiano præsertim , hoc est .

6 ANTECESSIO.

Physicæ Philosophiæ , quam Mō-
ralis studiosiori . Quod spectat ad
opus ipsum , ut nulli alii pro-
diissent hujus sectæ foetus , qui
prodierunt quamplurimi , unde
estimari ea posset , vel ex uno
hoc certo libro , si quis attente
introspexerit , qui sit hominum
illorum captus , quod ingenium ,
quæ eruditio , quæ in ratiocinan-
do facultas , quæ sententiarum ,
ac verborum cohærentia , facile
licet cognoscere . Quod si tantum
nobis abs re nostra fuisset otii ,
ut singula possemus persequi , res-
abiisset in immensum ; verum
exclusi temporis angustiis , & ad
gravibra revocati , cùm recudere-
tur opus nostrum , intactis reli-
quis , quæ objeta nobis fuerant
argumentis , in primo hæsimus
capite , quo totius Cartesiana
molis fundamenta continentur .
Mis enim emotis , quod factum
a nobis est , nisi nostra nos fal-
lunt , reliqua corruere necesse est.
quæ ne quis a me gratis jaſtarī
existimet , quam multa flagitia in
libello hoc commiserit nuperus
ille Cartesiana disciplinæ vindex ,

ex

ANTECESSIO.

ex pauculis illis existimare prom-
tum est, quae hic damus in an-
tecessum. Ordiamur a discrepan-
tia sententiarum, & verborum.
Cùm alibi sape, tum præcipue
in responsione ad sectionem no-
nam primi capitii; quaeritur co-
gitationem, qua ~~et~~ quid mens PAG. 33.
percipit, actionem a me haberi
& appellari, cùm nihil aliud sit,
quam affectio. At paulo tamen
superius diserte hæc scripsit: Cùm PAG. 23.
ego, ego cogito, scio me agere;
scio enim idem esse agere & cogi-
tare; scio me agere cùm cogito.
Tum alio loco, Actio, inquit, PAG. 44.
qua cognoscimus nos rem bonam,
vel malam iudicasse, pertinet ad
mentem. In responsione ad se-
ctionem undecimam ejusdem ca-
pitii, negat ratiocinationem in-PAG. 45. &
seq. & PAG. 25.
esse in his verbis, Ego cogito,
ergo sum; cum tamen hoc ipso
loco verba hæc ratiocinationem
appellet, eorumque conclusionem
nobis lumine naturali cognitam
esse dicat, & propositum fuisse
Cartesio, enunciatum hoc de-
monstrare, Ego sum. Item alibi, PAG. 13.
Optime, inquit, ratiocinatur Car- PAG. 25.

8 ANTECESSIO.

tesius, cùm ait, *Ego cogito, ergo sum*, in eoque argumento haberi fatetur præmissas, ut vocant, propositiones, & consequentiam, atque id esse enthymema, quo syllogismus continetur. Et rursus tradit Cartesium ita differentem, *Ego cogito, ergo sum*, uti Analysis ad cognoscendam suam existentiam. Quid aliud est autem Analysis, quam ratiocinationis quoddam genus? Alias Philosophi hujus noxas prodamus. *Circulare* vocant Dialectici, sive petitionem principii, vitiosam hanc ratiocinationem, qua quæsitus sumitur pro concessu, sive ut Græci loquuntur, *λαμβάνεται στο το ἀγχῖ*. Vale de familiarem eam esse Cartesio probat Censura nostra, ut minime mirum sit hoc duce in eam discipulos ipsius impegitse. Cùm quæreretur, an certum nobis sit nos existere, quod dubium visum fuerat Democrito & Academicis, demonstrare id conatus fuerat Cartesius hoc argumento, *Ego cogito, ergo sum*. Nos ostendebamus incertum probari per incertius, nec quidquam ex hac ratiocinatio-

ANTECESSIO. 9

tione colligi . Respondet Cartesianus noster ad sectionem undecimam primi capituli , eam non esse ratiocinationem , quippe cuius conclusio ex se nota sit , ea nimis PAG. 49.
50. 51. *Ergo sum* . In quo sumit quæsitum pro concessu , nempe uncertainum sit Cartesio , se existere . Cùm fidem luminis naturalis dubiam haberi jubeat in ipso aditu Cartesiana Philosophia , quod falli saepe nos contingat in rebus clarissimis , Geometrasque ipsos saepe fallat lumen naturale , in eo tamen falli nos negat novitus ille scriptor , *Quidquid cogitat , est : ego cogito , ergo sum* ; quippe hoc mihi cognitum esse lumine naturali , cuius fides dubia non est . Quid est autem circulus , si hoc non est ? Ecce tibi jocularem aliam hominis ejusdem ratiocinationem . Scire non possum me esse , quin & sciam me non semper falli a Deo : scire autem non possum me non semper falli a Deo , quin sciam me esse . Encor Zenodoti : en jecur Cratetis . Strictim hæc delibamus . Nunc seætæ hujus inscitiam declaremus

A 5 **exem-**

*Respons. ad
cap. I. sect.
12. pag. 60.*

*Respons. ad
cap. II. sect.
12. pag. 66.*

10 ANTECESSIO.

exemplis aliquot. Cum Certesianam dubitationem similem esse
 scribit nuperus Philosophus, dubitationis Socratice, Platonice,
 & Carneadeæ; & quid a dubitatione Scepticorum differat, defini-
 nire audet; in eo, ut & in aliis
 plerisque, veteris Philosophiae
 plane imperitum se prodit. At
 aspernari se ajunt rancida hæc
 veterum deliria: aspernentur ve-
 rd, dummodo ne fingant se sci-
 re, quæ nesciunt. An & asper-
 nantur Cartelii ipsius Philoso-
 phiam, quam defendunt? incre-
 dibile sane est & tamen verissi-
 mum, pleraque ejus capita hunc
 Philosophiae Cartesianæ propaga-
 torem ignorasse: cum jaçare ni-
 hilominus soleant Cartesiani, fo-
 los se Cartesii mentem tenere.
 Unicum dabimus exemplum,
 quod esse possit instar omnium
 nullum. Scripferam placitum
 esse Cartesio, ea facere Deum
 posse, quæ repugnant; puta rem
 simili esse & non esse; totum
 non esse majus sua pars. Con-
 tradicit ille Scriptor, negatque
 id unquam vel sensisse, vel scri-
 psis-

ANTECESSIO. II

pisse Cartesium . At clarissime
 tamen & liquidissime traditum id
 ab eo extat in Epistola ad Mo-
 rum , aliisque Epistolis , & in Re-
 sponsionibus ad sextas Objectio-
 nes . Jam vero quam supinus er-
 sor est , lumen cum visione con-
 fundere ? factum id tamen est ab
 auctore nostro . Nam comparare
 mentem oculo , cogitationem vi-
 sioni , rem cogitatam rei visae ,
 quod factum a me est , hoccine
 vero est cogitationem luminis
 comparare , quod factum a me af-
 severat istud Cartesianarum par-
 tium columnen ? Quam absur-
 dum vero quod addit , tria in-
 esse in lumine , oculum , qui vi-
 deat , actionem , per quam ocu-
 lus videat , rem visam ab oculo ?
 Itane , mi homo ? Cum initio re-
 rum dixit Deus , *Fiat lux* , &
 facta est lux , an simul procrea-
 vit oculos , qui lucem viderent ,
 de quibus siluerit Moses ? Quam
 ineptum est , quod ait , argu-
 mentum hoc , *Ego cogito , ergo*
suum , simplex esse axioma ; atque
 item propositionem hanc , *Ego*
suum , axioma esse , quod non egeat

*Cart. Epist.
tom. 1.*

Resp. ad

Epist. 67.

Resp. ad

sext. Ob-

jeff. seft.

6. 8.

Resp. ad

cap. 1. seft.

9-p. 33. 36.

Responf. ad

cap. 1. seft.

7. pag. 25.

& ad seft.

13-pag. 50.

A 6 de-

12 ANTECESSIO.

demonstratione? At nos audiv-
ramus in scholis, axioma esse
propositionem quamdam univer-
salēm, ex se cognitam, cuius-
modi sunt Axiomata Euclidis.
An verò propositio isthac, *Ego
sum*, est universalis, quæ ad me
unum pertinet? An ex se cogni-
ta est, quam in dubium revoca-
vit Democritus, & quam tanto
conatu probare instituit Carte-
sius? Nec me fugit Dialecticis
Græcis dictum esse *άξιωμα*, ple-
nam, ac perfectam verborum
sententiam, quæ necessario vera
fit, aut falsa. Sed hoc nihil ad
ea, de quibus disputat his locis
nuperus Philosophus, ut res ipsa
loquitur, & verba ejus decla-
rant. Mitto puerilem hunc erro-
rem, *Criterium* vocabulum esse
Latinum. Nam Græcæ, Lat-
inæque Linguæ imperitia glorian-
tur Cartesiani. Itaque dum no-
stra Gallice reddit ille, vix me,
meaque in ipsius verbis agnosco.
Velut cum argumenti conclusio-
nem, quam nullam esse dixeram,
falsam interpretatur. Quasi ni-
hil differant, conclusio nulla, &

*Respons. ad
cap. 2. sett.
2. pag. 76.
77.*

*Respons. ad
cap. 1. sett.
9. pag. 32.*

CON-

conclusio falsa . Argumenti hu-
jus , Omne animal est vivens ,
Petrus est sanctus , ergo Petrus est
vivens , conclusio nulla est ; &
tamen falsa non est . Dixeram si-
gnificationem quamdam enuntia-
to suo affictam fuisse a Cartesio :
significationem fictam , nec natu-
ralem interpretatur ille . Sciret
verò aliud esse fingere , aliud af-
fingere ; sciret præterea enuntiato
contineri posse significationem ,
non naturalem , sed translatam ,
neque tamen fictam . Cum capi-
te sexto sententiam Cartesii de
ortu mundi hujus asperabilis
exponerem , dixi materiam pri-
mi elementi continuato motu te-
nuorem magis magisque fieri ,
neque ullum esse molituræ hujus ,
ac trituræ modum . Hæc ille sic
interpretatus est , nullam ipsis sur-
pereſſe vel mollem certam , vel fi-
guram . Nam qui legitimum cum
iis habere congressum , & sermo-
nem queas , qui te non intelli-
gant ? Minuta ista sunt , præ ut
graviora afferam , quæ non per
inſcitiam , sed data opera perpe-
ram ab eo interpolata , truncata ,
cor-

conficta sunt, ut per fas & nefas
serviret causæ: cuiusmodi illud

Censur. est, quod scripseram: Cùm fluxa
Pbilof. Car- sit autem & infirma hominum
ref. cap. 1. memoria, ad aliud lemma facile
scit. 9. referri potest consecutio, quam ad
id, unde profecta est. Ac ne quis
in distinctione rerum veterum &
recentiorum cavillaretur, quod
oblivioni minus obnoxiae sint re-
centiores, quam veteres, conti-
nuo subjeceram: Simile quid no-
bis in quotidiana familiaris ser-
monis consuetudine usuvenire so-
let, cum aliquantum dicendo pro-
gressi, unde ductæ sint conclusio-
nes, in quibus hæremus, & quor-
sum referendæ, non satis memori-
nimus. Ne sibi distinctionem il-
lam, quam dixi, quantumvis inanem,
eripi pateretur, totum
hoc comma in interpretatione
sua prætermisit. Insignis & illa
est dissimulatio, cùm memorabi-
lem Thomæ locum suppressit,
quo decernitur, alium esse actum,
quo intellectus intelligit lapidem;
alium, quo intelligit se intellige-
re lapidem. Quippe negaverat
Cartesius, aliam esse cogitatio-
nem,

Responf. ad
cap. 1. scit.

9. pag. 31.
36. 37.

Responf. ad
cap. 1. scit.

20. p. 41.

T hom. par.

z. qu. 87.

art. 3. ad

secundum.

ANTECESSIO. 15

nem , qua cogito me esse , aliam ,
 qua cogito me id cogitare . Cum
 cœteroquin Thomæ patrocinium
 libenter asciscat schola Cartesia-
 na . Quid quod nequiter , & dolo-
 malo falsitatis nos insimulat ,
 quod an virum philosophum at-
 que probum deceat , ipse existi-
 met . Dixi Cartesium docuisse ,
 Deum errorum nostrorum au-
 rem fingi non posse , etiamsi er-
 roribus obnoxios nos effecerit .
 Locum adnotavi ad oram ; nem-
 pe , Partem primam Principio-
 rum , sectionem vigesimam nonam ,
 & sequentes . Quid ad hæc ani-
 madversor ille noster ? Minime ,
 inquit , hæc extant in sectione hac
 vigesima nona . Cur de sequenti-
 bus , quas itidem ut vigesimam
 nonam indicavi , files , ò bone vir ,
 & in responsione tua , & in inter-
 pretatione verborum nostrorum ?
 Nempe calumniæ tuæ latebrant
 quæris , dum temere nos falsita-
 tis accusas : quippe hæc plane scri-
 pta extant in sectione tricesima
 sexta Cartesii , quæ una sane est
 ex his , quæ sequuntur vigesimam
 nonam . En tibi verba ipsa Car-

Responf. ad
cap. x. sect. 12.
pag. 53.
22.

te.

tesii : Neque tamen ullo modo
Deus errorum nostrorum autor
fingi potest , propterea quod nobis
intellectum non dedit omniscium .
Hujusmodi vernilibus technis se
tuetur caussa Cartesianorum . Ita
fallaciis , & falsitatibus ad veri
tatem grassantur . Damus hic &
aliam exquisitioris notæ . Posi
tum erat in quæstione , an istæ
propositiones , *Ego cogito , ergo*
sum , nobis cognitæ essent per
simplicem , uti vocant *visionem* ,

Respons. ad cap. i. sect. 21. pag. 48. & seq. an per ratiocinationem . Quæ
cum defendere se posse despera
ret Philosophus iste , a quæstione
hac ad aliam callide nos tradu
cere conatus est ; istam videlicet , an nostra nobis ex seipsa co
gnita sit *existentia* . Quæ longe
utique diversa sunt . Ac primum
verba nostra falsa interpretatione
pervertit . Nam cum ita scripsis
sem : *Cartesius , ejusque affectato
res , ut duo hæc , Ego cogito , er
go sum , quo facile divelli posse*
*prospiciebant , firmius adstringen
t , dicere ausi sunt , nobis hæc
esse , non per ratiocinationem co
gnita , sed per simplicem visionem.*

Ita

Ita hæc ab interprete nostro depravata sunt : Cartesius , ejusque affectatores , cum duas hanc propositiones , Ego cogito , ergo sum , facile divelli posse prospicerent , dixerunt nos nostram existentiam non per ratiocinationem cognoscere , sed per simplicem visionem . Disputamus de duabus hisce propositionibus , Ego cogito , ergo sum : avocat nos ille ad disputationem de nostra existentia . Mox ista subjecimus ; Si totum istud , Ego cogito , ergo sum , meram esse ratiocinationem docuero , nec per simplicem visionem nosci posse , incertum hoc esse utique probavero ; falli vero , vel fallere , qui ratiocinationem negant esse ratiocinationem . Quæ in sincera hac interpretatione adulteravit : Si duas hanc propositiones , Ego cogito , ergo sum , meram esse ratiocinationem docuero , nec eam , quæ bis continetur veritatem , per simplicem visionem nosci posse , incertum hoc esse & dubium simul probavero . Quærebam ego , an duæ istæ propositiones nobis per simplicem visionem sint cognitæ :

quæ-

quærit ille in sua interpretatione, non de propositionibus ipsiis, sed de veritate, quæ iis continetur, de nostra nimirum existentia. Pergit deinde in eadem lucificatione: nam cum ista addidisse: *Nescire se proficitur Cartesius in aditu Philosophiae suæ, an sit.* Ut autem ad rei hujus ignorantiae notitiam perveniat, quærit aliquid, quod sibi sine ulla dubitatione cognitum sit. Id esse vult, *Ego cogito*. Quæ postrema ita interpolavit: *Quærit existentiam rei, de qua dubitare non possit.* Monueram postmodum Lectorem, liquido apparere in secunda Castelii Meditatione, progressionem mentis per cognitionem cognitionis suæ, ad perceptionem rei prius incognitæ, nempe se esse, ac proinde ratiocinationem esse illud, *Ego cogito, ergo sum.* Hæc una litura ipse induxit. Rebus ita demum ad struendam fraudem paratis, quasi id ageretur inter nos, an nostra existentia, non autem argumentum illud, *Ego cogito, ergo sum*, per simplicem visionem, non per ratiocinationem

nem sit cognita , exultat definde
in quæstionis hujus tractatione ,
minimeque ad ipsam pertainere
ostendit , quæ in eam a nobis
neutiquam allata sunt , sed in
quæstionem de hoc argumento ,
Ego cogito , ergo sum . Plura affer-
re possem hujusmodi , sed hæc
profecto sunt satis ; unde intelli-
gi possit , quid veri ex Cartesia-
na Philosophia , quid sani , quid
sinceri sit expectandum . Frons
speciosa , fateor , magnifici adi-
tus , splendida promissa . Opinio-
num emendatio , medicina erro-
rum , veritatis adeptio . Figmen-
ta in recessu , somnia , aut si quid
somniis inanius est : summa li-
beralium disciplinarum imperi-
tia , atque imprimis veteris Phi-
losophiæ , ob idque affectata ejus
despectio ; quam si cognoscerent ,
quantum eos puderet suæ ! Tri-
cæ in disputando , fallaciae , offu-
ciæ , omnia ad pompam & ostent-
ationem composita ; nec esse , sed
videri . Ad hunc nostrum adver-
sarum quod attinet , si isthac
animadversione non resipiscat , de
illo certe jam finem faciam di-
cen-

20 ANTECESSIO.

cendi mihi, cumque sperandum
non sit, ut dedit scat senex, quæ
tot annos didicit & docuit, su-
perest ut ipsum demum
*Discipularum inter jubeam plo-
rare cathedras.*



CEN-



CENSURA PHILOSOPHIÆ CARTESIANÆ.

Ad Illustrissimum
& Excellentissimum Ducem
C A R O L U M S A M M A U R A E U M
M O N T A U S E R I U M,
Franciæ Parem .

P R A E F A T I O.

I. Exordium. II. Libri argumentum. III. Idem tenebitur ordo disputationis , quem secutus est Cartesius , quoad ejus fieri poterit.

I.  UÆSIVISTI ex me sæpe numero ILLUSTRISSIME DUX , quid sentirem de Cartesiana Philosophia , quæ ita placuit huic ætati , hominumque etiam acutissimorum animos novitate sua ita cepit , ut præ ea

A pe-

I. Exordium.

P R A E F A T I O.

peno jam obsoleverint reliquæ Philosophorum disciplinæ. Cumque intellectu isles parum omnino mihi eam probari, rogasti idem tamen argumenta sententia hujus, quæ ego pro re nata, saepe breviter, fuis nonnumquam, candide semper exposui. Tunc vero præcipue actum memini: id esse inter nos, cum pro insigni sua pietate & sapientia Rex Christianissimus, vel scribendo, vel docendo propagari vetuit doctrinam hanc, utpote lubricam ac noxiā; tuque mirareris audaciam factionis hujus, quæ velut per editionem pugnaret adversus interdictum, nec à labore sua in vulgus spargenda abstinueret. Tum enim aliquid nactus otii, idem contendebas acrius, meque res strictim delibantem ita faciebas, vel contradicendo, vel interpellando, vel quæstiones ex quæstionibus ferendo, ut caussam hanc, particulatim quidem, sed pene totam tamē extorseris. Multa assentiebare tu quidem, at hæc præcipue quæ attuleram, neminem majori apparatu & pompa à dubitatione Philosophiam suam exorsum esse, quam Cartesium & neminem tam confidenter, tamque affirmative & indubitanter de rebus obscurissimis, sibique plane ignotis asseverasse, saepe levilla ratione reddita, aliquando & nulla: cumque Fidei, quæ à Deo proficisciatur, submittere deceat Philosophiam, quæ mentis humanæ foetus est, hunc contra exegisse fidem ad Philosophiae suæ præcepta: quod & plurimis notationibus sane quam argutis confirmabas; mihique valde auctor eras ad ea colligenda argumenta quæ proposueram, scriptisque tradenda. Ego tergiversari priuim, & vehementius deinde instanti tibi multa opponere; tot paratos adversarios, viros solertes, perpugnaces, vehementi partium

tiū illarum studio incensos ; cujusmodi ſe-
re amor est novitatis ; impositum nobis re-
cens onus , natasque ex eo affiduas ſollicitu-
dines , occupationes infinitas , gravioribus
ſtudiis diſtractum animum , qui nec facile
poſſet ad hæc leviora revocari ; quæ mihi
quondam aliam agenti vitam , aliam perſo-
nam fuſtinenti , non indecora fortaffe viſa
ſint , dum tempus tulit ; nunc ſacris addicto
parum conveniant. Tu pertendebas contrā
vel ob id ipsum rem fuſcipiendam : ecquem
enim magis decere tutelam ſanctæ Religio-
nis , earumque doctrinarum oppugnationem ,
quibus illius violatur integritas , quam ho-
minem pii ſacri que ordinis ? præſtitam hanc
olim Fidei Christianæ operam à ſanctis Ec-
clesiæ Patribus adverſus profanos Philoſo-
phos , quorum auſtoritas in rebus ad fa-
ludem æternam pertinentibus vel leviffima
erat , vel plane nulla ; multo id præſtan-
dum magis adverſus hominem Christianum ,
cujus disciplina Chrifti placitis con-
traria momenti eſt & exempli graviflimam
perniciem in posterum trahentis : adverſa-
riorum vero vel vim vel multitudinem ,
ei qui veritatem tueatur , parum eſſe exti-
mescendam. Alia ad hæc plurima cum adje-
cifles , perviciſti tandem , manuſque dedi-
quis enim omnium hominum eſt cuius con-
ſiliis ac prudentiæ plus tribuam ? qui au-
ſtoritate plus valere debeat apud me ? Nec
enim mihi ex prædicatione tantum homini-
num cognita ſunt eximia in te , vel à na-
tura , vel à ſtudio , vel à fortuna collata
ornamenta : magnus ſupra vulgus hominum
dignitatis ſplendor , animus ſupra dignita-
tem , parta ingens ex bellicis laudibus glo-
ria , experrectus vigor ingenii , exquifita
disciplinarum omnium ſcientia , rara in
hoc fastigio comitas & humanitas , profu-

P R A E F A T I O.

sa in omnes liberalitas , quæque virtutum omnium tuarum apex est sincera in Deum constansque pietas. Hæc mihi , inquam , non ex fama , ut cæteris , sed ex intima admissione , multorumque annorum usu perspecta , saepe à me admirationem , amorem , si ita pateris , numquamnon expresserunt. Præfertim cum maxima tua in me extent beneficia. Me enim hominem , provinciam , & adhuc juvenem , nec quicquam de te meritum , patrocinio tuo complexus es , exornasti commendatione , benevolentia penne provocasti. Quorum memoria ut animo infixa penitus hæret , insidetque meo , ita omnibus hominibus proditam , & in futurum tempus hic consignatam esse cupio : ut quam in me beneficus fuisti & benignus , tam me erga te gratum esse clarissimo monumento testatum sit. Nunc ea quæ apud te disputata sunt olim , quæque in hunc conclusi librum , æquo animo recognosce . Horum si te , uti tum extimatorem & judicem , sic nunc defensorem habuero , partum euidem moratus aliorum judicia , in tuo favore facillime acquiescam.

I I. Age igitur , quando ita vis ; Cartesianæ Philosophiae rimemur fundamenta , vitia persequamur ; non omnia quidem , sed præcipua & capitalia : quibus exploratis & detectis , laborantis ædificii ruinam cavebimus. Dura sane provincia , atque etiam invidiosa . Fuit enim Cartesius auctor naturæ verique neque meo judicio sondus , quæ laus fuit Pythagoræ ; & suo , affectatorumque , locupletissimus & certissimus : priscis certe illis naturæ interpretibus æmulus , si non par quidem , at aliquibus certe , quorum magna existimatio est ,

II. *Libri Argumentum.*

P R A E F A T I O.

est, non multo inferior. Is veteris Philosophiæ labes acute perspexit: quas cum non facile reparari posse crederet, novæ conditor esse maluit, quam veteris effundator. Multa ejus extant subtiliter cogitata, per vestigata sagaciter, solerter inventa. Quod si huic suæ hæserunt noxæ, homo fuit; & ea scrutatus est, quorum notitiam longe ab hominum mentibus certo Dei Consilio remotam esse non satis intellexit. Et hæserunt fane plurimæ, dum præceps animus, nimiumque amator ac mirator sus, culpas in aliis acute deprehensas, turpiter in se concepit: foris oculatus, cæcus domi.

III. Institutæ adversum hæc disputationis non aliud mihi tenendus videtur ordo, quam quem ipse secutus est: quippe cum consertam doctrinæ seriem, ex se aptam, sibique connexam texere studuerit, & quedam jecerit fundamenta, quibus universa Philosophiæ suæ moles niteretur, scrutanda præcipue eæ sunt; & ad perpendiculari & normam exigenda: ut si parum iis consentire deprehensa sint: à ruinoso & caduco ædificio, uti mox dictum est, recedamus.



A 3

CAPUT

III. Idem tenebitur ordo disputationis, quæ secula
tus est Cartesius, quandoejus fieri poterit.

CAPUT PRIMUM.

Expeditur Cartesii sententia de dubitatione , & de hac argumentatione , *Ego cogito, ergo sum.*

I. *Philosophiae Cartesiana fundamentum est dubitatio.* II. *Cur in dubitatione Philosophiae sua fundamenta posuerit Cartesius.* III. *Dubitandi propositum ante deserit Cartesius , quam teneat .* IV. *Primam veritatis notitiam in eo statuit , Ego cogito , ergo sum. V. In quo ponit ut concessum id quod queritur. VI. Ex hoc enuntiato , Ego cogito , non certo colligi potest istud , Ergo sum. VII. *Notio hoc , Ego cogito , Ergo sum , non est omnium prima.* VIII. *Sibi contradicit Cartesius , iis que lumine naturali nobis nota sunt , fidem aliquando tribuens , aliquando detrahens.* IX. *Enuntiato hoc , Ego cogito , aliud significatur quam quod vult Cartesius ; ac proinde ducta ex eo conclusio , Ergo sum , nulla est.* X. *Cum quis cogitat de re aliqua , non eadem est idea rei humi-
jus de qua cogitat , ac idea ipsius cognitionis.* XI. *Falsum est istud. Ego cogito , ergo sum , no-
bis cognitum esse per simplicem visionem , non
per ratiocinationem.* XII. *Ex hoc dubitandi ar-
gumento , quod à Cartesio propositum est , nescire nos annon ita comparati finis à Deo , vel à
malo aliquo Genio , ut semper fallamur , refelli-
tur istud , Ego cogito , ergo sum.* XIII. *An or-
rum sit , Deum nos fallere non posse in iis rebus ,
quas cognoscimus per simplicem visionem.* XIV. *Cartesius in excursu Philosophiae Academicæ & Scien-*
*ti-**

pticos affectatus ; statim errat , ut eos deferit . **XV.**
Faretur Cartesius nullam nos babere veritatis normam , nisi constet nos ita à Deo non esse factos ,
ut semper fallamur .

I. **P**hilosophiae totius suæ fundamentum Cartesius in dubitatione constituit . Fundamentum dico eo sensu , quo Vitruvius⁽¹⁾ fundamenta appellat exinanita fossoribus & exhausta loca , ad excipiendas solidas substructiones . Nec vero leviter aut oscitanter dubitare nos jubet , sed ita ut universa pro incertis , ac ne incertis quidem , sed omnino pro falsis habeamus , non modo quæcunque antehac incerta aut verisimilia , sed & quæ certissima nobis esse visa sunt ; ne exceptis quidem illis principiis , quæ per se & lumine naturali nota esse dicuntur : cujusmodi sunt ea , Bina binis addita efficere quatuor , Totum esse majus sua parte , & Quæ uni alicui æqualia sunt , inter se esse æqualia ; ac proinde lege hac quoque comprehensis Geometrarum , quæ his notionibus nituntur , Theorematis . Corpora quæ videmus , quæ trastamus , mundum universum nobis circumfusum , pro figmentis animi habenda esse sancit ; ac nos ipsi quoque animos , pro incerto putandum . Quam adeo latæ patenti dubitationem omnia omnino comprehendere manifestum est ; adeo ut nihil prorsus certi sibi reliquum faciat animus ; in quo possit consistere . Quæ cum inficiari audent nuperi sectæ hujus patroni , vel produnt magistri sui causam , vel doctrinam ignorant . Quam saepe enim , quam

A 4

cla-

I. Philosophiae Cartesianaæ fundamentum est dubitatio .

(1) *Vitruv. lib. 3. cap. 3.*

3 *Censura Philosophiae*

clare fanebitum ab eo est, semel et si oportere à fundamentis & everti pristinas omnes opiniones, quantumlibet verisimiles, & pro falsis habere quæcunque certissima fuerant visa? Deinde cum revocari jubet in dubium, quidquid videbatur verissimum; dubia autem omnia pro falsis habere; annon verisima pro falsis haberi jubet?

II. Causas precepti hujus istas afferit Cartesius, quod sensus fallaces esse sæpe experiamur; quod plurima secundum quietem sentire videamur, quæ nusquam sunt: nec quæ nobis in somnis apparent, internoscere possimus ab iis quæ vigilantes sentimus; quod obscura sit & lubrica humana ratio; quod nescianus denique an tales nos fingere voluerit Deus, ut semper falleremur, etiam in iis quæ nobis viderentur esse notissima. Animadvertisendum diligenter & circumspiciendum, ista quid velint, quo pertineant; ne postquam nos, seque adeo ipsum intra has angustias concluserit Cartesius, atque his inscitiae tenebris circumseperit, nobis incautis & inscientibus ereptie ipse conetur, & in apertum scientię lumen evadere. Dubitandum est, inquit, de omnibus, nulla omnino exceptare, ut vitentur errores, & ad veritatem perveniatur; quia sensus & ratio sæpe nos fallunt; hoc est (ne quis in vocabulorum usu vitilitiget) falso judicamus de iis quæ sensuum ope percipiimus; & ratiocinandi facultate quæ in nobis est male utimur; nec scimus, an tales nos Deus creaverit, ut semper fallamur. Ex hoc effato aditum sibi facit ad Philosophiam: *hinc Meditationes suas, hinc Principia Philosophiae*

II. *Cur in dubitatione fundamentum Philosophiae sua posuerit Cartesius.*

Iosophiae exorsus est : hæc inculcat pañim, hæc ingerit. Veram autem esse ac feriam dubitationem hanc, non fictitiam ac jocularem ; ex rerum ipsarum arcessitam natura, non ex dubitandi tantum argumentis petitam, nec animi gratia adhibitam, ipsem declarat Cartesius(1), seque non leviter & inconsiderate dubitare ait, sed ferio, validisque & meditatis rationibus ad dubitandum esse adductum, & per multos annos in hac dubitatione permanisse. Nec aliam porro quam veram ac feriam dubitationem postulant argumenta dubitandi ab eo proposita, velut visorum similitudo, quæ dormientium & vigilantium mentibus obversantur ; ac plane consimilem dubitationis Scepticorum quæ vera & feria dubitatio fuit; hoc tantum discrepantem, inquit Cartesius(2), Scepticæ doctrinæ valde inscius, quod dubitationis Scepticæ unicus esset finis dubitatio, quæ & ad ipsa etiam vitæ munia pertineret, suæ vero finis esset indagatio veritatis. Quamobrem ne præsentissima quidem ingenia dubitationem tollere posse affirmat,(3) quæ oritur ex visis dormientium & vigilantium, nisi Deum esse agnoscant. Quod de fictitia dubitatione dictum ab homine fano nemo autem. Ergo cum dubitationem suam *metaphysicam* & *hyperbolicam* appellat Cartesius(4), non fictitiam intellexit aut falsam, quod putant aut putare fingunt ejus aſſoclæ, in vocabulorum illorum ambiguitate latebram pertinaciæ promore suo quærentes, sed quæ continetur intra Metaphysicæ fines, nec ad vitæ

A 5

ufum

(1) *Cart. Medit. 1. Resp. ad 5. Object.*(2) *Cart. de Method. §. 3.*(3) *Cart. de Metb. §. 4.*(4) *Cart. Medit. 3. & 6. Resp. ad 3. & 7. Object.*

usum adhiberetur: cum cæteroquin dubitatio non sit, uti fatontur ipsi, nec usui esse possit ad inquisitionem veritatis; sed opportuna tantum ad contradicendum; adeo ut ex usu & commodo disputantium dubitatio sit, aut non sit.

III. In quibus id primum reprehensione dignum est, quod qui aet percipiendana veritatem dubitare de omnibus instituerat; ut melius dubitaret, res non modo pro incertis, sed omnino pro falsis habendas esse decrevit. Quod ejus proposito palam adversatur. Nam qui rem habet pro falsa, non plus de ea dubitat, quam qui habet pro vera: assentitur enim, credit, & affirmat esse falsam. Qui autem assentitur, credit, & affirms, non dubitat; sed qui assensum retinet, & incertum habet an res vera sit, vel falsa. Nec Cartesium juvant, qui res ipsam hypothesis tantum falsas habuisse volunt, nam cum & hypothesis de iisdem dubitasse cum contendant, sequitur res easdem hypothesis falsas simul & dubias ipsum: hoc est (ut omnis vocabulorem removeatur ambiguitas) res easdem simul posuisse falsas & dubias, & manifestam repugnantiam in iisdem rebus admisisse. Nam quod falsum possumus, de eo simul dubitare non possumus. Falsum sit an verum.

IV. Mox deinde aliquam veritatis scindillam anxie querens, hanc se reperiisse primam putat; etiamsi semper fallatur, etiamsi dormiat semper & somniet, etiamsi a Deo ad perpetuam inscitiam & errores damnatus sit ab ipso erta, quoniam tamen de ill-

III. Dubium propositum ante defensis Cartesius, quem honest.

IV. Primam veritatis notitiam in eis agnit, Ego ergo sum.

omnibus cogitat, se esse necessario: quippe⁽¹⁾ repugnare (verba ejus haec ipsa sunt) ut pertinens, id quod cogitat, eo ipso tempore quo cogitat, non existere; primum hoc itaque, firmum, stabile, ac solidum veritatis omnis initium, & totius Philosophiae fundatum hoc esse, Ego cogito, ergo sum. Nunc haec cujusmodi sunt, videamus.

V. Ajo primum à Cartesio poni, ut concessum, id quod queritur: querit enim an sit, & merito; nam qui dubitare vult de omnibus, dubitare quoque debet an sit, & de eo dubitare professus est Democritus. Tum ut probet eise se, Ego cogito, inquit, sum igitur. Quid est vero illud. Ego? nempe res aliqua, quae est. Querit autem an sit: & sumit se esse. Sumit igitur quæsumum pro concesso. Quid hoc est deinde, Ego cogito? hoc scilicet, Ego sum cogitans. Unde concinnatur hoc argumentum, Ego sum cogitans, ergo sum. Quod argumentum recidit in Chrysippum illud, Si lucet, lucet: lucet autem: lucet igitur. Si sum, sum: sum autem: sum igitur. In quo sumo me esse, ut probem me esse, & admitto vitiosum illum in argumentando circulum. Respondent Cartesiani illud *Ego*, non esse rem quæ sit, sed rem quæ cogitet: vel etiam si sit, non adhiberi tamen à Cartesio, ut quæ sit, sed tantum ut quæ cogitet. At haec quam infirma sint, cognoscitur ex natura enuntiatorum omnium, in quibus geminum esse terminum Dialectici docent; minorem, quem *Subjectum* appellant; majorem, quem *Prædicatum*, sive *Atributum*; qui nisi diversi sint, vanam fore propositionem. Quorsum enim quis dicat,

A 6

P. 2.

(1) *Princip. Philos. Part. I. §. 2.*

V. Is quo ponit ut concessum, id quod queritur.

Petrus est *Petrus*? Nanc si hanc Cartesii propositi onem *Ego cogito explicemus*, prodibit isthæc, *Ego sum cogitans*, in quasi illud *Ego* sit res tantum quæ cogitet, non res quæ sit, vanum erit illud enuntiatum, quippe cuius geminus terminus idem plane sit, nempe *Res cogitans est res cogitans*; nec inde sequetur quæsita conclusio, *Ergo sum*; Quod si pertendant Cartesiani propositionem hanc *Ego cogito* non ita esse explicandam, *Res cogitans est res cogitans*, dicant necesse est hanc esse enuntiati hujus sententiam, *Ego cogitans sum cogitans*, in quo iterum prodit illud *Ego*, quo plane continetur notio rei quæ sit. In hoc præterea enuntiato, *Ego sum cogitans*, vocula ista *sum*, quæ copula est utriusque termini, furtim hic indicat rem quæ sit: euicunque enim adjungatur rei, notiōnem ei tribuit *existentiæ*. Cum igitur priores illæ dux voculæ, *Ego sum*, notiōnem *existentiæ* adjunctam habeant, frustra ad eam assequendam tertia illa *cogitans* adjicitur; quæ *medius terminus* erit, si in syllogismi formam quadremus argumentum, *Quod est cogitans, est: Ego sum cogitans: Ergo sum*. Quippe si inde removeamus vocem *cogitans*, utpote supervacuum, supererit hæc ratiocinatio, *Quod est, est: Atqui sum: Ergo sum*: quæ plane gemina est Chryssippe hujus, *Si lucet, lucet: Lucet autem: Eacet igitur*. Præterea cum ita se cogitare, non modo sumit se esse, sed esse se rem agentem; in quo sumit tanquam certa & confessa, & rem quæ sit, & actionem rei hujus. Scimus autem extitisse viros acutos & doctos, qui Cartesio in argumenti hujus inventione glorianti responderint olim, nihilo certius esse illud, *Ego cogito*, ac cætera omnia, quæ ab eo profalcat habita sunt. Et recte fane: nam qui dubi-

dubitare potest an cogitat. Atque id non alio præsidio defendere potuit Cartesius, quam quod sibi ipse eripuerat; lumine videlicet naturali, cui omnem omnino fidem detrahi jusserat. Hinc expedire se putant Cartesiani, cum dicunt res nobis per cognitionem esse cognitas; cognitionem per seipsum. Quod longe secus est: nam cognitionem, perinde ut res cæteras, etiam quas cognoscimus lumine naturali, non aliter cognoscimus, quam cum mentem in eam returnemus; hoc est, cum de ea cogitamus per novam cognitionem. Aliud enim est, de Sole cogitare. Prioris istius cognitionis Sol terminus est, posterioris prior illa cognitione. Non autem ex priore elicetur ista hæc conclusio, *Ergo sum*; sed ex posteriore. Atque hæc deinde uberior tractabantur. Jam magistri sui præceptum illud, Ad cognoscendum verum detrahendam esse fidem lumini naturali, cum sic interpretantur, tantisper detrahendam ei fidem, dum expendantur denuo res per id cognitæ; ac ne hæc quidem, sed incertæ tantum & dubiæ, benigne sane nunc nobiscum agitur, cum tantus illo dubitationum Cartesianarum apparatus, tam exquisitæ meditations, tani severa illa lex, qua omnia habere jubemur pro falsis, ad id tantum reddit, ut rebus incertis ne credamus temere; quod jam ante & à vilibus magistellis, & ab ipsis quoque nutricibus didiceramus. Quin etiam argumenti illius fundamentum hoc est, *Qui cogitat, est*: atque id præmitti debuit, ut argumentum legitimam hanc formam obtineret, *Qui cogitat, est*: ego cogito: sum igitur. En iterum promissum defecit Cartesius, fidemque fallit, & pro vero sumit id quod non minus dubium est ac

reliqua quæ habenda duxit pro falsis. Adeo immemor est magnifici illius & generalis sui propositi, omnia habendi pro falsis. In quo proposito si perseverasset constanter, uti decebat Philosophum, quando occurrit istud ad ejus animum, Ego cogito, id quoque cum reliquis omnibus pro falso habuisset. Sin eximendum illud erat ex generali illa lege omnia habendi pro falsis, temeraria fuit & incauta illa lex; cui antequam submitteret animum, judicare debuerat nihilne esset ex ea excipiendum.

VI. Excusimus antecedens hoc enuntiatum, Ego cogito; videamus porro quid ex eo colligat Cartesius. Ergo sum, inquit. Quid si negaverimus hoc ex illo concludi, unde ejus comprobandi argumenta depromet? Nempe ex regulis Dialecticæ: atqui omnia pro falsis haberi jussit, ac idcirco regulas quoque Dialecticæ. Initio quidem, inquiunt Adversarii, falsas habere se finxit eum cæteris omnibus, sed veras demum comperit, postquam à se expensæ sunt. Primum qui scitis, o boni viri, expensas ab eo fuisse? Ego contra sentio, parum omnino de iis cogitasse; paullum enim Dialecticæ satis rudem se prodit. Expenderit vero & certas compererit; expensæ quoque fuerunt ab Epicuro, & repudiatae. Utri tandem habenda fides? Quid clarius hoc argumento, Luceat, igitur dies est? de connectione tamen geminæ hujus propositionis quanta contentio fuit Chrysippum inter, Philonem & Diodotum? Præterea non sibi soli philosophabatur Cartesius, sed mihi quoque & omnibus iis, in quorum manus scriptiones ejus venturæ essent; nec id ob-

scu-

VI. Ex hoc enuntiato, Ego cogito, non certo colligi potest istud, Ergo sum.

scure præ se tulin. Quamobrem nec sibi soli expendere debuit regulas Dialecticæ, sed mihi quoque, cæterisque veritatis studiosis. Nec enim, opinor, postulatis à nobis, ut quæcunque expensa fuisse dicetis à Cartesio, iis illico animum subjiciamus. Quid si dicamus, etiamsi verum esse detur, eum esse qui cogitat, tamen esse quoque posse verum, eum non esse qui cogitat? Cartesii quippe sententia est, efficere Deum posse, ut contraria & repugnantia enuntiata, vera simul esse possint. Unde sequitur fieri posse, ut qui cogitat, sit & non sit. Quod si tam verum sit, eum qui cogitat, non esse, quam esse, videat Cartesius ecquid certi argumentatione sua possit efficere, ex qua tam contraria effici possunt. Instabit rursum, ac repugnare dicet, in quod cogitat non esse cum cogitat. At nos quoque pari jure dicemus, repugnare id quod est, non esse cum est. Cum igitur hæc stare simul posse docuerit Cartesius, etiamsi repugnet; stare hæc quoque possunt, cogitare aliquem & non esse. Hanc doctoris sui sententiam abnormem licet & deliram, agnovere vetustiores Cartesiani: & deseruere quidam, plures defendere: recentiores velut falso ipsi afflant ab eo abjudicavere. Nempe puduit eos ineptiæ hujus: in re aperta veritati repugnare non puduit; cum Cartesium id sensisse negarunt, quod compluribus locis clavisime traditum ab eo est. Velut cum ad Morum scribit(1), quidquid sibi videtur posse fieri, Deum facere posse; nec negare se tamen, quin ea quoque Deus facere possit, quæ sibi repugnare videntur. Sciscit paixim in

(1) *Cart. Epist. Tom. I. Epist. 67. 110. 112. 115.*
Tom. 2. Epist. 15. 16. 104. Tom. 3. Epist. 65. Resp.
ad 6. Object.

in Epistolis, Deum essentiæ rerum creatarum, itidem ut *existentia*, auctorem esse ; enuntiata æternæ veritatis, cujusmodi illud est, *Totum est maius sua parte*, non esse necessarias, habita De ratione ; res idcirco esse veras aut possibiles, quod ita Deo visum sit ; efficere denique Deum posse, ut res secum pugnantes simul extent. Quæ cum os eorum opprimant, qui hæc à Cartesio fuisse prodita negare ausi sunt, eo confugerunt tandem, ut dicerent, id si ab eo propositum est, ex eo esse genere figmentorum, quæ extra metas rationis abeunt. At quandoquidem hæc & serio, & crebro dicta sunt ab eo, & argumentis roborato, cum adversus acutissimos viros doctrinam suam defenderet ; non ut figmenta, sed ut meditata dogmata, & ex intimo Philosophiae suæ penu deprompta protulisse judicamus. Fatetur is quidem animo percipi hæc non posse : quod alterum ejus flagitium est : cum unum hoc sit ex primariis hujus doctrinæ principiis, ea tantum pro veris esse admittenda, quorum clara est in nobis & distincta idea; hoc est quæ clare & distincte percipiimus.

VII. Huc accedit, quod propositioni huic (sic enim appellatur à Cartesio) Ego cogito, ergo sum, quam omnium primam esse putat, aliæ plurimæ præverti debuerunt : nec eæ solum quas ipse vidit, velut hæc, Quidquid cogitat, est ; sed ista quoque quæ anterior est & simplicior, Quidquid agit, est. Nec id quidem scire possumus, quin prius noverimus quid sit agere, quid esse. Ut noscamus autem quid sit agere, noscendum est, quid sit agens, quæ caussa, qui modus, qui finis agendi. Rursum ut noscamus quid sit.

VII. Natio bac, Ego cogito, ergo sum, non omnium prima.

fit esse , nōscendum est quid sit id quod est , quæ causa cur sit , quomodo sit , quo finit . Præterea regulas Dialecticæ perspectas eum habere necesse sit , quisquis ex his functionibus , Qui cogitat , est , Ego cogito , colligi certo putat conclusionem istam , Ergo sum . Respondet Cartesius , quæcunque antecedunt notioni huic , Ego cogito , ergo sum , lumine naturali esse cognita : at ego contra hæc longe ignotissima esse pertendo . At aliter se expediunt Cartesiani (1) : præcise enim negant propositionem hanc , Quidquid cogitat est , his præverti debere , Ego cogito , Ergo sum ; auctoritatem dictatoris sui palam aspernantes , qui cum cætera revocaret in dubium , id unum admitteret , Ego cogito , Ergo sum , subjecit rationem hanc , velut opinionis suæ fundamentum , pugnare hæc inter se , id quod cogitat , eo ipso tempore quo cogitat , non esse . Postmodum etiam scribit (2) conceptis verbis , se non negare , quin antequam sciamus nos cogitare , ac proinde esse , scire debeamus fieri non posse , ut quod cogitat non sit . Hoc autem nituntur argumento Cartesiani ex propositionibus singularibus educi propositiones universales ; ideoque ex his propositionibus , Ego cogito , Ergo sum , prodire istam , Quidquid cogitat est . Fatemur nos utique sic cognoscere quæ cognoscuntur per inductionem : velen illud , Omnis homo est animal ; quia nullus unquam visus fuit homo , qui non esset animal : secus ea , quæ ex seip̄is , & lumine naturali cognoscuntur ; quale hoc est , Totum est majus sua parte . Hæc in Scholis cognosci dicuntur à priori , ista à posteriori .

(1) Cartes. Prince. Part. I. §. 7.

(2) Cartes. Prince. Part. I. §. 10.

riori. Cognoscitur autem illud ex seipso & lumine naturali, Quidquid cogitat est, ipso auctore Cartesio. Nec proinde ex ipsis producit, Ego cogito, Ergo sum. Cum utuntur autem exemplo trianguli, cuius ideam generalem ex singularibus triangulorum ideis natam volunt; doctrinæ quam profertur, vel immemores sunt, vel inconsulti. Nam inter innatas in nobis ideas, ponit Cartesius ideam trianguli. Instant vero, & Mens, inquiunt, ut noscat omne id esse quod cogitat, cogitet necesse est; cogitare autem non potest, quin noscat se cogitare; nec noscere potest se cogitare, quin noscat se esse: ante igitur noscit se cogitare, sequitur esse, quam noscat omne id esse quod cogitat. Nos vero concedimus mentem ante cogitare, quam cogitet se cogitare; ante cogitare se cogitare, quam ex eo quod cogitat concludat se esse; ante concludere se esse ex eo quod cogitat, quam cogitaverit omne id esse quod cogitat, antequam cogitaret se idcirco esse quod cogitaret, at de eo non cogitabat. Ergo effatum hoc, Quidquid cogitat est, hac ratiocinatione prius erat notitia, posterius cogitatione. Nam cum veritas quæritur per Analysin, uti hic factum est à Cartesio, mens utitur notionibus quæ penes se extant, tanquam gradibus jam paratis, quibus ad veritatem perveniat. Cum ex notitia propositionis hujus, Ego cogito, ascendere volo ad notitiam illius, Ergo sum, utor notione hac mihi jam parta per lumen naturale, Quidquid cogitat est, tanquam gradu. Cum in tertia sua Meditatio ne existentiam Dei investigaret Cartesius per Analysin, sic tanquam gradu usus est notione quæ in mente sua jam ante extabat, rei cuiusdam æternæ, infinitæ, omnipotentiæ; item altera hac, quam in mente sua

per

per lumen naturale impressam fuisse ait, Tantum in causa tota & efficiente inesse debere, quantum in causae hujus effectu. Quod nisi jam ante parati essent illi gradus, frustra mens ad superiora niteretur.

VIII. Miramini porro inconstantiam Cartesii. Dubitandum esse statuit de rebus omnibus, etiam de iis quæ nobis per se lumine naturali nota sunt; ne exceptis quidem Theorematis Mathematicis; nec iis quoque principijs, quibus illa nituntur; velut isto, Totum est majus sua parte. Mox tamen multa passim admitti jubet, idcirco tantum quod lumine naturali nota sint. Certissimum & sine ulla dubitatione fatendum esse definiit, se esse, quia cogitat; hoc uno arguimento, *quod repugnet id quod cogitat, tunc cum cogitat, non esse.* Quid aliud vero est repugnare, quam adversari lumini naturali, & falsitatem manifestam ac per se notam implicare? Ergo quæ adversantur lumini naturali, & quorum falsitas per se nobis nota est, sine ulla dubitatione repudiari jubet Cartesius, ut falsa; quæ vero consentiunt lumini naturali, & quorum veritatis per se nobis nota est, sine ulla dubitatione admitti, ut vera. Quæro autem, annon tam lumini naturali consentiat, tam que per se nobis notum sit, Totum esse majus sua parte, quam eum qui cogitat esse? Cur ergo credam eum qui cogitat esse, idcirco quod lumine naturali id mihi notum sit; non credam totum esse majus sua parte, quod mihi lumine naturali æque notum est? Quid vero est sibi contradicere, in fe-

VIII. *Sibi contradicet Cartesius, iis quæ lumine naturali nobis nota sunt, fidens aliquando tribens, aliquando detribens.*

seque incurrere , si hoc non est ? Hic hæc
reret sane Cartesius : nam quid in re tam
aperta causari possit homo prudens ? Non
ita Cartesiani , gens procax , & ad quidvis
defendendum projecta. Dubitandum sibi esse
statuebat Cartesius , inquiunt , de rebus lu-
mine naturali cognitis , antequam eas ex-
pendisset : postquam vero sunt à se explo-
ratæ , de iisdem desiit dubitare. Hic ergo
adhiberi volunt pervulgatam in Scholis di-
stinctionem. Cartesium fatentur dubitasse &
non dubitasse de iisdem rebus *in sensu divi-*
so ; dubitasse nempe , antequam eas expen-
disset ; non dubitasse , postquam à se expen-
sæ sunt. Negant dubitasse & non dubitasse
de iis rebus *in sensu composto* , eodem nem-
pe tempore : pugnantia hæc esse , non illa.
Primum , qui scitis , o boni viri , hæc nus-
quam à Cartesio fuisse expensa , cum ea tan-
quam falsa repudiavit ; expensa deinde ab
eo fuisse , cum ea admisit tanquam vera.
Qui scitis satis hæc ab eo expensa fuisse ?
Expenderit vero ; an inquisitio isthæc Car-
tesii , norma est Philosophiae ? Expendit
axiomata Geometrica , & vera esse compe-
rit : expenderunt alii , item docti , & tan-
quam dubia rejecerunt. Velut pronuntiatum
illud , quo ntitur Geometria , Quæ sunt
æqualia rei alicui , inter se æqualia sunt , ex-
ploravit Cartesius , & verum esse deprehen-
dit : exemploravit Carneades , vir Cartesio
nulla re inferior , in multis vel potius om-
nibus longe superior , & incertum esse de-
prehendit. Adde Cartesium hanc habuisse
causam , cur dubitaret de rebus lumine na-
turali cognitis , quam tollere non potuit
quantumvis attenta ejus inquisitio. Causa
hæc erat , quod ignoraret , annon ea esset
natura intentis humanæ , ut falleretur in iis
quæ rebus , quæ videntur esse certissimæ.

Quan-

Quantumlibet ergo veras & lumini naturali consentaneas res ipsi ostenderit sua inquisitio, constabat adhuc illa dubitationis caussa, annon mens humana pro sua conditione, quæ mutari non potest, falleretur in iis rebus. Docuit præterea conceptis verbis Cartesius(1), nullam in se inesse facultatem ad deprehendendum verum, cui tantum habeat fidei ac lumini naturali. Postquam igitur lumini huic detraxit fidem, nihil in eo superfuit amplius, cuius ope ad veri notitiam perveniret; non ars, non dubium, non inquisitio, futilia ad assequendum verum præ lumine naturali præsidia. Denique cum pañim tradat, non ante se deprehendisse, certam esse fidem luminis naturalis, nec fallere id nos posse, quam postquam agnovit Deum esse, nec eum esse fallacem; quidquid ex ejus inquisitione verum ei vi- sum est, priusquam cognovisset Deum esse, pro incerto habere debuit. Nondum autem cognoverat esse Deum, cum prima hæc Philosophiae suæ poneret fundamenta, & fidem luminis naturalis exploraret, ut ex ejus Meditationibus licet intelligere. Vana est ergo hæc Cartesianorum responsio.

IX. Ajo rursum in hoc lemmate, Ego cogito, inesse ambiguitatem, atque aliud significari, quam quod intelligi vult Cartesius; ideoque nullam esse consecutionem hanc, Ergo sum, ut pote ductam ex significatione, quam enuntiato suo affingit Cartesius, non quæ eo re ipsa continetur. Tribus rebus constat omnis cogitationemente cogitante, re menti cogitanti objecta, men-

(1) *Cart. Medit. 3.*

IX. Enuntiate hoc, Ego cogito, aliud significatur, quam quod vult Cartesius; ac proinde ducta ex eo conclusio nulla est.



mentis cogitantis actione in rem objectam, Actionem dico(1); et si non me fugit cogitationis nomen extendere Cartesium ad omnes motus, quibus mens, vel movetur per se, vel aliunde afficitur. Sed quantum pertinet ad hanc disputationem, perinde est: nam cum afficitur, tria itidem necessaria sunt; mens affecta, res mentem afficiens, affectio ipsa. Neque causa est, cur hic vitilitigent Cartesiani, quod spectetur hic à me cogitatio, quatenus actio est, non quatenus affectio: quippe, inquiunt, decrevit Cartesius cogitationem esse actionem, non affectionem; quod unum hic queritur. Nempe mera haec tergiversatio est; nec enim id queritur in praesentia; sed an tribus rebus constet omnis cogitatio. Quæratur tamen, ut volunt, an cogitatio sit actio vel affectio. Cartesius, inquiunt, cogitationem decrevit esse affectionem, non actionem. Quasi regula veri sit opinio Cartesii. Quam multi, quam præclari Philosophi cogitationem senserunt esse actionem? Quotus quisque Dialecticorum est, qui de mentis operationibus non differat? operationes vero quid aliud sunt quam actiones? Verum quid multa? Gentis hujus mores agnoscite; qui dum Cartesium defendunt, sententiam ejus vel dissimulant, quod perversitatis est, vel ignorant, quod socordiæ. Sic enim ille(2): *Cogitatio, tum pro re cogitante, tum pro istius rei actione accipi potest.* Nego autem rem cogitantem alio præter se ipsum objecto indigere, ad suam actionem exercendam. Deinde(3): *Cogitationis vox indiscriminatum pro omni animæ operatione accipitur.* Et in Principiis duos esse tradit cogitandi modos, ope-

ra-

(1) *Cartes. Princip. Part. I. cap. 9.*(2) *Cartes. Resp. ad Gassend.*(3) *Cartes. Princip. Part. I. §. 32.*

rationem intellectus , & operationem voluntatis. Quibus consentanea reperies in libris Cartelianorum. Quamobrem cogitationem , vel ut actionem spectare , vel ut affectionem , jus nobis fasque est. Commodior autem nobis erit in præsentia cogitationis notio , quatenus actio est. Igitur ut cogitem de Sole , necesse est mentem meam esse quæ cogitet , actionem mentis meæ qua cogitet , rem menti meæ objectam , nempe Solem , de quo mens cogitet. Cum ait initur Cartesius , Ego cogito , quanam res menti ejus objecta est de qua cogitet ? nempe ejus cogitatio. Cogitatio autem illa , non hæc ipsa cogitatio est , qua mens ejus nunc cogitat : nam si id esset , eadem esset actio , ac finis seu terminus in quem actio dirigitur ; quod perabsurdum est , & adversarium lumiñi naturali , ad quod tam sæpe provocat Cartesius. Nisi alio fortasse utatur lumine naturali , ac reliquum vulgus hominum. Igitur cogitatio qua nunc cogito , alia est ac cogitatio de qua cogito : & enuntiatum hoc , Ego cogito , si evolvas , latere hoc in eo deprehendes , Ego cogito dicitur cogitatione mea , quatenus cogitatio est ; cujus non alia significatio est , quam istius . Ego cogito me cogitare. Ac ne ista quidecum locutio vitio caret , aliter enim accipienda est ac si dicerem , Ego cogito me cogitasse : nam ut oculi , sic humana mens unicam tantum rem eodem tempore directe potest intueri. Itaque ut cogitem me cogitare , duplex adhibenda est cogitatio , quarum alia reflecti debet in aliam , posterior in priorem , præsens in præteritam ; ita ut prior menti objecta sit in quam mens intendatur in priorem ; sive , ut paucis complectar , prior cogitatio erit finis sive terminus posterioris ; posterior erit actio mentis , qua mens dirigatur in priorem. Repugnat

gnat enim utrumque effici per unicam actionem : quippe res una & eadem in se ageret , quod nemo homo vel primis Philo- phiae rudimentis inibutus dixerit. Quidni vero , inquiunt , mens de cogitatione sua co- gitet una eademque cogitatione ; cum An- gelus , juxta Thomam(1) , persuam formam , quæ est sua substantia , se ipsum intelligat ? At responsionem subministrat ipse Thomas , plurimum nempe mentem Angelicam dif- fert ab humana ; quippe intellectum Angelicu- cum non esse suum intelligere , sed primum obje- cturnum sui intelligere esse ejus essentiam ; at intel- lectum humanum nec esse suum intelligere , nec suis intelligere esse objectum primum ipsam ejus essentiam , sed aliquid extrinsecum , scilicet natu- ram materialis rei. Statuit itaque mentem hu- manam de rebus plurimis , sub una & ea- dem idea comprehenis , cogitare posse , per modum unius , hoc est per unam speciem in- telligibilem ; non vero de rebus plurimis , com- prehensis sub variis ideis(2) , per modum mul- torum , hoc est , per plures species intelligibiles ; & quæcumque intellectus per multas species intelli- git , non simul intelligere. Ac concludit demun- fieri non posse , ut idem intellectus simul per- ficiatur diversis speciebus intelligibilibus , ad in- telligendum diversa in actu ; sicut nec unus cor- pus potest simul diversis figuris figurari ; & aliud esse actum quo intellectus intelligit lapidem ; & aliud esse actum quo intelligit se intelligere la- pidem. Idem(3) alibi docet id quod primo cognos- citur ab intellectu humano esse objectum extrin- secum ; & secundario cognosci ipsum actum quo cognoscitur objectum ; & per actum cognosci ipsum intellectum. Quæ si referuntur ad quæstio- nem

(1) Thom. P. I. q. 56. a. 1. & q. 87. a. 3.

(2) Thom. P. 2. q. 12. a. 10. & q. 85. a. 4.

(3) Thom. P. I. q. 87. a. 3.

nem propositam, videbimus Cartesium primo actu cogitare de Sole sibi objecto; secundo actu cogitare de hac cogitatione Solis; tertio actu de mente sua quæ cogitet. Atque hæc fulcit Thomas auctoritate Aristotelis (1), quæ parum valet apud Cartesianos. Hujus scitum est, *objecta præcognosci actibus, & actus potentissimis;* item, plurimum interesse scientiam inter & cogitationem; scire multa nos posse, de una tantum re nos posse cogitare. Contradicit Cartesius cum sua Schola, statuitque cogitationem *non alio præter seipsam objecto indigere;* fieri id per eam, quam vocant, *mentis abstractionem;* abstracta scilicet mente & deflexa a re cogitata, nempe Sole, ad suam cogitationem; quippe quæ ex cognitione suæ cogitationis educat cognitionem *existentia suæ,* non ex cognitione Solis; nec enim dici, Sol existit, Ergo sum; sed, Ego cogito, Ergo sum: divulsa igitur cogitatione a re cogitata, a Sole nimirum, solam permanere cogitationem, sine ulla re objecta; quod perinde est, ut si dicant destrui & interire cogitationem hanc. Nam cum agnoscant positam esse naturam cognitionis in applicatione rei cogitantis ad rem cogitatum, sublata ac cogitata, periire cogitationem necesse est. Quæ si pereat, retorqueri in seipsam, & reflecti non poterit. Urgent tamen adversarii, progressuras in immensum cogitationes, si ad cogitandum de prima cogitatione necessario requiritur altera cogitatio; & tertia ad cogitandum de secunda, atque ita in infinitum. Sed hæc ex Thoma (2) petita a Tho-

B

ma

(1) Aristot. De anim. l.2. c.4. & Topic. l.2. c.4.

(2) Thom. p. I. q. 87. a. 3. & q. 86. a. 2.

ma ipso dilatuntur : fatetur enim cogitationes progressuras in infinitum , & mentem humanam infinitam esse , nempe *in potentia* , non *in actu* . Certum igitur omnino est , secundae cogitationi Cartesii rem aliquam esse objectam , cogitationem scilicet *præteritam* ; quæ cum antea esset cogitatio , fit nunc res *cogitata* . Unde colligitur mancum esse & imperfectum hoc Cartesii enuntiationem , Ego cogito ; atque hunc ejus esse intellectum , Ego cogito me *cogitare* ; seu potius , si emendate & accurate loqui velit , Ego cogito me *cogitasse* . Qui cogitat autem se *cogitasse* , memoria uti debet , ut meminerit se *cogitasse* . Ubiunque autem adhibetur memoria , illuc inesse posse errorem ipsi fatentur adversarii : siquidem memoria , ut sciscebat Lacydes , opinio est ; fallax est porro omnis opinio ; nihilo enim certior sum me *cogitasse* , quam me ambulasse , me dormisse , me edisse . Hæc autem plane incerta sunt : incertum igitur me *cogitasse* . Quapropter nulla est , quæ inde cogitur conclusio , Ergo sum . Dicit fortasse Cartesius , etiam si incertum sit me *cogitasse* , certum tamen esse me nunc *cogitare* me *cogitasse* ; conclusionem autem duci , non ex eo quod *cogitaveris* , sed ex eo quod nunc cogitem me *cogitasse* ; hoc est non *ex cogitatione præterita* , sed *ex cogitatione præsentis* . Nos vero nobibimus , conclusionem hanc , Ergo sum , duci *ex cogitatione ipsa* quæ *præsens* est , & qua *cogito* me *cogitasse* ; sed *ex cogitatione præterita* , qua *cogitabam* de Sole . Cum enim cogitarem de Sole , mens per alteram cogitationem reflexa est in primam istam , ex eaque eduxit conclusionem hanc , Ergo sum . Nam si educeretur ex *secunda cogitatione* , educeretur utique per-

ter-

tertiam; neque solum esset dicendum, Ego cogito, nec, Ego cogito me cogitasse; sed, Ego cogito me cogitasse me cogitasse. Et secunda illa cogitatio perinde incerta foret ut prima: ac proinde & educta ex hac conclusio. Demus tamen certum esse me cogitasse; at tum certe mea me fallere potest memoria, cum ajo, Ergo sum: nam cum de conclusione hac cogito, cogitare desii de enuntiato antecedente, Ego cogito; nec ex hoc illud pendere aliter scire possum, quam ope memoriae. Quid ad hæc Cartesiana Schola? Fatemur, inquiunt, opus hic esse memoriam; at memoriam negamus semper esse fallacem: fallax esse potest, cum vetera recordamur; secus, cum recentia; tum enim fallere nos non potest. En vero ante austera illa & rigida Philosophia, nunc mansuetata, & ad vulgares opiniones accommodata; nam quæ res omnes primo habebat pro falsis, redit statim in gratiam cum lumine naturali, & mox cum memoria ipsa & opinionibus; qui fons est errorum omnium. Atque id quidem in ipso aditu, & nondum positis fundamentis. Hæremus enim adhuc in lemmate hujus argumenti, Ego cogito, Ergo sum; quod initium est atque caput Cartesianæ Philosophiæ. Cæterum hic appello, non universos solum Philosophos, sed omne genus hominum, quorum nullus non saepe expertus est, repentinum aliquem sonum, fremitum muscae volantis, inopinum quidam oculis objectum, adeo cogitationes omnes præsentes & animo hærentes excutere, earumque ita obliterate vestigia, ut earum plane immemores hæreamus in medio sermone hiantes, nec interruptam orationem contexere possumus. Puderet certe Cartesium distinctionis hujus, qui in se-

cunda Meditatione , cum veritatis rimaretur aditus , credendum sibi esse statuit , *nihil unquam extitisse eorum , que mendax memoria representat* , nullo veterum & recentium discrimine . Et in quinta Meditatione , aliisque locis , dubitare se non posse ait , quin tres anguli trianguli sint æquales duobus rectis , quamdiu in animo habet demonstrationem qua id probatur ; sed *statim atque de eo cogitare desit* , quamvis eam à se clarissime perceptam recordetur , dubitare se tamen posse an vera sit , nisi Dei minime fallacis notitiam habuerit , per quem certus fiat veracem esse quam retinet perceptionis hujus memoriam . Nondum autem pervenimus ad disputationem *de existentia Dei* . Nondum igitur , juxta Cartesii placita , fides ulla habenda est memorie ; non solum cum vetera recordamur , sed etiam cum recentissima , *statim atque mentis aciem ab iis defleximus* . Cum fluxa sit autem & infirma hominum memoria , ad aliud lemma facile referri potest consecutio , quam ad id unde profecta est . Simile quid nobis in quotidiana familiaris sermonis consuetudine usuvenire solet , cum aliquantum dicendo progressi , unde ductæ sint consecutiones in quibus hæremus , & quorū sum referendæ , non satis meminimus . Connexio itaque gemini hujus enuntiati , Ego cogito , & , Ergo sum , incerta est & fallax : ac nulla proinde argumentatio . Huc accedit , quod cum hoc argumentum , Ego cogito , ergo sum , nitatur hoc pronuntiato , Quidquid cogitat , eo tempore quo cogitat est , sequitur me cum hoc colligo , Ergo sum , ex isto , Ego cogito , nihil aliud velle quam me esse eo tempore quo cogito . Atqui jam desit cogitatio illa , cum dico , Ergo sum : & aliud est tempus enuntiati antecedentis , Ego

Ego cogito, & aliud enuntiati consequentis,
 Ergo sum. Vel igitur id sibi vult ista argumen-
 tatio, Ego cogito, ergo ero; vel istud,
 Ego cogitavi, ergo sum: & pronuntiatum
 hoc, Quidquid cogitat, eo tempore quo co-
 gitat est, unde Cartesius pendere vult argu-
 mentationem suam, nihil ad eam pertinet;
 atque ut ad eam utile sit, sic immutandum
 est, Quidquid cogitat, eo etiam tempore quo
 non cogitat, est. Quæ omnia ita emendata
 & immutata, uti esse debent, fallissima,
 ipso fatente Cartesio, & ineptissima sunt.
 Ac telum hoc caute se vitasse putant Car-
 tesiani, cum dicunt consequens esse in an-
 tecidente; & in illo, Ego cogito, inesse
 istud, Ergo sum, nullam ergo habendam
 rationem temporis, quippe quocumque tem-
 pore subjungatur, Ergo sum, tamen ve-
 rum id fuisse cum dixi, Ego cogito. Acu-
 ti homines! Nam idcirco quod consequens
 illud, Ergo sum, est in illo antecedente,
 Ego cogito, efficitur eo temporis momento
 quo dico, Ego cogito, verum esse, Ergo
 sum; nec tamen efficitur alio tempore ve-
 rum esse, Ergo sum. Quemadmodum enim
 nulla erat hæc conclusio, Ergo sum, ante-
 quam dictum sit, Ego cogito; ita nulla est
 hæc conclusio, Ergo sum, postquam dictum
 est. Ego cogito. Itaque attendenda hic est,
 non natura rerum, sed progressio animi in
 cognoscenda *existentia* sui. Aliter enim se
 habent in natura membra argumenti hujus,
 Ego cogito, Ergo sum; sumptio nempe &
 consequens; aliter in mente Philosophi. In
 natura enim sunt simul, neque ullum in-
 terest discrimen temporis; in mente Philo-
 sophi, non item. Nam postquam is de eo
 cogitavit, Ego cogito, cognitione cogita-
 tionis suæ jam parta utitur tanquam gradu,
 ut ad cognitionem *existentiæ* suæ, nondum

sibi pastam progrediatur : & hoc gradu natus pervenit denum ad illam cogitationem , Ergo sum . Quæ duæ cogitationes tempore sunt ita discretæ , ut post priorem editam cogitationem , nondum edita altera interire possit Philosophus Clariissime hæc ostendunt Meditationes Cartesii , quarum series ita ab eo exponitur , non uti res ab eo meditatae extant in natura , sed uti in ejus animo aliæ ex aliis natæ sunt ; vel , ut ejus verbis utar (1) , non in ordine ad ipsam res veritatem , sed duntur in ordine ad suam perceptionem . At provenerunt nuperi Cartesiani , qui se ex his angustiis alia tentarunt expedire ratione . Hoc enim enuntiatum , Ego cogito , & illud , Ego sum , etiamsi diversis temporibus utrumque profertur , eodem tamen tempore extare ajunt in mente Philosophi ; prius in intelligentia , quæ res percipit , posterius in voluntate , quæ judicia de iis facit & affirmat . Longum esset , at non valde fortasse operosum , ostendere aliquando intelligentiam agere , aliquando affici voluntatem , secus ac decrevit Cartesius : nunc satis est , ex ipsis Cartesianaæ doctrinæ principiis demonstrare sumptionem hanc , Ego cogito , non minus extare in voluntate , quam consequens illud , Ergo sum : & consequens istud , Ergo sum , non minus extare in intelligentia , quam sumptionem hanc , Ego cogito : & quamvis hoc extaret in voluntate tantum , ista in intelligentia , non hinc sequi utrumque extare simul in mente Philosophi . Nam si evolvatur enuntiati hujus , Ego cogito , significatio , idem erit ac , Ego sum cogitans : in quo cum reperiantur subjectum & predicatum , uti laquuntur

(1) Pref. Medit.

quuntur Dialectici, & copula utriusque negari non potest hanc propositionem esse judicium seu affirmationem. Quæ cum ex voluntate sola profiscantur; ut pertendunt Cartesiani, plane dicendum est enuntiatum hoc, Ego cogito, perinde extare in voluntate, ut consequens, Ergo sum. Hoc ipsum vero consequens, Ego sum hoc est, Ego sum existens, cum conflatum sit ex his ideis, Ego, &, existens, quæ perinde sunt in intelligentia, ut ideæ illæ, Ego, &, cogitans, quibus constat sumptio isthæc, Ego cogito, eodem modo est in intelligentia utraque propositio. Tametsi autem sumptio hæc, Ego cogito, extaret solum in intelligentia, & consequens, Ergo sum, in voluntate, non hinc tamen efficeretur eodem tempore extare utrumque in mente Philosophi. Nam antequam hoc judicium, Ergo sum, voluntas facere posuit, necesse est intelligentiam ei exhibuisse ideas, quæ his propositionibus continentur, Ego sum cogitans, Ego sum existens; tum convenientiam idearum illarum, nempe ideæ Ego, cum idea, cogitans; item ideæ, Ego, cum idea, existens. Et quoniam argumentum hoc, Ego sum cogitans, Ergo sum existens, inititur enuntiatio illo, Quidquid est cogitans est existens, necesse quoque est, ut convenientiam idearum illarum, cogitans, &, existens, voluntati repræsentaverit intelligentia. Ex trium illarum idearum convenientia, oriuntur tria voluntatis judicia, Quidquid est cogitans est existens, Ego sum cogitans, Igitur sum existens. Et cum compertam nondum haberet convenientiam ideæ, Ego, cum idea, existens, recurrat ad tertiam, nempe, cogitans; quam comparat primo cum idea, existens; & deprehensa utriusque convenientia, prodit prior sumus.

B 4 ptio,

ptio, Quidquid est cogitans est existens: conser-
fert deinde ideam, Ego, cum idea, cogi-
tans; & postquam eas novit congruere, na-
scitur altera sumptio, Ego sum cogitans. Ex
quibus deinceps efflorescit quæsita conclusio.
Antequam igitur judicia hæc ficeret volun-
tas, idæ illæ tres extabant in intelligentia
Philosophi. Ex his deinde per vices judicia
fecit voluntas nam primo ignorabat an es-
set, cum sciret se cogitare, & quidquid co-
gitat existere: quibus antecedentibus notio-
nibus, quasi gradibus, usus est Philosophus,
ut ad illam ascenderet, Ergo sum. Quæ
cum ita se habeant, manifestum utique est,
simul ista in mente Philosophi non extitit-
se, ac futile esse hoc Cartesianorum con-
mentum.

X. His opponunt præterea Cartesiani,
quod & in eorum, Cartesique adeo ipsius
libris legitur; cum quis cogitat, do ipso
tempore, quo cogitat, conscientiam esse suæ
cogitationis, eamque sentire ac cognosce-
re; ut cum cogitat diem esse, non solum
cogitare diem esse, sed & hanc ipsam co-
gitationem cognoscere; ita ut notitia cogi-
tationis hujus eadem sit ac cogitatio ipsa,
quæ secum sui conscientiam & perceptionem
in animo imprimat, & idea cogitationis
hujus non alia sit ab ipsa cogitatione. Sed
hæc quam inania sint facile intelligitur.
Latebram primum quarunt in confusione
hac idearum toto genere disperantium.
Nam cum cogito diem esse, mens mea est
principium cogitationis hujus; cogitatio est
actio mentis; dies est finis cogitationis. At
cum

X. Cum quis cogitat de re aliqua, non esse
dilectum est idea rei hujus, de qua cogitat, ac idea
hujus cognitionis.

cum cogito me cogitare diem esse, mutatur finis cogitationis; tunc enim finis cogitationis non idem est qui erat, nempe, Dies est; sed alius plane, nempe, Cogito diem esse. Mutato autem fine seu termino, mutari actionem necesse est. Scitum quippe est Scholæ, *Actum habere speciem ab objecto*. Igitur posterior hæc cogitatio diversa penitus est a priore, & perperam confunduntur. Nam qui dicunt cogitationem diei non differre a cognitione cogitationis diei, cum & iidem dicant cognosci diem per cogitationem diei; cognosci vero cogitationem diei per seipsum, pugnantia loquuntur. Diversæ enim sunt notiones rerum, cum res circa quas versantur hæc notiones, & illarum acquirendarum viæ diversæ sunt. Aliud est autem dies, aliud cogitatio diei; habetur notio diei per ideam diei, illa per seipsum, ut volunt Carteliani. Diversæ sunt igitur notiones istæ. Huc adde, posse me cogitare de die, nec cogitare de cogitatione diei: ineptum est autem dicere hæc esse unum & idem, quorum unum potest esse sine alio. Adde etiam, quoniam in enuntiato hoc, Ego cogito, post comparationem *subjecti* Ego, cum *praedicato*, Cogito, & post convenientiam utriusque agnitam, unum alteri tributum est, fieri id per *judicium*, quæ est secunda mentis operatio. Fieri autem non potest comparatio hæc, neque ulla hic agnoscit convenientia, quam idearum. Nam cum idea habeatur *subjecti* illius *Ego*, si *praedicati* *cogito* idea non haberetur, comparare non posset Philosophus id cuius in se extat idea, cum eo cuius nullam habet ideam; nec proinde affirmare se cogitare. Sin vero ex seipso nota ei esset hæc cogitatio, quidquid in ea cognoscit, ei quoque ex se notum cisset;

effet : cognoscit autem in ea suam existentiam : sua ergo ei ex se ipsa nota esset existentia . Pari ergo jure dicere possit , Ego sum , Ergo cogito , ut dicit , Ego cogito , Ergo sum ; neque magis dubitare debuit de existentia sua , quam de cogitatione sua . Quinetiam quemadmodum dixit Cartesius , Ego cogito , Ergo sum , dicere quoque possum *Cartesius cogitat* , *Ergo est* . Par est enim argumenti utriusque vis , par veritas . Atqui ex cogitatione Cartesii colligere non possum eum esse , quin cogitationis hujus Cartesianæ idea in me sit . Igitur ex sua cogitatione colligere itidem non potest Cartesius se esse , quin suæ quoque cogitationis idea in se sit . Nam quamvis cogitatio haec sit Cartesii , mea vero non sit , eodem tamen modo spectatur ab utroque nostrum , eodem modo usurpatur ; nec aliam induit naturam , cum à me in argumentum adhibetur , aliam cum ab eo . Cum enim nihil nisi per ideam sentiri , nosci , percipi possit , sentire non possum me cogitare de die , nisi per ideam cogitationis hujus . Ideam autem cogitationis , & ideam diei , qui eamdem dicere ausit , pari is jure dicat diem & cogitationem idem esse . Cartesius ipse audiatur ferens adversum sententiam in libro de Methodo : *Est* , inquit , *alia actio mentis per quam aliquid bonum vel malum esse judicamus* , & *alia per quam nos ita judicasse agnoscimus* , atque una *scipissime finis alia reperitur* . Quod si judicium de bono & malo reperi potest , sine cognitione hujus judicii ; cognitione quoque , quæ habetur de Sole , reperi potest sine cognitione cogitationis hujus . Audiatur & Scholæ Princeps Thomas (1) : *Alius est actus*

(1) *Thom. Summ. Part. 1. quæst. 87. art. 3. ad 2.*

inquit, quo intellectus intelligit lapidem; & alius est actus, quo intelligit se intelligere lapidem. At hæc fregisse se putant Cartesiani, cum ajunt noscere se diem per ideam diei; at cogitationem diei noscere se per seipsum, non per ideam; res quippe quæ extra mentem nostram sunt, non aliter nosci quam per ideas; quæ vero sunt in mente nostra, velut cogitationes, nosci per se præ sine ideis. Quæ quam vana sint, animadvertisse. Noscimus mentem nostram, intelligentiam nostram, voluntatem nostram; & noscimus quidem ope idearum: hæc enim comparamus inter se, distinguimus, definimus; quæ sine affirmatione aut negatione fieri non possunt. Affirmatio autem & negatio non aliter fit quam ideam cum idea comparando, earumque comprehensa convenientia aut discrepantia. Quintam ideas saepe nostras per ideas cognoscimus. Cum tria idearum genera distinxit Cartesius, naturalium, factitarum & adventitiarum, novit eas utique per earum ideas. Ideæ autem universales sunt ex singularibus; ut & singulares nonnumquam ex universalibus: Contendo ego, inquit Cartesius (1), esse in nobis ideas, non eorum tantummodo omnium, quæ sunt in nostra intelligentia; sed & eorum quæ sunt in nostra voluntate; nec enim velie quicquam possumus, quia nos id velle sciamus; nec id possumus scire quam per ideam. At quæ his subjicit, valde absurdâ sunt, nempe ideam hanc eamdem esse ac ipsam actionem. Nam qui vult legere; hanc mentis suæ actionem cognoscit per ideam; cuius ideæ caussa est ipsa actio: ideam autem actionis cum actio-

ne confundere , caussam cum effectu confundere est. Alibi ideam mentis nostræ & ideam cogitationis ponit in numero idearum , quæ in nobis innatæ sunt : & ideam definit (1) , *Quidquid potest esse in mente nostra.* Cui consequens est cogitationem Solis idea sua non carere , per quam cognoscitur , cum cognitio hæc sit in mente nostra. Sic & Thomas (2) , cuius auctoritati multa videtur tribuere Cartesiana factio : *Intellexus noster intelligit seipsum per speciem intelligibilem.* Concedamus id tamen ; nam & aliis quoque Philosophis visum est cogitationem omnem adjunctum habere & comitem sensum quemdam & perceptionem sui : ut cum volo ambulare , non solum volo ambulare , sed volo & probo hanc voluntatem ambulandi. Quemadmodum cum oculis domum intueor , duplex fit visio , altera directa , qua dominum video ; altera obliqua , qua vicinas arbores ; ita cum cogito diem esse , duplarem ajunt esse cogitationem ; directam alteram , quæ est diei alteram obliquam sive adjunctam & comitantem , quæ est cogitationis diei. Carneades quoque cum de criterio dissereret , dicebat ex re aspectabili hominis oculis objecta existere phantasiam quæ & seipsam & alias res aspectabiles efficeret . Verum nihil inde , quod caussæ suæ proficit , colligent Cartesiani . Ut enim ex cognitione cogitationis meæ exprimam antecedens istud enuntiatum , Ego cogito , unde ducere possum hanc conclusionem , Ergo sum ; non sat est ut cognitio illa sit obliqua & directa , ac proinde imperfecta ; sed necesse

omn-

(1) *Cartes. Medit. 3. Epist. Tom. 2. Ep. 54.*(2) *Thom. Part. I. q. 14. a. 2.*

omnino est, ut sit directa & perfecta: non satis est si sentiam me cogitare, sed neceſſe est ut cogitem me cogitare. Nisi enim attento animo & accurate perlustretur & percipiatur enuntiati cuiuslibet natura, significatio, & intellectus; certo sciri haud quaque potest latere in eo conclusionem, quæ inde eruenda est. Quamobrem reflecti debet animus & defigi in priorem hanc suam cogitationem. Prior autem illa cogitatio, erat mentis cogitantis actio in rem sibi objectam, de qua cogitabat; ea vero res objecta, finis erat, ut dixi, cogitationis: nunc autem actio illa fit finis novæ cogitationis, & mens in eam agit nova actione. Ruit itaque omnis hæc exceptio.

XI. At Cartesius, ejusque affectatores, ut duo hæc, *Ego cogito, ergo sum*, quæ facile divelli posse prospiciebant, firmius adstringerent, & in unum conglutinarent, negare ausi sunt nobis hæc esse per ratiocinationem cognita, sed per simplicem, ut vocant, visionem. Quippe patentur ratiocinationem omnem errori esse obnoxiam, cum memoria opus habeamus, cuius ope principiorum & sumptionum recordemur, unde conclusiones ducimus; memoria autem fallax sit & infida. Igitur si totum istud *Ego cogito, ergo sum*, meram esse ratiocinationem docero, nec per simplicem visionem nosci posse; incertum hoc esse & dubium utique probavero; falli vero, vel fallere qui ratiocinationem negant esse ratiocinationem. Quæro ergo quid sit ratiocinatio, sive ar-

gu-

XI. *Falsum est istud, Ego cogito, ergo sum, nobis cognitum esse per simplicem visionem, non per ratiocinationem.*

gumentatio : annon actio mentis humanæ per quam ex principiis cognitis educitur conclusio , rem notam faciens quæ antea erat incognita ? Sive malimus uti verbis Thomæ Aquinatis (1) : *Processio de uno intellectu ad aliud , ad veritatem intelligibilem cognoscendam.* Annon autem in gemini hujus enuntiati complexione totum hoc reperiatur ? Nescire enim se profitetur Cartesius in aditu Philosophiae suæ , an sit . Ut autem ad rei hujus ignotæ notitiam perveniat , querit aliquid quod sibi sine ulla dubitatione cognitum sit. Id esse vult , *Ego cogito* ; atque id ponit ut principium exploratissimum. Ponit & illud , ut lumine naturali notissimum , *Quidquid cogitat , est.* Tum ex gemino hoc principio sibi cognito , *Quidquid cogitat , est ; atqui ego cogito , notitiam asseditum se ait rei quam ignorabat , nempe , Ergo sum.* In qua conclusione *predicatum* , ut vocant , adjungitur *subjecto* ; nempe hoc *sum* , illi *Ego* , per connexionem inediū termini *Cogito* , qui præmissis sumptionibus intextus est. Quæ si quis perfectum conflare syllogismum negaverit , rudit ille sit Dialecticæ totius. Legatur secunda Cartesi Meditatio , manifesto apparebit progressio mentis per cognitionem cogitationis suæ , ad perceptionem rei prius incognitæ , nempe se esse. Ad id autem quod ajunt Cartesiani , cum quæreret Cartesius an existeret , de eo quidem ipsum non dubitasse , sed finxisse se dubitare , et si hoc jam ipsis effugium præclusum est , dicemus tamen non hic disputari inter nos quid de *existentia* sua senserit Cartesius ; sed annon querendam & probandam susceperit suam *existentiam* ; atque hoc suscep-

(1) *Thom. Summ. Part. I. Quest. 79. art. 8.*

fuscepto ; annon per argumentationem & ratiocinationem probare eam fategerit. At qui hæc in prima sua & secunda Meditatione , & in suis Philosophiæ Principiis clarissime disputavit , magnoque molimine suam exquisivit *existentiam* , quam ex eo colligit demum quod cogitaret. Insolens porro est & ineptum quod addunt , pertinere ad naturam syllogismi , conclusionem ex se notam non esse ; cum nota autem nobis ex se sit *existentia nostra* , argumentum illud Cartesii , quo eam probare instituit , argumentum non esse. Itane vero ? si nota nobis ex se est nostra *existentia* , cur de sua dubitavit Democritus , cur Academic i de sua ? Nota enim sit ex se conclusio , necne , oriatur modo ex vi propositionum , quas *præmissas* vocant , legitimum erit argumentum. Quid ex se notius , quam Axiomata Geometrarum ? ea tamen demonstrare tentavit Apollonius Pergæus : nec id fecisset fane , si in eo ludere se operam putasset. Nihil enim tam ex se notum est , quod non alicui Philosopho dubium & ignotum esse posset. Annon per se notum est , æqualia esse inter se , quæ alteri æqualia sunt ? falsum id tamen , ac proinde ignotum Carneadi fuit , & demonstratione eguit. At quod in eorumdem libris legitur , propositionem hanc , *Ego sum* , atque argumentum etiam illud , *Ego cogito* , *Ergo sum* , esse axiomata , ridiculum est omnibus cachinnis dignum ; summamque prodit se stœ hujs imponit. Axiomata enim appellari vulgo solent effata quædam universalia , immutabilis & æternæ veritatis ; qualia sunt illa Geometraruin . Propositiones autem istæ cum singulares sint , & circa *individua* versentur , mutahiles sunt & incertæ , nihiloque magis Axiomata dici possunt , quam quævis alia propositio. Jam vero

vero dum ex his nodis extricare se conatur Cartesius (1), in alios se laqueos induit; negat enim, eum qui dixerit, *Ego cogito*, *Ergo sum*, existentiam suam ex sua cogitatione per ratiocinationem deducere, sed tanquam rem ex se notam simplici mentis intuitu agnoscere: quippe si existentiam suam ex sua cogitatione per ratiocinationem colligeret, jam ante notam habere debuisse propositionem istam, *Quidquid cogitat est*; cum potius concludat Philosopher id omne existere quod cogitat, ex eo quod in se experiat, non posse se cogitare, nisi existat; hanc enim esse mentis nostræ naturam, ut universales propositiones conflet ex singularibus. Quorum five pœnitens Cartesius (2), five oblitus, contraria omnia in libris Principiorum attulit; nempe antequam quis sciatur, idcirco se esse quod cogitet, huic esse sciendum, fieri non posse, quin id omne sit quod cogitet, propterea que certum hoc esse (3), *Ego cogito*, *Ergo sum*, quod repugnet ut putemus id quod cogitat, eo ipso tempore quo cogitat, non existere. Non igitur universale illud, *Quidquid est*, ex singulari hoc efflorescit, *Ego cogito*, *Ergo sum*, neque illo posterius est; sed è contrario hoc singulare tanquam fundamento nititur hoc universalis. Traditum præterea ab eo est in Epistolis (4), innatas in nobis esse ideas, quæ æterna illa & immutabilia nobis effata repræsentat. Cujusmodi cum sit illud, *Quidquid cogitat, est*, id cognoscimus ex natura nostra, non ex aliis

no-

(1) *Cartes. Resp. ad secund. Object.*(2) *Cartes. Princip. Part. I. §. 10.*(3) *Cart. Princ. Part. I. §. 7.*(4) *Cartes. Epist. Tom. 2o Epist. 54.*

notionibus derivatum habemus. Quæ cum ita sint, inconsiderate agunt Cartesiani, qui ideo quod enuntiatum hoc, *Quidquid cogitat, est*, ex natura nostra cognoscimus & per simplicem visionem, reliquas quoque hujus argumenti partes. *Ego cogito, Ergo sum*, eodem modo nobis esse cognitas volunt. Major enim propositio isthæc, *Quidquid cogitat est*, effatum est immutabilis & æternæ veritatis. Minor autem propositio, *Ego cogito*, temporalis est, mutabilis & incerta. Ac proinde & ipsa conclusio. Qui ergo res tam discrepantis naturæ, tam diuersæ, uno intentis & simplici intuitu spectari possint? Huc adde absurdum illud, si utrumque hoc, *Ego cogito*, & *Ergo sum*, per simplicem visionem cognoscuntur, hoc est per unicam mentis actionem; cognoscuntur simul, eodemque modo, & eodem tempore; ita ut cognitio unius non pendeat ex cognitione alterius. Quæ si ita sint, non magis, nec prius cognoscitur, *Ego cogito*, quam, *Ergo sum*; ac proinde ex hoc pronuntiato, *Ego sum*, tam recte colligi potest istud, *Ego cogito*; quam ex hoc, *Ego cogito*, colligit illud Cartesius, *Ergo sum*. Quod si istud vero, *Ergo sum*, pendet ex hoc, *Ego cogito*, atque inde educitur; ante in hoc intendenda mens est, quam in illud, ut ex cognito incognitum educatur. Unde sequitur cognitionem pronuntiationem hujus, *Ergo sum*, posteriorem esse cognitione illius, *Ego cogito*. Tametsi enim haec temporibus discreta non sunt suapte natura, sed existant simul; at discreta certe sunt in mente Philosophi, ut jam adnotavimus. Primum enim sciebat id omne esse quod cogitat; agnoscit deinde se cogitare; ac denique se esse. Nec proinde unica est cognitio simplex velut utriusque.

XII. Scrutemur stirpes omnes argumenti
hujus, & eruamus. Dixi Cartesium aliam
quoque habuisse caussam, cur a dubita-
tione initium philosophandi fumeret: nem-
pe quod ignoremus annon ita sunus facti
a Deo, ut semper fallamur, etiam in iis
rebus quæ nobis videntur esse notissimæ;
quo in numero ponit, non Theorematæ
solum Geometrarum, sed eorumdem quo-
que principia. Nec jam ipsi movemus litem,
quod figmentum ponit auribus Christianis
in usitatum, Deum nos posse semper fallere,
cum sciamus Deum bonum esse, perfectum,
veracem, veritatem ipsam, nosque ab or-
tu facere lucis suæ participes. Quippe id agno-
vit variis locis Cartesius (1) ipse, scripsit
que Deum esse summe veracem & datorem omnis
luminis; ac propterea plane repugnare, ut nos
fallat, sive ut proprie & positive sit caussa erro-
rum. Alibi quoque non Deum, sed malum
aliquem Genium valde potentem fingere
mavult, animis nostris insidiantem, per-
petuoque nobis offundentem tenebras & er-
rores. Sed utravis caussam hanc assignet,
meminerimus nos Philosophari, & ipsum
veritatis studium sive Philosophiam cuiuslibet
rei quantumvis absconæ fingendæ dare
licentiam. Ex hac ergo lege adeo patente
& generali, ita nos esse comparatos ut sem-
per fallamur, cum nihil omnino exceptum
sit, & nihil mihi sit adeo notum, quod
non

XII. Ex hoc dubitandi arguento, quod a Cartesio
propositum est, Nescire nos annon ita compara-
ti simus a Deo, vel a malo aliquo Genio ut
semper fallamur, refellitur istud, Ego cogi-
to, ergo sum.

(1) Cartes. Prince. Part. I. c. 29. Cartes.
Medit. I. § 2.

non hujusmodi admonitio mihi falsitatis suspectum reddat ; quidquid deinceps ad credendum mihi proponet Cartesius , id merito rejiciam , si priore ejus ac generali præcepto stare velim. En vero idem dubitandi auctor , repente mutatus ab illo cunctatore Cartesio , ac velut jam factus certior non ita se conditum a Deo , vel a malo aliquo Genio delusum , ut semper fallatur , affirmat & asseveranter pronuntiat se cogitare , ac ideo se esse , unico hoc persuasus argumento , quod repugnet id quod cogitat , eo ipso tempore quo cogitat , non esse ; proptereaque notionem hanc , *Ego cogito , Ergo sum* , omnium esse primam atque certissimam. Tum qui de omnibus omnino rebus dubitare decreverat , perfracto semel hoc repagulo , quod ipse objecerat sibi , jam quæcumque animo perspicue videre sibi videtur , quæcumque lumine naturali nota sibi esse fingit ; verissima esse constanter affirmat & statuit . Quomodo vero qui nescire se ait , annon ita sit compositus a Deo , ut semper fallatur , scire potest se non falli , cum putat se esse , se cogitare ; cum aliqua inter se pugnare existimat ; cum animo se perspicue videre arbitratur quippiam ; cum lumine naturali videtur ei aliquid notissimum ? Unde id rescire potuit , quod mox ignorabat ? Quanam exceptione disolvit hoc argumentum , quod mox tantum apud eum valebat ; quodque tanti est , ut eximi quidam viri de grege Cartesianorum ingenue confessi sint , nulla ratione convinci eos posse , quicunque obstinate contenderint , hanc esse naturam hominis , ut semper fallatur ? Quod si ex hac inscitiae humanæ lege ea eximi jubet Cartesius , quæ lumine naturali cognita sunt , & Philosopho cuidam dicendi falso esse posse

posse hoc enuntiatum, *Ego cogito*; nihil aliud
habuit quod responderet, ut dixi supra,
quam id esse lumine naturali cognitum,
admittat necesse est principia omnia Arith-
meticæ & Geometriæ ; velut ista, Duo
tribus addita efficere quinque, & Si æqualibus
æqualia addas, quæ inde exurgent, fore æqua-
lia, de quibus tamen dubitare statuerat.
Hæc porro si cum cæteris Mathematicorum
principiis admiseris, admittes quoque du-
cta ex iis Theorematum, ac totam proinde
Geometriam. At fatetur Cartesius, & nega-
ri certe non potest, saepè in eo peccari.
Jam ergo erroribus fenestra aperta est, &
vanescit omnis ille dubitandi apparatus, in
ipso Philosophiæ ingressu ab eo instructus.
Præterea si ea est natura hominis, ut in
rebus clarissimis fallatur, cum lumen na-
turale sit hujus ipsius naturæ facultas, quan-
tumvis perspicuas nobis & manifestas res
faciat, legi huic naturæ nihilominus erit
obnoxium, qua fit ut in rebus clarissimis
homo fallatur: nec Cartesii ratiocinationes
quantumvis acutæ naturam ejus fallacem
& insidiosam mutabunt. Videat nunc quo
se vertat Cartesius: nam si dicere pergit
nescire se annon ita se habeat, ut semper
fallatur, agnoscat falli se posse in eo, *Ego
cogito, ergo sum*; ac proinde primum hoc
non esse & certissimum Philosophiæ fun-
damentum; vel si id admitti jubeat cum
reliquis, quæ lumine naturali cognita sunt,
jam nihil esse ab erroribus totum. Concur-
rant Cartesiani omnes & capita conferant,
numquam inde se expedient; atque hoc
everruculum est argutiarum omnium Car-
tesii, quæ ab hoc aditu in ejus Philoso-
phiam irrepserunt. Evidem cum tertiam ejus
Meditationem legerem, mirari satis non po-
teram repugnantiam & dissensionem ra-
tioci-

tiocinationum. Quotiescunque , inquit , occurrit ad animum infinita Dēi potentia , fateri cogor perfacile illi esse efficere ut fallar , etiam in iis quæ mihi videntur esse certissima. Mox subjicit , Quotiescunque attento ad eas res , quæ mihi videntur esse certissimæ , tum erumpo in has voces , Fallat me Deus quantum potest numquam tamen efficiet ut fallar , cum credo me esse , quia cogito , & duo tribus addita esse quinque ; & cum fidem adjungo similibus pronuntiatis , quæ non possunt sine manifesta repugnantia non esse vera . Annon vides , Cartesii , annon sentis manifestam horum ipsorum quæ dicas repugnantiam ? quæ perinde sunt , ut si dices , Nihil est in quo errare non possim ; Multa sunt in quibus errare non possum : item , Nescio annon fallar in rebus valde perspicuis ; Scio me non falli in rebus valde perspicuis . At hīc quoque recurrent Cartesiani ad solemnem suam respondionem ; non dubitasse quidem Cartesium , sed tantisper finxisse se dubitare , annon ejus esset naturæ , ut semper falleretur , quoad expendisset propositas sibi caussas de eo dubitandi ; quibus expensis si infirmas & invalidas reperisset , uti factum est , constitutum sibi fuisse jam amplius de eo non dubitare : dubitasse itaque eum & non dubitasse de re eadem *in sensu diviso* ; nimirum dubitasse antequam removisset caussas dubitandi , & veritatem perspexisset ; non dubitasse , postquam sibi perspecta veritas est , & sublatæ caussæ dubitanti : negant vero dubitasse eum & non dubitasse de re eadem *in sensu composito* , simul nempe & eodem tempore . Ego vero Cartesium ajo etiam *in sensu composito* dubitasse & non dubitasse de re eadem , & pugnantia animo finxisse . Nam quo tempore

pore dubitavit ; annon ejus esset naturæ ut semper falleretur , si hoc ipso tempore decrevit de aliquando non dubitare ; necesse est de eo simul eum dubitasse & non dubitasse . Dubitavit enim annon ejus esset naturæ , ut semper falleretur , cum de eo sibi dubitandum esse agnovit propter argumenta ab eo proposita in aditu Philosophiæ : simul etiam non dubitavit annon ejus esset naturæ ut semper falleretur , eum decrevit de eo non amplius dubitare post expensa hæc argumenta . Nam qui definit dubitare an ejus sit naturæ ut semper fallatur , jam certus est se esse , vel non esse ejus naturæ , ut semper fallatur : qui vero dubitat an ejus sit naturæ ut semper fallatur , certus non est se ejus esse , vel non esse naturæ ut semper fallatur . Uno igitur & eodem tempore certus fuit Cartesius , & certus non fuit se ejus esse naturæ ut semper falleretur , hoc est , de eo dubitavit & non dubitavit . Quæ manifesto sibi adversantur . Quemadmodum si quis fingat naturam humanam ratione præditam non esse , ut id fingendo occasionem sibi præbeat , rationes comminiscendi , quibus eam ratione præditam esse probet ; is profecto pugnantia sibi finget , sibiique ipsi contradicet : simul enim ponet naturam humanam ratione præditam non esse , talem eam esse fingens ; & ratione præditam esse , rationes afferre statuens , quibus eam ratione præditam esse demonstrat . Ajo denique frustra dici a Cartesianis , hanc habuisse rationem Cartesium , quam volunt , cur dubitandi legem proponeret . Nam cum argumenta afferret , cur a dubitatione suam ordiretur Philosophiam , multa quidem & gravia proposuit ; neutquam vero istud quod proferunt , ut sibi

sibi caussa esset ea ipsa explorandi . Minime quoque ad tempus dubitare se dixit ; sed ea e contrario proposuit argumenta dubitandi , quæ nulla unquam ratione elui posint . Quoniam autem meminit nondum sublatum esse propositum a se superius dubitandi argumentum , id nunc facere aggreditur . A Deo , inquit , ita factus esse non possum ut semper fallar ; nam id si esset , Deus , esset deceptor ; nullam autem habeo caussam cur existimem Deum esse deceptorem ; contra vero , cum sit summe bonus & summe perfectus , fallere me non potest . Si inecum Christiana religione inhibuto agis . Cartesi , habebis utique non repugnantem , fateborque Deum summe veracem & perfectum nolle me semper fallere . Veruni pugnamus hic ratione , non Fide ; ex Philosophiæ principiis , non Theologiæ . Finge te itaque agere cum prisco aliquo Philosopho : sic ille tecum disputabit . Si nescis , Cartesi annon semper fallaris , nescis quoque annon fallaris , cum ais , Si ita a Deo factus essem ut semper fallerer , Deus esset deceptor : & in eo sane fallaris , nam is est deceptor , cuius dictis facta ahiludunt , & aliud præstat ac pollicitus est ; Deus autem homini pollicitus non est , fore eum ita a natura comparatum , ut in rebus perspicuis numquam fallatur . Jam ergo qui de perspicuis dubitare te velle dixeras , ne dubitas quidem de falsis , Addet præterea is , quem fingimus , Philosophus , nescire te annon fallaris cum ais , Deus quod sit summe bonus me non potest fallere ; nec te scire , inquam , certo quid sit Deus , quid posit , quid velit : deinde aliud else nos fallere , & proprie ac positive esse caussam errorum ; aliud vero , sinnere nos falli ; quemadmodum aliud est homini .

minem occidere ; aliud impendi morti ,
de qua tamen s̄apie monueris , non eri-
pere . Addet etiam , ut Deus fallax dici
non potest , quod tales non effecerit , ut
aliquando fallamur ; nihilo magis fallacem
dici posse , etiamsi tales nos effecisset , ut
semper falleremur : imo vero , cum crebro
nos prolabi in errores sciamus , si pii esse
volumus , imbecillitatem nostram expertos
demississime de nobis debere sentire ; quan-
tumque Deo , qui summe ac semper verax
est , inferiores simus subjectissime agnosce-
re : & ab inficitia nostra ad laudem Dei ,
non ad querelas & criminationes excitari ;
atque ita ad ejus gloriam conditos esse
nos arbitrari . Docuisti ipse tu , inquiet ,
Cartesi (1) , Deum errorum nostrorum au-
torem fingi non posse , etiamsi intelle-
ctum nostrum intra certos sciendi & co-
gnoscendi limites concluserit , nosque er-
roribus obnoxios effecerit ; imo gratias illi
habendas esse de bonis quae nobis largi-
tus est ; minime expostulandum , quod non
quæcumque largiri poterat , largitus sit ;
liberam quippe ejus esse in nos potesta-
tem . Cur Deus autem verax & beneficus
habebitur , si tales nos effecerit , ut s̄apere
fallamur ? deceptor contra , si semper fal-
lamur ? An non tales nos fingere potuit ,
ut numquam falleremur ? at quamvis id
omne nobis tribuerit , quod poterat tribue-
re , fateris tamen nullo nos id jure que-
ri posse ; quo jure vero fallaciæ eum ar-
gues , si omnino id nobis denegavit , quod
denegare potuit ? An non tam libera fuit
ejus potestas , ut omnem , quam ut ali-
quam

(1) Cartes. Prince. Par. I, §. 29. & sequent.
Medit. 4.

quam nobis veritatis notitiam eriperet? Quam inane præterea est quod ait, te causam non habere, cur ita te factum à Deo existimes, ut semper fallaris! annon falleris aliquando? qui vero ita factus est, ut aliquando fallatur, annon suspicari potest se ita esse factum, ut semper fallatur? annon fateris ipse, Cartesi (1), tam fieri posse ut semper, quam ut aliquando fallamur? fallimur autem sæpiissime. Annon sciscis ipse, imprudentem esse qui nimis iis confidat, quæ nos vel semel deceperunt? quam sæpe autem fallit nos nostra ratio? Sic tecum agit, inquam, Philosophus ille. Subjungit deinde Cartesius, ne quidem adhuc se satis scire, an Deus sit aliquis; nedum an ab eo falli possit; ac propterea hæc sibi postmodum diligendam proponit. Quænam vero hæc est in argumentando perversitas? Ignorare se primum dixit, annon à Deo ita sit conditus, ut semper fallatur; ac propterea sibi de omnibus esse dubitandum: tum quasi exploratum habeat, se à Deo ita non esse conditum ut semper fallatur, sumit quæsumus pro concessu, & multa esse docet de quibus non liceat dubitare; ac iis deinde sine dubitatione admissis demonstrare conatur Deum esse; ac deinum talem se à Deo non esse creatum, ut semper fallatur. Nonne proposito primum hoc dubitandi arguento, quod nesciat annon ita à Deo sit factus ut semper fallatur, tollere illud debuit, antequam ulterius progredieretur? & demonstrato hoc, se à Deo non esse ita factum, ut fallatur in rebus iuamine naturali cognitis, probare deinde cognitum sibi esse iuamine naturali,

C

rali,

(1) *Cartes. Princ. Part. I. §. 4. & 5.*

Censura Philosophie

rali , se cogitare ; ac demum sibi cognitum esse lumine eodem , se esse quia cogite? Contra vero vitiosum illum admisit ratiocinationis circulum , Incertum est lumen naturale , cum ignorem annon ejus sim naturae ut semper fallar : Non fallor cum dico , *Ego cogito* , *Ergo sum* , cum certum sit lumen naturale.

XIII. Hinc extricare se posse putarunt recentiores quidam Cartesianæ doctrine patroni , cum dicerent Deum , etiam si fingatur fallax , non tamen fallere nos posse in iis rebus quas cognoscimus per simplicem , ut vocant , visionem , non per ratiocinationem : cujusmodi est illud , Bina binis adiuncta efficere quatuor ; & cujusmodi illud quoque esse volunt , Me esse , quia cogito. Primum , cur sentiant falli nos non posse in iis quæ cognoscimus per simplicem visionem , rationem afferunt nullam. Imperiosi homines , qui hic & alias saepe opiniones suas edunt tanquam responsa c tripode , & proris animis accipi volunt ; præposteri etiam , qui eam tueri se posse putant Philosophiam , cuius fundamentum dubitationes sint , figmenta fastigium. Pyrrhones in aditu , in exitu meri Pythagoræ . Nam qui omnia jusserunt haberi pro fallis , cur effatum hoc pro vero admittit sine argumento postulare andent ? Pari supercilie , nullo allato argumento definiunt cognosci enuntiatum istud , *Ego cogito ergo sum* , per simplicem visionem , non per ratiocinationem ; quod fallsum esse demonstravimus . At recentiores nonnulli Car-

XIII. *An verum sit* , Deum nos fallere non posse in iis rebus quas cognoscimus per simplicem visionem .

tesiani , prioribus illis succentur ati , opinionem illam fulcire connati sunt hoc argumento , si ea quæ sibi per simplicem visionem cognita sunt , falsa esse possent , futurum ut nihilum esset causa archetypa suarum idearum : quod fieri omnino non posse autumant: Quia locutione captiosa & obscura id tantum sibi volunt , ideas suas sine caussa archetypa esse non posse. Quod an consentiat cum decretis Cartesii , videamus. Tria is ponit idearum genera , earum quæ in nobis innatae sunt , adventitiarum , & factitiarum ; eas autem quæ in nobis sunt innatae , a rebus externis proficiunt negat. Id si sit , harum certe idearum caussa nulla archetypa est. Nam si caussa illa dicatur esse in Deo , causæ quoque archetypæ falsarum idearum in Deo esse dicentur ; cum efficere Deus possit , ex sententia Cartesii , ut res falsæ veræ sint. Rerum certe multarum ideas nascentibus nobis inferere potuit Deus , quæ nusquam extiterunt ; nec propterea fallax esset ; quippe si res illas judicaremus extare , ipsi nos falleremus. Præterea quænam dicetur esse caussa archetypa puncti Geometrici? Cum dubitaret Democritus , atque ipse etiam Cartesius , an extaret aliquid , tum in se utique agnoverunt multarum rerum ideas , quarum nullam extare fingebant caussam archetypam. Nec impune interim ferre Cartesianos finimus , quod cognoscere se aiunt per simplicem visionem , bis bina esse quatuor ; quæ propositio est ; sive , ut vocant , *judicium* , quod fit per secundam mēntis oportationem ; in qua cum *prædicatum* adjungatur *subjecto* , ut eo cognoscatur , tria in ea cognoscenda sunt , *prædicatum* nempe , & *subjectum* , & utriusque connexio . Quod autem multiplex est , cognosci non potest per sim-

C 2 pli-

Censura Philosophiae

plicem visionem. Verum qui idem de ter-
tia mentis operatione , sive ratiocinatione
asseverare ausi sunt , mirum si hoc & de
secunda senserunt ? Nec id temere : argu-
mentationem hanc , *Ego cogito , Ergo sum* ,
ex tertio ordine operationum mentis revo-
cant ad secundum ; ne memoriae lapsibus
obnoxia sit ; nunc ex secundo ordine de-
trudunt in primum , ut eam *judiciorum* si-
ve opinionum erroribus subducent . Quod
ajunt deinde fingi non posse à Deo hujus-
modi hominem qui veritatem nullo mo-
do agnoscat ; et si hoc ego homo Christia-
nus fateor perlibenter , at quo tandem pa-
cto consentire id potest pervulgato huic
Cartesianæ Philosophiae decreto , Efficere
Deum posse , ut duo & duo non sint qua-
tuor , & ut repugnantia effata simul vera
esse possint ? Fingamus enim Deum id effe-
cisse quod efficere posse ajunt , & bis bina
non efficere quatuor ; tum certe fallar cum
cognoscam , sive per simplicem visionem ,
sive quocunque alio modo , duo duobus ad-
dita esse quatuor . Fingamus quoque Deum
effecisse , ut qui cogitat non sit , vel ut
non cogitet cum cogitat , fallar profecto
cum dicam , *Ego cogito , ergo sum*. Efficere
igitur Deus potest , ut fallar in iis , quæ co-
gnosco per simplicem visionem , quando-
quidem efficere potest ut falsa sint , quæ
per simplicem visionem vera esse cognosco .
Enique quomodo hæc consentiunt & isti
Philosophiae ejusdem præcepto , quo jube-
mur habere pro falsis principia omnia Geo-
metriæ , ac pròpterea & istud , Totum est
majus sua parte ? Cum enim pronuntiatum
istud , Duo duobus addita efficiunt quatuor ,
pendeat **ex** universalì hoc effato , Totum
est æquale omnibus suis partibus simul sum-
ptis ; atque id porro conjunctum sit & con-
pula-

pulatum alteri huic , Totum est majus sua parte , quoniam argumento falsum habebō postremum hoc ; prius vero ita certum esse credam , ut in eo ne à Deo quidem falli possim ? Videtis inconstantiam & diffensionem fastidiosæ illius Philosophiæ , quæ certam se jactat reperiisse viam veritatis .

XIV. Ergo cum scribit Cartesius in Methodo se Philosophiam primum capessentem , & à dubitationibus exordiendum esse censem , dubitandum non esse decreuisse more Scepticorum , qui dubitant , inquit , ut dubitent , & præter incertitudinem nihil querunt , sed dubitationes suas reprehensisse & fixisse in certissima principii hujus notitia , Ego cogito , ergo sum : cum , inquam , hæc scribit , in eo errare incipit , quo incipit discrepare à Scepticis . Hi enim & ille videbunt esse dubitandum ; at dubitare ille tum desit , cum erat maxime dubitandum ; in hoc videlicet principio , quod non minus incertum est ac reliqua omnia quibus adductus erat ad dubitandum ; hi dubitare pergunt in eodem illo principio , de quo vel maxime dubitandum esse vident : haud-quaquam certe dubitantes ut dubitent , quod minime insimulasset Cartesius , si rationes eorum diligentius perspexisset ; sed ideo dubitantes , quod nihil ipsis satis liquido , satisfice certo percipi posse videatur . Scirent vero Cartesiani ultimum Scepticæ Philosophiæ finem non esse dubitationem , sed animi tranquillitatem in iis quæ pendent ex opinione , constantiam in iis quæ vitari non possunt : dubitationem vero , hoc est οὐώχων finem

C 3

finem

XIV. Cartesius in excursu Philosophico Academico & Scepticos affectatus , statim erat , ut eum deserit .

Hinc quoque esse , sed proximum ; unde oritur tranquillitas animi & constantia , in quibus conquiescebant , sic tanquam in fine lutimo ; in ἐπωχῇ vero tantisper hærebant , quoad quæstæ tranquillitatis & constantiæ compotes essent. Scirent etiam frustra Scepticis objici a Cartesio , eos ἐπωχῇ sua tanquam compede constrictos , pericula ac mortem ipsam non vitasse . Reipsa factum id ab iis censuit vulgus , quod ex eorum doctrina consequi adversarii caussabantur , & ex Antigoni Carystii fide proditum hoc est a Diogene Laertio , in opere tumultuario atque rudi , neque postremis curis perpolito , in quod sine delectu congestum est , quidquid vel excepit ex rumoribus vulgi , vel in veterum scriptis obvium habuit . Tantum autem ab hac insanìa absuerunt Sceptici , ut potius ex sedetæ suæ instituto dererent obsequi legibus , moribusque receptis , & communi vitæ usui . Quæ clarissime explicata sunt a Sexto Empirico . Scirent præterea Cartesiani , non solam hanc nec præcipuam habuisse Scepticos assentio- nis retinendæ caussam , quam afferunt ac derident : nempe quod aliquando reperi- possint rationes dissentendi , iis rationibus contrarie quæ non ad assentendum nos impellunt . Longe plures habuerunt Sceptici caussas dubitandi , ex quibus prodierunt decem modi ἐπωχῆς , quos commenti sunt vetustiores ; tum quinque alii deinde sunt excogitati ; & alii postmodum duo ; & octo demum , quibus recentiores usi sunt adversus Dogmaticos . Scirent quoque vel hanc ipsam ἐπωχῆς caussam , quam ludibrio habent , probam esse atque rectam . Annon enim magistra ætate , experientia , studio , meditatione sapientiores fiunt homines emen-

emendatis infantiae opinionibus , erroribus depositis ? Scirent etiam longe aliud esse , fontem ultimum dubitationis habere dubitationem ipsam , quod Scepticis tribuit Cartesius ; aliud dubitare , ne novis repertis rationibus temerariæ affensionis aliquando nos peniteat. Scire ut denique falli se vehementer , cum putant negare non posse Scepticos , evidens esse hoc argumentum , *Ego cogito , Ergo sum* ; cum e contrario unum hoc sit e præcipuis Scepticæ doctrinæ capitibus , nihil esse evidens . Vel inde ergo intelligat superba illa gens Cartesianorum , contemnere solita veterum doctrinam , unam suam mirari , & sua inscitia gloriari , quam sint præposteri & imprudentes , cuin ea scire videri voluerent , que nesciunt ; sibique multo esse conducibilis remittere aliquid de hoc fastu , & ad antiquæ philosophiæ studia deinittere animum , quam ex turpi ignorantia dedecus sibi consiscere.

XV. Quorum doctrinam convellere dum nititur Cartesius , valide sane confirmat hoc argumento quod excussumus , nescire nos annon ita a Deo facti simus , ut semper fallamur. Hinc enim argumento cum unicam illam habuerit contradictionem quam opponeret , si ita essemus à Deo facti ut semper falleremur , Deum fore deceptorem ; nec eam reliquæ ejus doctrinæ consentaneam esse ostenderimus , manifestum est nihil Scepticorum & Academicorum sectæ conducibilis afferri potuisse . Fatentur enim Cartesiani omnes , ipseque adeo Cartesius , nisi constet nos ita à Deo non factos , ut

C 4 sem-

XV. Fatetur Cartesius nullam nos habere veritatis normam , nisi constet nos ita à Deo non factos , ut semper fallamur.

semper fallamur , scire nos non posse an certa sint Theoremiata Geometrarum , an ultima extet materia rerum , resve ullæ materia concretæ , & an mundus iste aspestatibilis revera extet , uti extare videtur , & nullam denique nos habere normam veritatis ; ac ne somnia quidem à rebus veris internosci posse : quæ mere Sceptica sunt . Nam quod ajunt Cartesium dubitationem simulasse , Scepticos revera dubitasse ; postremum hoc fatemur , prius illud nullo argumento approbant . Quia enim nota discerni possit simulata illa dubitatio Cartesii a vera dubitatione scepticorum ? Philosophantur Sceptici itidem ut Cartesius , veritatem anquirunt utriusque , utriusque errores vitant , vitari eos per dubitationem utriusque censem , ideoque dubitationem utriusque profitentur . Verum cum urgentur utriusque ab adversariis , Cartesius in manifesta inconstantia & opinionum discepantia deprehensus , susceptam ejurat dubitationem , & postquam ejus commodis ad Philosophiam suam abusus est , simulationem simulat , ne sinceræ dubitationis noxas præstare cogatur ; quod Philosophico candore indignum est . At egregie contra sibi constant Sceptici ; dubitationem suam per dubitationem defendunt , nec descendunt a suis principiis ; cuni iisdem artibus ac Cartesiani , simulatione eadem , ac pari jure caussam suam tueri possent . Ex his porro exoritur alia disputatio de norma , quam ad veritatem explorandam adhiberi jussit Cartesius . Quæ veritatis explorandæ norma si exploretur ipsa ad normam iudicii , prava & tortuosa esse deprehendetur . Atque id sanæ , ut facimus , postulat ordinis institutæ disputationis .

CA-

CAPUT SECUNDUM.

Expenditur Cartesii sententia de
Criterio.

I. Perversum Criterii querendi viam insiftit
Cartesius. II. In eo querendo parum sibi constat.
III. Es in eo quoque assignando. IV. Distinguist
claram & distinctam Perceptionem a Lumine na-
turali, & a Perspicuitate generaliter sumpta, &
a Notitia rei ex re ipsa ducsta. V. Lunare na-
turale Cartesii non est certum Criterium. VI. Ne-
que clara ejus & distincta Perceptio. VII. Quid
si idem, iuxta Cartesium. VIII. Refelluntur ar-
gumenta, quibus probare concus est Cartesius,
claram & distinctam Perceptionem esse certa
Criterium. IX. Argumentis oppugnatur hoc
Criterium. Primum argumentum. X. Secundum
argumentum. XI. Tertium argumentum. XII.
Quarum argumentum. XIII. Quintum argumen-
tum. XIV. Neque Perspicuitas, neque Notitia
rerum a rebus ipsis ducsta, sunt certa Criteria.
XV. Refelluntur praecepta veri cognoscendi a Car-
tesio tradita. XVI. Inanis est, quam ad percin-
tiendum verum adhiberi volunt Cartesiani, At-
tentio. XVII. Cartesius dubitans in excursu Phi-
losophie sua, confidens in progressu. XVIII. Quam
eius confidentiam Cartesiani superarunt.

I. A Ntequam suam de Criterio, sive de
norma veritatis sententiam proponeret Cartesius, nonnulla premissa sunt
ab eo, quae sunt hujusmodi, ut iis in-
C. 5 fructi

I. Perversam Criterii querendi viam insiftit
Cartesius,

fructi & præmuniti nullum deinceps Cri-
terium possimus admittere. Primum enim
nos monuit de omnibus omnino rebus es-
se dubitandum ; quod in magna opinio-
num pravitate versemur ab ipso ortu , &
errorem suxerimus cum lacte nutricis ; quod
sæpe nos a sensibus & ratione nostra falli
experiamur ; & quod nesciamus an ita for-
tasse nos fixerit Deus , ut semper falla-
musr , etiam in rebus notissimis . Deinde
postquam nos in magnam de rebus omni-
bus dubitationem adduxit , ac pro falsis
etiam habere eas nos voluit , multa statim
nos jubet admittere , tanquam nulli dubi-
tationi obnoxia , & ex hac generali dubi-
tandi lege excepta ; vel quasi ex crassissi-
mis inscitiae tenebris derepente in clarissi-
mam evaserimus lucem veritatis . Talia sunt
ista . Nos cogitare ; Ex eo quod cogite-
mus , sequi nos esse ; Mentem a corpore
esse distinctam ; Mentem nostram nobis es-
se notiorem quam corpus ; Deum esse ;
Deum fore fallacem si semper fallamur ,
aliaque plurima hujusmodi . Atque his de-
num positis , concludit non posse nos sem-
per falli ; imo numquam falso pro vero
a nobis admissum iri , si iis tantum assen-
siamur quæ clare & distincte percipiemus .
Is philosophandi ordo quam sit perversus ,
manifestum est : nam si quæcunque sub sen-
sus & rationem cadunt , falsitatis suspecta
nobis esse debent , antequam iis assentia-
musr , eluenda primum haec est suspicio fal-
sitatis , quod fieri minime potest nisi adhi-
bita veritatis norma . Qui enim certior
siam de rei veritate , nisi scivero prius
quid sit veritas , quæ sit nota veritatis ,
quis character , quod criterium , quo inter-
noscit possit a falsitate ? Omai igitur assen-
sioni præverti debuit inquisitio normæ hu-
jus .

ius . Ut enim quisquis ædificium extruere parat , regulam prius adornat & perpendicularum : ita antequam nobile hoc Philosophiae , quæ tota in veritate percipienda versatur , ædificium moliare , comparanda tibi primum est norma veritatis , ad quam exigas quidquid in hanc structuram admittes . Contra vero Cartesius , postquam ad veritatis normam revocanda esse omnia docuit , querere hanc normam tantisper differt , multaque interim sine ea admittit , in quibus eam demum reperiri putat . Atque ita ad ædificii sui legem normam parat , non ad normæ legem ædificium . Respondent Cartesiani , ipsam normam veritatis , argumentum nempe istud , *Ego cogito , Ergo sum* , esse veritatem ; proptereaque admittere debuisse Cartesium veritatem hanc , qua veritatis continetur norma , antequam norma hac uteretur ; falli igitur qui putant aliud esse normam veritatis ac ipsam veritatem , cum nihil aliud sit norma isthæc , quam veritas ipsa ex se nota . Quo nihil absurdius dici potest . In omni enim enuntiato manifeste vero tria necessario insunt , enuntiatum ipsum , veritas enuntiati , & character seu nota veritatis . Que tria omnino distincta sunt . Nam cum in enuntiato falsitas inesse possit ut veritas , & unum idemque enuntiatum aliquando verum sit , aliquando falsum , manifestum est falsitatem & veritatem ab enuntiato distinctam esse , ut qualitates a *subjecto* . Character item veritatis aliud est ac veritas ipsa , eoquo discernitur a falsitate , ut nota rei aliud est ac res notata . Tria hæc tamen confundunt Cartesiani . Deinus enim verum esse hoc argumentum , *Ego cogito , Ergo sum* , in quo tria enuntiata continentur , & veritatem ejus per se notam esse , aliud certe

est veritas hujus argumenti ac argumentum ipsum ; veritas autem argumenti hujus , undecunque tandem cognita sit , cognita certe esse debet per characterem suum si- ve criterium , hoc est per certas notas qui- bus internoscatur a falsitate . Nam cum quæratur inter nos character ille veritatis , pro eo perperam subjiciunt nobis Cartesia- ni veritatem ipsam ; imo pro veritate enun- tiatum ipsum in quo veritas reperitur . Quo jure autem tribuetur id huic enuntia- to , sive argumento , *Ego cogito , Ergo sum* ; non isti enuntiato , *Totum est majus sua parte* , cæterisque enuntiatis , quorum veri- tas per se cognita est ? Cur potius veritas enuntiati hujus , *Ego cogito , Ergo sum* , nor- ma erit veritatis enuntiati istius , *Totum est majus sua parte* ; quam ex veritate postre- mi hujus astinabitur veritas prioris illius ? Imo vero , cum nihil habeant communem enuntiata hæc duo , quomodo alterius ve- ritas ex veritate alterius spectari poterit ? Deinde , si veritas omnis , sive per se no- ta sit , sive per aliud , charactere hoc ve- ritatis insignita esse debet , quo a falsitate internoscatur , hic vero character veritas ipse est , profectò secundaria hæc veritas suum quoque ipsa characterem veritatis ge- rit , hoc est veritatem : atque ita res abibit in infinitum . Minime sane peccatum in eo est a Cartesio (1) ; nam cum investigaret criterium veritatis in Libro de Methodo , diserte docet se perspecta veritate enuntia- ti hujus , *Ego cogito , Ergo sum* , quæsivisse in quo posita eistet veritas illa ; cumque agnovisset non ex alia nota a se depre- hensam eam esse , quam ex insigni ejus per-

(1) *Cartes. de Method. q. 41*

perspicuitate, credidisse pro regula generali sumere posse, omne id quod valde dilucide & distincte concipiebat, verum esse. Non enuntiatum, non veritatem enuntiati criterium esse vult & normam veritatis, sed perspicuitatem.

II. Tam parum vero sibi constat, ut in eodem libro Principiorum, in eadem libri parte, in quo hunc philosophandi ordinem instituerat, aliisque præterea locis diversas plane veritatis indagandæ leges ferat. Depositis enim primum anteceptis opinionibus, ad notiones nobis insitas attendere nos jubet, easque duntaxat pro veris admittere, quas clare & distincte percipi mus; quo facto, statim agnatum iri ait, nos esse, ut pote qui cogitamus; tum esse Deum, & nos ab illo pendere; & ex hac Dei cognitione, cæterarum rerum, quarum Deus causa est, duci notitiam. Quæ legisbus supra traditis quam congruant, cognoscite. Sic argumentatus fuerat Cartesius in aditu operis, Ego cogito, ergo sum: Ideam Dei menti impressam habeo, ergo Deus est: Deus non potest me fallere, ergo quæ clare & distincte percipio vera sunt. Nunc invertit argumentationem, & sic disputat, Quæ clare & distincte percipio vera sunt, Clare & distincte percipio me cogitare, & cum qui cogitat necessario esse, ergo sum, Clare & distincte percipio me ideam Dei menti impressam habere, ergo Deus est. Ex eo quod clara & distincta perceptio vera sit, colligit se esse, atque item Deum: mox tamen ex eo quod sit, atque item ex eo quod sit Deus, collegerat claram & distinctam perceptionem veram esse. In quo di-

II. Iz eo quaerendo parum sibi constat: Cap. Princip. Part. I, §. 75. de Method. §. I.

disputat per modum διαληλού, sive circulum. Ut si dicat, Petrus est homo, Ergo Petrus est animal rationale, cum prius dixerit, Petrus est animal rationale, Ergo Petrus est homo. Ad ea perfaceta est Cartesianorum responsio; nullum hic inesse circulum, sed geminum solummodo argumentandi modum; priorem quem vocant Analysin; posteriorem, Synthesin. Quæ confidenter dicta animos puerorum permovere possunt; non eorum, quibus perspecta sit Analyseos & Syntheseos ratio. Analysin appellant Philosophi, progressum animi a veritate singulari cognita ad universalem incognitam: Synthesin, progressum animi a veritate universalis cognita ad singularem incognitam. Priore usus est Cartesius, cum a cognitione cogitationis suæ ascendit ad cognitionem suæ existentie, ab hac ad illam distinctionis animi & corporis; inde ad Dei existentiam; quo ultimo gradu nixus eo tandem pervernit ut cognosceret quidquid clare & distin-
cte a se percipitur, id esse verum. Viderimus nunc an per Synthesin ordinem hunc invertat an pervertat. Statuit ante omnia id esse verum quod clare & distincte a nobis percipitur; quo posito, futurum ut cognoscamus nos esse, quia cogitamus; tum deinde Deum esse. At cum Synthesis a veritate universalis cognita descendat ad singularem incognitam, propositio isthæc, Quidquid clare & distincte a nobis percipitur, verum est, debet esse veritas universalis cognita: ista vero, Deus est, debet esse singularis incognita. Contra vero scribit in Libro de Methodo (1): Hoc ipsum quod pro reguli assumpsi, nempe illa omnia quæ clare &

di-

(1). Cart., de Method. §.4.

distincte concipimus , vera esse , non aliam ob causam sunt certa , quam quia Deus existit . Et in quinta Meditatione : Plane video omnis scientia certitudinem & veritatem ab una veri Dei cognitione pendere , adeo ut priusquam illam nossem , nihil de ulla alia re perfecte scire potuerim . Cum ergo ex agnitione Dei veritatem enuntiati hujus pendere velit , Quidquid clare & distincte percipitur , verum est , nullaque cognitio cognitioni huic præverti poscit , notiorem esse Deum , quam propositionem hanc necesse est . Non ergo a veritate universali nota ad singularem incognitam descendit , quod ratio Syntheseos postulabat , nec proinde Synthesi usus est . Res exemplis clarior fiet . Qui rustico monstrat viam , qua ex ipsius pago Lutetiam itur , idem propemodum facit ac qui utitur Analyse , ex singulari cognito hominem ducens ad universale incognitum . Qui homini Parisino monstrat viam , qua Lutetia itur ad hanc pagum , idem facit ac qui utitur Synthesi , qua ex universali cognito itur ad singulare incognitum . Utraque ratione via haec monstrari potest ; quippe si ve itione , sive editione eadem calcanda est via ; tamque commode Lutetia ad pagum iri potest , quam ex pago Lutetiam . At si magnarum aliquarum ædium loca omnia quispiam alteri monstrare velit , ex atrio primum in oecum deducet hominem , ex oeco in cubiculum , ex cubiculo in secretius conclave : minime vero ex intimo hoc conclavi primum in cubiculum ; inde in oecum , ex oeco in atrium ; quippe prius adeundum est atrium , cæteraque ordine loca , quam veniatur ad intimum conclave . Nugantur etiam Cartesiani , cum hic normam veritatis , sive Criterium , confundi putant cum Ana-

64 Censura Philosophia

Analysis & Synthesi , quæ viæ sunt veritatis cognoscendæ . Quæritur enim , an non ratiocinationis circulum admiserit Cartesius , cum investigaret normam veritatis : quod ab eo peccatum esse pertendimus ; sive Analysis adhibuerit , sive , ut volunt , Synthesin . In quo sane nulla est Analyseos & Syntheseos cum norma veritatis confusio .

III. Nunc exploratis viis , quibus ad Criterion ire instituit , si investigemus ejus sententiam super ipso Criterio , ex cuius cognitione pendet omnis Philosophia , rem itidem inconstanter ab eo disputatam reperiemus , obscure etiam & confuse ; non ea firmitate & accuratione , quam rei dignitas postulabat . Postquam enim in tradendis Philosophiae principiis demonstrasse (1) sibi visus est , nos ita non esse comparatos , ut semper fallamur , inde colligit certum esse , numquam nos falsum pro vero admissuros , si iis tantum assentiemur , quæ clare & distincte percipiemus : tum deinde in reliquo opere , aliisque scriptionibus , claram illam & distinctam perceptionem adhibet , velut certissimam ac unicam veritatis normam : ex qua etiam Dei potentiam existimat . Attamen antequam ex Dei notitia normam hanc conflavisset , multa admittenda esse censuerat ; idcirco quod lumine naturali , & perspicue , & per se nota essent . En alia igitur Cartehi Criteria . Lumen naturale , Perspicuitas , & Notitia rei ex ipsa re hausta . Sed & aliis præterea ac diversis pro tempore utitur Criteriis , quæ nunc prætereo .

IV. Hinc

III. Et in eo quoque assignando .

(1) Cartesius Princip . Par . I , § . 43 .

IV. Hinc manifestum est censuisse Cartesium Perceptionem hanc claram & distinctam , aliud quid esse ac Lumen naturale : nam ex hoc Lumine naturali multa colligit , antequam decreverit & probaverit pro veris ea esse habenda , quæ clare & distincte percipimus . Sed & ea aperte distinguunt , cum docet Lumen naturale rem nullam attingere quæ non sit vera , quatenus ab hoc Lumine attingitur ; hoc est , quatenus clare ac distincte percipitur . Ex quibus efficitur , Lumen naturale id esse quod rem objectam attingit ; Perceptionem vero claram & distinctam esse actionem , qua res a Lumine naturali attingitur . Quasi Lumen naturale sit Criterium per quod ; clara vero & distincta Perceptio , Criterium secundum quod . At Cartesii asseclæ quidam , sive Dictatoris sui mentem non viderint , sive visam non probarint , & deserere ausi sint , Lumen naturale a clara & distincta Perceptione non distinxerunt . Perspicuitatem autem proponere videtur tanquam generale quippiam , quod in rebus omnibus quas cognoscimus inesse debeat , ut pro veris haberi mereantur ; sive per Lumen naturale cognoscantur a nobis , sive per claram & distinctam Perceptionem , sive per ratiocinationem , sive per sensus , sive alio quocunque modo . Notitia vero rerum à rebus ipsis hausta , quam pro regula veritatis habet Cartesius , est ipsa hæc Perspicuitas , rebus iis tantum inhærens , quas Lumine naturali cognoscimus , quatenus

IV. Distinguit claram & distinctam Perceptionem à Lumine naturali , & à Perspicuitate generaliter sumpta , & a Notitia rei ex re ipsis hausta . Cartesius Princip. Part. I. §. 30.

nus eas cognoscimus. Sic Cartesii mentem commode interpretari nos posse putamus, in re obscura, nec satis explicata conjecturis & suspicionibus utentes. Attentio vero, quām adeo necessariam esse ad percipiendum verum totis libris prædicant Cartesiani, est affectio animi, rem illam unam quam cognoscere vult, sepositis cæteris, acriter intuentis.

V. Nunc ista sigillatim expendamus. Lumen naturale definit Cartesius, Facultatem cognoscendi a Deo nobis datam: unde sequitur, ea nobis esse cognita Lumine naturali, quæcunque cognoscimus per facultatem cognoscendi a Deo nobis datam. Quidquid autem cognoscimus, id cognoscimus per facultatem cognoscendi a Deo nobis datam. Quidquid igitur cognoscimus, id cognoscimus Lumine naturali. Quod valde absurdum est. Deinde qua nota distinguuntur Lumen illud naturale, a lumine non naturali? sive Lumen directum naturæ, a lumine obliquo vel reflexo artis? aut Lumen illud purum naturæ, a lumine impuro erroris? An quod primo mentis intuitu omnes homines vident & fatentur esse verum, id Lumine naturali cognitum esse dicent? Qui sciam vero primo mentis intuitu id videre homines? qui sciam id videre & fateri omnes homines? an aliquid tanto consensu ab hominibus receptum est ad hanc diem, ut a nullo repudiatum sit? quid homini notius est quām se esse? quām se esse hominem? at dubitabat Democritus an esset; dubitabat Socrates an esset homo: quid exploratius est, quām totum esse manus

V. *Lumen naturale Cartesii non est certum*
Criterium: Cart. Princip. Part. I. §. 30.

ius sua parte , quam reliqua principia Geometrarum ? at ea tamen multi revocarunt in dubium , & Cartesius (1) ipse pro falsis habere ea nos iussit . Demus tamen facile discerni ab omni alia cognitione cognitionem per Lumen naturæ haustam ; quoniam argumento scire possum vera esse quæ Lumine naturali cognoscimus ? Deus , inquit , esset deceptor . At pergit hebeti hoc telo pugnare , quod jani toties retulimus . Denique cum scitum sit Cartesii , Deum efficere posse , ut bis bina non sint quatuor , si fingamus Deum id efficisse quod potest efficere , fallax erit Lumen naturale quo cognoscis bina esse quatuor . Certum igitur Criterium hoc esse non potest , quod potest esse falsum .

VI. Fide detracta Lumini huic naturali , fide quoque caret clara & distincta Perceptio : nam Perceptioni huic fidem conciliat Cartesius ex multis pronuntiatis , quæ Lumine naturali nota esse vult ; imo ex Lumine ipso naturali . Ait enim (2) omnium animis a natura impressum esse , ut quoties aliquid clare percipimus , ei sponte assentiamur & nullomodo possimus dubitare quin sit verum . Cum igitur fallere nos possit Lumen naturale , fallere utique nos potest clara & distincta Perceptio . Sed proprius tamen inspiciamus istud Criterium .

VII. Item nos clare & distincte tum percipere vult Cartesius , cum claram ejus & distinctam ideam in animo habemus . Ideæ no-

(1) Cartesius Princip. Part. I. §. 5. & 13.

VI. Neque clara ejus & distincta Perceptio .

(2) Cartesius Princip. Part. I. §. 43. 44. De Mot. §. 4.

VII. Quid sit Idea juxta Cartesium .

nomen et si s^ep*issime* usurpat , quid eo tam
en significetur , licet a multis rotatus ,
nunquam aperte explicavit : ut non satis
claram & distinctam ideæ ideam visus fit
habuisse . Ideas Stoici appellabant *εννοιατα* ,
sive mentis nostræ perceptiones . Platonico-
rum ideas nunc quidem præternitto . At
vulgus Philosophorum primam tantum men-
tis perceptionem , quæ *Apprehensio* dicitur in
Scholis , Ideæ nomine afficit . Hanc signifi-
cationem nonnumquam retinet Cartesius ,
& ideam vult esse actionem mentis , qua ad
rerum imagines se applicat , sive modum
quemdam cogitandi ; nonnunquam vero
Ideam ait esse imaginem rei ipsius , non in
phantasia , sed in animo signatam , atque
huic proprio nomen Ideæ convenire . Ideas
autem illas , sive imagines rerum , trifariam
partitur ; ut aliæ sint adventitiæ , qualis est
Idea Solis , quæ Sole conspecto in mentem
admissa est ; aliæ fastitiæ , qualis est Idea
Sirenis . Centauri , Chimæræ , aliæ innatæ ,
sive naturales , qualis est Idea Dei , men-
tis , cogitationis , veritatis , trianguli , nu-
meri , aliarumque rerum huiusmodi . At
alibi non imagines solum rerum singula-
rum , sed comparationem quoque imagi-
num illarum , quæ secunda mentis opera-
tio est , & Judicium vulgo nominatur ,
Ideam vocat . Nonnunquam etiam idem ait
se vocabulum tribuere iis omnibus quæ in
mente habere possumus ; ac proinde &
ratiocinationi , quæ tertia mentis actio est .
Ideam autem claram vocat , quæ menti at-
tentæ præsens est & aperta : ut ea clare
videre nos dicimus , quæ præsto sunt oculi
recta intuenti , eumque valide & aperte
movent ; distinctam vero , quæ ab omni
alia re ita sejuncta est , ut nihil in se con-
tineat aliud , quam quod clare in ea per-
cipitur .

cipitur. Cum igitur Idearum nomine significari velt Cartesius, non imagines solum rerum menti impressas, imaginumve illarum perceptionem, qua constat prima mentis operatio; sed comparationem quoque imaginum illarum, qua constat secunda atque etiam collationem comparationum illarum, sive ratiocinationem, qua tertia; eo tandem reddit ejus sententia, ut normam veritatis esse velit quamcunque operationem mentis, atque imagines etiam rerum menti impressas; modo iis adjuncta sit perspicuitas, sejunctae vero sint ideæ aliarum rerum omnium ab idea rei quæ in mente est. Atque hanc normam tam certam, tam fidam esse ait, ut quidquid ipsi consentiat, falsum esse omnino non possit, ac plane repugnet id non esse verum.

VIII. Hæc quibus argumentis approbet, si quæras, idem illud reperies, quo & Luminis naturali fidem facere conatus est; neimpe a Deo esse perspicuitatem & nitorem Ideæ adjunctum; quæ si fallerent, Deum fore fallacem. Cujus argumenti futilitas em toutes jam convictam iterum demonstrare supervacaneum est. Huic deinde subiungit istud, eam esse naturæ legem omnium animis impressam, ut sponte assentiamur iis quæ clare percipimus, & nullo modo dubitemus quin ea vera sint. Ita fidem facit claræ & distinctæ Perceptioni per Lumen naturale, incerto videlicet per incertum. Rursus in dissertatione de Methodo, postquam gradus recensuit, per quos ad argumenti hujus, *Ego cogito, ergo sum*; notitiam per-

VIII. Refelluntur argumenta quibus probare conatus est Cartesius, claram & distinctam Perceptionem esse certum Criterium.

pervenit , addit obseruasse se deinde non aliam ob causam id verum sibi videri , quām quod sibi verum clarissime videatur ; ac proinde hinc certam illam & constan-tem ac generalem conflasse se regulam , verum id esse quidquid dilucide & distin-cte a se percipitur . Nos vero inde confla-re possumus regulam hanc alteram , lon-ge ista certiorem , Non temere iis esse af-fentiendum quae clare nobis & distincte vi-demur percipere ; cum argumentum istud , *Ego cogito , ergo sum* , quod vir acutus Car-telius clare & distincte percepisse sibi visus est , inane tamen & incertum esse probave-rimus .

IX. Nunc vero quām multa absurdia ex Criterio hoc sequantur , perfacile est ostendere . Constat primum ex ideis veris , alias aliis mihi videri clariores & magis distin-gas ; ac proinde ideas aliquas , etiamsi ve-ræ sint , aliquid habere obscuritatis & con-fusionis . Deest enim ipsis ea claritas ac-nitor , qua claritas ac nitor ipsarum a claritate & nitore aliarum idearum super-a-tur . Ubi autem deest claritas ac nitor , illic inesse obscuritatem & confusionem ne-cessse est . Constat quoque ex ideis falsis esse aliquas , quae nonnihil habeant perspicua-tis & nitoris . Constat denique ex ideis nonnullis , quae æqualia claritate & ni-tore quibusdam hominibus præditæ viden-tur , esse aliquas quae non æqualiter a cæ-teris hominibus percipiuntur , sed alias ab aliis clarius & distinctius : quemadmodum aliis alio clarius videt : quæ Cartesii (1)

com-

IX. Argumentis appugnat̄ hoc Criticū .
Primum argumentum .

(1) Cartesius Princip. Part. I. q. 45. & 50.

comparatio est. Neque hoc ipse inficiabitur Cartesius , cum doceat ne Axiomata quidem , quæ Communes notiones appellantur , & que ab omnibus percipi. Quoniam igitur claritas ac nitor cum falsitate ; obscuritas contra & confusio cum veritate reperi possunt , sequitur claritatem ac nitorum esse non posse normam veritatis. Quod si dicas , non omnem claritatem ac nitorum , sed nitorem , eum qui sit illustris & splendidus , esse veritatis normam , quæro quemnam claritatis ac nitoris gradum obtinere debeat idea , ut assensione digna haberi possit. Nam si summum gradum dicas , multæ ideæ veræ habebuntur pro veris ; nempe eæ in quibus aliquid inesse dimicimus obscuritatis & nitoris . Deinde cum nihil adeo verum sit , ut ab omnibus verum habeatur , nulla idea est adeo clara & distincta , ut non in ea obscuritatis quippiam & confusionis aliquibus inesse videatur : quapropter nulla idea summum habebit perspicuitatis & nitoris gradum , unde nec ulli alsensus erit adjungendus. Quod si in idea inesse non potest tantum perspicuitatis ac nitoris , quin aliquid an id adjici possit ; tantum certe decadere non potest dubitationis , quin ejus supersit pars aliqua : prout enim crescunt perspicuitas ac nitor , ita decrescit dubitatio ac vicius crescit dubitatio pro modo obscuritatis . Quamdiu autem supererit vel tantillum dubitationis , tamdiu in incerto erit veritas illa , tam certo nobis tamque affirmata ostentata & promissa .

X. Præterea si idearum perspicuitas ac nitor certa veritatis norma est , quodcunque

X. Secundum argumentum.

que verum visum est Cartesio id, clare & distincte ab eo perceptum esse debuit. Quædam autem pro veris habuit, quæ non satis à se percepta esse confessus est, velut particularum materiæ divisionem; nonnulla, quæ pro falsis ab eo subinde agnita sunt; non pauca, quæ ab ejus gregalibus in perspicua item & distincta Perceptione Criterium ponentibus; plura etiam quæ ab aliis reprehensa & convicta sunt. Cartesiani quoque dissident inter se, & eadem utentes veritatis norma contrarias & pugnantes sententias tuentur. Vel igitur aliqua clare & distincte percipiunt, quæ falsa sunt; unde sequitur claram & distinctam Perceptionem non esse certum veritatis Criterium; vel normam hanc ad omnes opiniones suas explorandas non adhibent, nec eam proinde habent pro certo & necessario Criterio; quare nec eorum doctrina admittenda est, ut pote ad certam aliquam normam veritatis accurate non exacta: imo vero, nec satis scimus, an hæc ipsa eorum de Criterio sententia clare & distincte ab iis percepta sit.

XI. Traditum quoque est a Cartesio in Meditationibus, in quibus totius Philosophiae suæ arcem constituit, se ita esse factum à natura, ut quamdiu clare ac distincte aliquid percipit esse verum, non posset non credere id esse verum; & continuo tamen subjicit, posse se credere ita se a natura esse factum; ut interdum in iis fallatur, quæ clare & distincte percipit. At manifesto pugnant hæc inter se. Nam si ita est factum à natura, ut non possit non assentiri iis quæ clare & distincte percipit; quomodo potest credere se ita a-

XI. Tertium argumentum.

natura esse factum , ut interdum in iis fallatur quæ clare ac distincte percipit ; id enim si credit , caussam habebit cur de iis dubitet quæ clare & distincte percipit. Quod si de iis dubitet , desinet utique iis attenti. Sin desinere potest iis assentiri , non ita factus est a natura , ut non possit iis non assentiri . Huc adde , quod si ita a natura , factus est , ut cum clare ac distincte percipit aliquid esse verum , non possit non credere id esse verum , cum initio Philosophiæ suæ pro falso habere instituit quidquid sibi videbatur verissimum , rem supra naturæ suæ vires aggressus est : nam quod verissimum , ei videbatur , id clare & distincte percipiebat ; si quidem clara & distincta Perceptio est norma veritatis. Quomodo autem pro falsis habere potuit , quæ non poterat non habere pro veris ?

XII. Valet hic quoque allatum jam supra à nobis argumentum : nempe cum doceat Cartesius multoque asseverantius ipsius asseclæ , Deum efficere posse , ut vera sint quæ clarissima Perceptione nobis videntur esse falsa ; puta , ut res eadem simul sit & non sit ; ut duo duobus addita non sint quatuor , ut totum non sit majus sua parte ; fieri quoque potest ; ut clara & distincta Perceptio non sit norma veritatis. Minime autem habenda est norma veritatis ; quæ potest non esse norma veritatis . Igitur clara & distincta Perceptio non habenda est norma veritatis.

XIII. Denique si quæram a Cartesio , unde certo scit bis bina esse quatuor , respondebit id se certo scire verum esse , quia id clare & distincte percipit. At quæram ite-

D

rum

XII. Quærum argumentum.

XIII. Quinum argumentum.

ruin , unde certo scit , verum id esse , quod clare & distincte percipit : respondeat necesse est , certo se scire verum id esse quod clare & distincte percipit , quia id clare & distincte percipit . Instabo rursum ; & quæram unde certo scit , verum esse quod clare & distincte percipit , propterea quod clare & distincte percipit id esse verum quod clare & distincte percipit : non aliud utique respondere poterit , quam quod id ipsum clare & distincte percipit . Igitur vel clara & distincta Perceptio fidem habebit a se ipsa ; atque ita admittetur circulus : vel clara & distincta Perceptio egebit alia clara & distincta Perceptione a qua fidem habeat ; atque ita fiet progressus in infinitum .

XIV. Quod si neque Lumen naturale , neque clara & distincta Perceptio , certa sunt veritatis Criteria , hoc ipso fidem amittit generalis illa Cartesii Perspicuitas , quam comitem ad unctam esse vult omnibus iis quæ quovis modo cognoscimus , ut pro veris habeantur . Nam si sensus , & mens , & mentis operationes , & claræ ac distinctæ ideæ perceptionesque rerum , & Lumen naturale , fallacia sunt ad veritatem cognoscendam instrumenta , quantamlibet eis Perspicuitatem adjunixeris , haudquaquam certa fient . Ut si caducum parietem dealbaveris , haudquaquam effeceris firmiorrem . Notitia vera rerum à rebus ipsis haustra , cum species quædam sit Perspicuitatis , nihilo Perspicuitate ipsa certior haberi potest . Præfertim cuin & Notitiam hujusmodi à rebus ipsis haustram , & Perspicuitatem , velut paruum certa veritatis indicia , removen-

XIV. Neque Perspicuitas , neque Notitia rerum à rebus ipsis haustra , sunt certa Criteria .

venda esse nos Cartesius in ipso Philosophia*e* vestibulo monuerit.

XV. Jam si veritatis cognoscendæ artem & rationem ac præcepta à Cartesio in Dissertatione de Methodo tradita persequamur, lubrica quoque apparebunt & incerta; quamvis ea jactet *Arithmetica certitudine non cedere*. Primum enim hoc est, Nihil esse pro vero admittendum, nisi quod certo & evidenter verum esse cognoscitur. In quo manifesta est petitio principii; perinde enim illud est, ut si dicat, ad verum certo cognoscendum, verum esse certo cognoscendum. Deinde, qui tandem certus esse potero me aliquid distinctæ percepisse? nec enī difficultate id carere fatetur ipse Cartesius. Præterea, unde scit id esse verum, quod certo & evidenter ei videtur esse verum? multa enim doctrinæ ejus capita, que certo & evidenter ipsi videntur esse vera, mihi certo & evidenter videntur esse falsa. Ultra tandem ex his perceptionibus certum erit veritatis Criterium? Secundo præcepto propositam quæstionem jubet in tot partes dividi, quot postulat quæsita rei investigatio: in quo petitur iterum principium. Nam ut scias quamnam divisionem postulet res quæsita, rem quæsitam debes cognoscere. Igitur ad cognoscendam rem quæsitam, divisione partium instituenda est: ad instituendam autem partium divisionem, res quæsita cognoscenda est. Nec utilius est præceptum tertium, quo à simplicissimis rebus ad compositas mentem progredi jubet, & a facilitioribus ad difficiliores velut per gradus ascendere. Nulla enim res est adeo simplex,

XV. Refelluntur precepta veri cognoscendi a
Cartesio tradita.

cujus cognitio ex infinitis rebus non pendeat ; nulla cognitu adeo facilis , quam noscere te certo scire possis ; nulla in qua cognoscenda non summa sit semper & ineluctabilis difficultas . Quarta lex singulas questionis partes tam attente perlustrandas esse definit , ut certi simus nihil esse praetermissum . Atqui ut certus sim in divisione & perlustratione partium nihil esse à me praetermissum , totum debeo cognoscere : rursum ut totum cognoscam , partes mihi cognoscendae sunt . Atque ita recidimus in modum *ταλληλον* , qui ad veritatis cognitionem inutilis est & ineptus . Nec inficiari tamen velim , in his regulis inesse aliquid utilitatis & commodi ad communem studiorum & vitae usum . Nam quis eas in vulgarium disciplinarum tractatione , quis in reconditionibus doctrinis , vellut in Geometrica & Arithmetica non adhibet ? quis in quotidiana vita consuetudine , si modo vecoris plane non sit & hebes , rei ignorantiam pro vera habet ? quis pedaneus iudex questionis perplexæ & intricatæ nodos cūnes , non Sigillatim , sed simul & una opera tentet dissolvere ? quis magister de trivio discipulum docet verba tota legere , antequam facili simplicium literarum cognitione eum imbuerit ? quis cum puerili hac doctrina informans , parte tantum elementorum cognita , voces integras recte lectorum spondeat ? Pervagata haec est & tunicata plebis solo trita via . At ea iri ad certam veri notitiam , illud vero pernegamus .

XVI. Nec praetermittendus ille Cartesii & Gar-

XVI. Inanis est , quam ad percipiendum verum adhiberi volunt Cartesiani , Attentio .

& Cartesianorum mos est, cum ad conciliandam dogmatis suis fidem, mentem iubent, non antecepitis solum exui opinib[us], sed a sensuum etiam abduci consortio, totamque silentibus plane affectionibus (juxta usitatam ipsis loquendi formulam) in paradoxa sua defigi. Id si fiat, futuri asseverant, uti ideas nostras clare & distincte intueamur, ac veritatem certissime percipiamus; nec à se dissensurum quempiam, nisi qui componere nesciat animum & attentione careat. Atque id tanti apud eos est, tanti apud non esse volunt, ut unico hoc argumento saepe defendant opiniones suas, & adversarios confutent: adeo ut Attentionem, velut certum Criterii Criterion obtrudant. Perspicuam quippe & distinctam Perceptionem, certam esse ajunt veritatis normam; certam vero claræ hujus & distinctæ Perceptionis normam esse Attentionem: quisquis enim fuerit attentus, res clare & distincte percepturum; quisquis vero res clare & distincte percepit, fore compotem veritatis. Nempe haec tenus arcam illud orbis Philosophicus ignoraverat; ut res animo percipiatur, animum ad eam esse attendendum. Nempe nos ideo veritas haec tenus fugerat, quod cum eam anquiremus, animo vago & omisso alias re ageremus. Quoad extitit tandem Cartesius, qui nos de revocando animo & intendendo commoneret. Facinus vero, ac libenter, & Philosophiam ejus acri & attento animo exploramus. Atque hujus diligentiae is demum nobis fructus constat, quod eam explodendam judicamus; ipsos vero Cartesianos ad Attentionem, quam prædicant, excitandos; futurum quippe, ut si studio nostro par studium & curam adhibeant in philosophando, doctrinæ suæ labes contineantur.

Censura Philosophiae

ako perspicuum & aliudque esse intelliguntur
vix ipsa ipsius ibi sentire, & peregrinans
animal erroribus obsecuti, aliud mentem
tendere; & Philosophum desique velua-
zime iste deceperat (1). Non plus siqure, quod
quodque, sed sibi ad subtilitatem, & animo
distracto modum rationis expatianti moderari,
non forte nimis. Atestatio in somnia erum pat-
et delicia.

XVII. Ac mirabile profecto est, extitisse
Philosophum, qui ad vitandos errores,
de attingendam, veritatem tam hæsitan-
suerit, tam circumspetans, tamque dubi-
tans in exorbi; tam confidens, tamque aedax-
tus: ut qui palam addubitaverat,
quod sine, an omnino esset, & pro falso
habebit nos voluerat duo tribus addita cifi-
core quinque; mox idem à communis homi-
num opinione abhorentes sententias pro
imperio, & nullo arguento allato admit-
ti jubeat; tantæque sit levitatis & incon-
stantiae, ut qui principiis Mathematicis
detraxerat fidem, statim probabilitati ve-
ritatem inesse pronuntiet. Sic enim ab eo
traditum est, pluribus argumentis proba-
bilibus vim inesse certissimi argumenti. Quod
pronuntiatum, et si in usum vitæ admie-
tendum est, omnino tamen est à Philoso-
phia rejicendum, tanquam errorum em-
nium sors & seminarium. Nam si in omni
probabilitate inest incerti aliqui id, in mul-
tis probabilibus argumentis plurimum in-
erit incerti. In quoque autem argumen-
to incerti inest aliquid, certissimum id es-
se omnino non potest. Eo quoque progres-

(1) Rom. 12. 3.

XVIII. Certe si dubitans in exorbi
Philosophie, & confident in progressu.

fus est , ut non mentis solum Perceptioni claræ & distinctæ , sed recordationi etiam Perceptionis hujus fidem sine cunctatione adjungendam scisceret ; solenni hoc tantum argumento & jam confutato ductus , Deum , si res secus esset , fore deceptorem . Nam quid memoria fallacius ? quam sæpe promissam decoquit fidei ? quam multa clare & distincte percipere nobis visi sumus in pueritia , quæ postquam adolescentes facti sumus , recordabamur à nobis pueris clare & distincte fuisse percepta , quæque subinde falsa esse cognovimus ? Denique eidem obsecutus argumento audet asseverare , quæcumque in somnis menti nostræ clara esse videntur , ea omnino esse vera . At brumali nocte secundum quietem mihi clare videbar in horto rosas decerpere : in horto itaque nocte brumali rosas decerpsti . Nec mirum sane qui objectis sibi dormienti somniis tribuit fidem , eundem somniis à se experrecto & vigilante confictis fidem à nobis tribui velle . Atque haec quamquam ita sint , tantam tamen opinionum suarum fiduciam sumvit Cartesius , ut nihil à se pro vero admissum jactet , quod non certius & clarius sit Epicherematis Geometrarum ; suas opiniones adeo evidentes esse ac certas , ut omnes disputandi causas deinceps sint sublaturæ , si modo recte intelligantur , & res denique naturales non alias habere posse ortus sui causas , quam quæ à se propositæ sint . Quanquam postremum hoc non nisi titubanter ; admonita scilicet morsu veritatis conscientia , asseverare ausus est .

XVIII. Atque haec demum Cartesii con-

D 4

fiden-

XVIII. Quam ejus confidentiam Cartesiani superarunt .

fidentia in tam effrænem tamque præcipitatem temeritatem Cartesianos impulit, ut ex hoc grege grandiloqui nonnulli scribere non erubuerint, quidquid cognoscunt, verisimum id esse; & quidquid habent in mente, id omne extare extra mentem: quod & Cartesio ipsi alicubi excidit. Id autem est hujusmodi, ut iam nesciam quid sit despere, si hoc despere non est. Et præclare, sane nobiscum ageretur, si intra insaniam & deliria se continuissent: verum non Rationis solum, sed Fidei quoque leges fæpissime ab iis esse violatas deinceps ostendimus.

CAPUT TERTIUM.

Expenditur Cartesii sententia de
mente humana.

I. Certissima dogmata de mente humana, que Dei existentia, incertis rationibus confirmare conatus est Cartesius: II. Est ob veritatis differenda studium laudandus est. III. Exportatur Cartesii sententia de mente humana: IV. Quæ & refellitur. V. Etiamque diversa baberi possint ideæ rei cogitantis, & rei corporeæ, non binc tamen efficitur res esse diversas. VI. Falsum est, prius, certius, & clarius cognoscere mentem quidam corpus. VII. Falsum est, totam hominis naturam in eo positam esse, quod cogitat. VIII. Falsum est, animum sentire res externas, non corpus. IX. Falsum est, esse aliquid in intellectu, quod non fuérit in sensu. X. Falsum est, in Concupiscentiam præcipuum esse sedem animi.

Eth.

I. **E**t si sufficere hæc poterant ad convellendam Cartesianam Philosophiam, propterea que fuis a me tractata sunt, dignum tamen est connexa quoque his capitibus membra perlustrare, ut omnibus appareat simili vitio totum doctrinæ hujus corpus laborare. Id autem fiet à me; non continuata per omnes partes inquisitione & studio; sed strictim & leviter per quæstiones quasdam, quæ factio[n]is hujus plausum imprimis meritæ sunt. Primæ ordine, & dignitate præcipuae occurunt eæ, quæ sunt de mente humana, & de Deo, Deique, ut vocant, *existentia*. In quibus adeo sibi placuit Cartesius, ut quæ super his à se excogitata sunt, certissimas esse demonstrationes, ac Geometricis ipsis certiores, gloriose ac magnifice non semel prædicta verit; summisse verò ac reverenter ab ejus sectatoribus, sic tanquam Pythiæ responia, excepta sint. Quibus tamen nihil esse futilius, nihil incertius candidis Lectoribus approbaturum me confido. Adeo ut si exploratissima non esset, uti sane est, dogmatum illorum notitia, merito verendum esset, ne apud incautos homines, vanis adeo probationibus à tanto viro allatis deterritos, in dubium vocaretur; quod & aliis argumentis longe certioribus, & sanctissimæ Fidei decretis, verum esse scimus.

II. Nihilominus tamen, et si eum sua opinio palam frustrata est, magna ei est tribuenda laus, ob studiose navatam in

D 5 cer-

I. Certissima dogmata de mente humana deque Dei existentia incertis rationibus confirmare conatus est Cartesius.

II. Et si ob veritatis afferendo studium laudandum est.

certissimis, alioqui dogmatis afferendis & comprobandis operam, & ob accommodatas utcunque in his argumentis, utinam æque in cæteris, ad Religionis Christianæ veritatem Philosophiæ suæ rationes. Hæc cūjusmodi sint inquiramus; ac illæ primum que ad mentem pertinent humanam.

III. Postquam hanc argumentationem commentus est Cartesius, *Ego cogito, Ergo sum*, Archimedis punctum reperisse sibi visus est, unde terram loco dimovere posset. Hinc enim agnitorum se speravit, & quæ esset natura mentis humanæ, & quid à corpore differat. Nam cum finxisset primum falsa esse, quæcumque antea habuisset pro certis; & postmodum animadvertisse se cogitare, ac proinde se esse, ulterius Philosophando progressus est; & jam sciens se esse, scire præterea voluit, quid esset. Quod cum quæreret, perficit in proposito omnia habendi pro falsis. Perrexit itaque fingere nullum esse corpus, vel suum, vel alienum; nec ullum corporis motum, aut situm, aut figuram, aut reliqua ad corpus pertinentia; neque ullum omnino esse mundum, aut aliud quippiam. Quæ cum fingeret, deprehendit se, etiamsi cætera non essent, non posse tamen non esse; quippe qui hæc fingendo cogitaret, ac cogitando plane esset: contra vero, cum fingeret vera esse omnia hæc quæ mox falsa esse finixerat, corpus nempe suum, totamque adeo rerum universitatem, si tamen cogitare defineret, caussam nullam esse, eur cæteris illis extantibus, se extare crederet. Atque his animadversis, collegit deum se, hoc est mentem suam, mentisque suæ natu-

III. Exponitur Cartesii sententia de mente humana

naturam, à rebus corporeis & externis nullo modo pendere, nec quicquam habere cum iis cognitionis; utpote quæ sine iis esse posset; ac proinde se esse tantum rem cogitantem, suamque naturam in cogitatione solum esse positam, nulla alia re indigentem ut cogitet, non corpore, non loco, non motu, non porrectione, sive, ut cum Cartesio loquar, *extensione*. Hinc etiam intellexit prius, facilius, ac certius à se perceptam esse mentis suæ naturam, quam naturam corporis: de corpore enim nondum se habere explorati quicquam; mentem vero suam sibi certo jam esse perspectam. Nec priorem solum & certiorem, sed clariorem quoque esse hanc mentis suæ notitiam ex eo collegit, quod cum nullæ sint nihil qualitates, ubique deprehenduntur qualitates aliæ, illic necesse sit inveniri substantiam; atque eam hoc clarius cognosci, quo plures in ea qualitates percipiuntur; plures autem in animo suo qualitates se percipere, quam in alia re qualibet; cum ex rei alterius cujuscunque notitia habeatur notitia mentis; at etiamsi nulla res extaret alia; mentis suæ notitiam habere se posse res, quippe cognosci non posse sine mente, mentem vero sine rebus aliis cognosci posse.

IV. Nunc fingite vobis coram hic adesse Epicuri de grege porcum aliquem, aut alium quempiam ex veteribus iis Philosophis, qui animos esse corpora, & cum corporibus interire falso censuerunt. Sic ille Cartesianam argumentationem excipiet. Quæret primum, dum cogitat, quid sit id quod cogitat; quid sit id per quod cogi-

D 6

tat;

IV. Quæ refellitur.

tat; quid sit ipsa cogitatio. At reperiet id
 quod cogitat, esse hominem, hominem
 vero esse corpus animatum, sentiens, ra-
 tione utens; ubicunque est corpus hujusmo-
 di, illic hominem esse; ubi non est, illinc
 hominem abesse; quamdiu corpus illud
 sponte moveretur & vivit, tamdiu vivere
 hominem hunc; statim atque vivere desit
 illud corpus, illico & hominem huncemo-
 ri. Cum autem animadvertis hominem ad
 omnia vitae munia obsecunda uti corpore;
 stare, sedere, ambulare, flere, ridere, lo-
 qui; corpore nutriti; corpore sentire; cor-
 pore vigilare, dormire, somniare; corpore
 denique imaginari; inde generatim conclu-
 dit hominem ad cogitandum corpore uti,
 & cogitationem esse affectionem, vel cor-
 poris, vel per corpus editam: cum præ-
 sertim male affecto & vitiato corpore de-
 bilitari rationis usum saepe expertus sit;
 vigere contra, fano ac valente corpore.
 Nec jam queritur, quoniam sit princi-
 piūm affectionum illarum, an vis aliqua
 interna, distincta à corpore, an temperatio
 corporis ipsius, ex æquabili partium quibus
 conitat convenientia & consensu efflorescens.
 Affectiones nunc corporis persequimur, non
 causas affectionum. Contra vero insurgit
 Cartesius, & ante omnia finxisse se ait fal-
 sa esse quæ pro veris antea habuimus, nec
 ullum omnino extare corpus, nec ullum
 esse mundum; nullam ergo jam esse ha-
 bendam rationem corporis: at quamvis ho-
 mini corpus detrahamus, cogitationem de-
 trahi non posse; atque hinc effici homi-
 nem non posse non esse rem cogitanteum,
 etiamsi posset non esse res corporea. Sed
 respondet Epicurus accipere se condi-
 tiōnem, & se fingere cum Cartesio nullum
 extare corpus: verum si nullum extet cor-
 pus

pus ; nec ullam fore cogitationem , nec rem ullam quæ cogitet . At , inquiet Cartesius , qui fingit nullum extare corpus , tamen cogitat . Cogitat , inquiet Epicureus , quia etiamsi fingat nullum extare corpus , extat tamen corpus aliquod , nam sine corpore non potest cogitare . Haudquaquam autem quæriimus quid , sit , sed quid sequatur ex hoc figmento , nullum extare corpus . Falso autem uno posito , falsa alia consequi necesse est . Si fingas nullum esse corpus , sequetur nihil esse quod cogitet ; ne cogitabit Cartesius , si corpore careat . Si verum erit , esse aliquid quod cogitet , necesse erit extare corpus aliquod . Fingit igitur pugnantia Cartesius , cum fingit nullum esse corpus ; fingit enim per corpus ; & sine corpore fingere nihil potest . Idem igitur peccat ac si diceret , se ratione cognoscere hominem ratione carere : nam qui ratione novit aliquid , ratione pollet . Ita si cogitatio nulla in homine else potest sine corpore , fingere non potest se corpore carere sine corpore .

V. Instat vero Epicureo Cartesius , nec iam disputare se ait , sitne ipse revera aliud quippiam ac res cogitans , puta an sit res corporea ; sibi id in præsentia satis esse , quod certum habeat se esse rem cogitantem : quod si præterea sit res corporea , tamen rem illam cogitantem , sive mentem , plane diversam esse à re illa corporea , sive mente ; quippe quarum diversas penitus ac distinctas ideas habeat : res autem eas esse distinctas , quarum diversæ ha-

V. Etiamsi diversæ haberi possint ideæ rei cogitantis , & rei corporeæ , non binc tamen efficitur res esse diversas .

habentur idæ . At id negabit Epicureus noster , & hoc utetur exemplo : Si aliquem , inquiet , loquentem audiam , recte colligere potero , id quod audio rem esse loquenter ; nulla interim ratione habita cæterarum rerum quæ rei illi loquenti adjunctæ sunt , & per quas fit locutio ; puta , linguae , dentium , & corporis totius , ac animi etiam . Quamvis autem distinctas ideas habere possim , & rei loquentis , quatenus loquens est , & corporis per quod fit locutio , quatenus corpus est , non effici tamen rem loquentem aliud esse quam corpus . Rursum contra pertendit Cartesius , res eas quas intelligo , tales fieri posse à Deo , quales à me intelliguntur ; Deum itaque res eas separare & distinguere posse , quas animo distinguo & separo ; quæcunque autem dividi possunt , quacunque tandem vi , sive divina , sive humana dividantur , esse diversas ; ac rem prædictæ cogitantem , quæ mens est , diversam esse à corpore . Responso in promptu est : minime nunc quæri quid fieri poscit , sed quid sit ; an Cartesius cogitans , sive id quod cogitat in Cartesio , aliud sit ac corpus ipsum Cartesii , & corpore careat . Ait vero Epicureus , id quod cogitat in Cartesio , esse corpus ipsuin Cartesii ; & cogitationem Cartesi esse actionem corporis Cartesii ; pugnare autem hæc secum , actionem corporis esse sine corpore ; quippe si sit sine corpore , non fore actionem corporis ; res autem secum pugnantes , seque mutuo tollentes simul esse non posse .

VI. Ex his facile iam existimatur , vere
ne

VI. Falsum est , prius , certius , & clarissi cognosci mentem quam corporis .

ne superioribus subjunxerit Cartesius, prius à se, certius, & clarior cognosci mentem suam quam corpus. Nam cum per cognitionem ad hanc notitiam pervenerit, cogitatio autem sit actio mentis per corpus edita; prius, certius, & clarior cognoscitur corpus per quod edita est actio, quam mens à qua edita est. Quemadmodum si quis lapide ab aliquo sit ictus, prius, certius, & clarior cognoscet lapidem per quem ictus est, quam fundam aut manum à qua lapis missus est. Äquius certe pateremur, si dixisset, prius nos, certius, ac clarior cognoscere cognitionem nostram, quam corpus: nam cum cogitatio sit actio mentis, ut dixi, per corpus edita, prius percipitur actio hæc quæ editur in nobis, quam id per quod editur; ut lapidis actio, seu ictus, prius percipitur quam lapis; prius vero lapis, quam brachium à quo missus est. Itaque quamvis prius & clarior percipiatur à nobis cogitatio quam corpus, non idecirco prius & clarior percipitur à nobis res cogitans quam corpus: cum res cogitans non aliter percipiatur à nobis quam per cognitionem, quæ per corpus in nobis editur; prius autem percipiatur id per quod cognitione in nobis editur, quam id à quo editur. Captiosum vero illud est quod objicitur, prius nosci instrumentum quo fit opus, quam opus ipsum; prius calamum, quam scripturam; prius scalprum, quam statuam; ac proinde animum quo corpus noscit, quam corpus. Ante habeat scalprum artifex necesse est, quam statuam faciat: statua vero quid sit, certius & clarior novit, quam quid sit scalprum; cum ad faciendam statuam quam noverat, quamque habebat in animo, scalprum deinde comparaverit, cumque aliud fortasse instrumentum

strumentum excogitare ad id potuerit. Prius est igitur scalprum, quam statua; at prius noscitur statua, etiam si nondum facta sit, quam scalprum. Similiter ut homo mentem intendat ad corporis cognitionem, prius mentem habeat necesse est, quam cognitionem corporis: at necesse non est, ut prius habeat cognitionem mentis, quam corporis. Imo, plane ignorare potest quid sit mens, quid sit cogitatio, cum non ignoret quid sit corpus; ut artifex ille dum facit statuam, certam habet ac claram ejus notitiam, materia nempe qua constat, dimensionum ejus omnium, omniumque ad eam pertinentium; cum ignorare penitus possit quid sit mens qua operis impressam in se effigiem habet, qua vis brachia, qua manus, qua digitos ad opus concinnandum regat. Nunc si argumentum hoc regeramus in Cartesium, tum quoque clarissime ejus apparebit futilitas. Nam si ex eo quod per animum noscitur corpus, sequitur prius & certius nosci animum quam corpus, quero ab adversario, quo instrumento animum cognoscit homo, respondebit haud dubie cognoscere per animum; nec enim tam aperte sibi contradicet, ut affirmet cognosci animum per corpus. Quod si prius & certius cognoscitur id, per quod cognoscitur aliud quippiam, quam id ipsum quod cognoscitur, sequitur prius & certius cognosci animum quam animum: quod absurdum est. Id sane auditur argumentum, unde non video quomodo expedire se queat Cartesius. Nam si Meditationibus suis certam instituit viam ad animi notitiam, animumque certo novit, novit utique per animum. Prius autem quam sciat se animum certo nosse, scire debet ea se certo nosse quae novit per animum. At prius quam sciat ea

se

se certo nosse quæ novit per animum, sci-
re debet animum aptum & utile esse in-
strumentum ad verum certo cognoscen-
dum. Rursum priusquam id sciat, noscere
debet naturam animi. Ergo ad cognoscen-
dam animi naturam, natura animi noscen-
da est; atque ita petitur principium, &
in idem recurritur. Liquet ergo quām cas-
sa sit & inanis haec Cartesii opinio, quæ
fununis etiam Philosophi hujus admirato-
ribus quibusdam tantæ vanitatis plena vi-
sa est, ut abjecta penitus ab iis & deser-
ta sit.

VII. Nec leve doctrinæ ejusdem vitium
est, quod totum hominem mente sola con-
stare decernit; corpus vero ad ejusdem
naturam minime pertinere: quod delirium
à Pythagora ortum, in Platoniorum &
Stoicorum manavit Scholas, & nonnullo-
rum quoque & recentioribus animos infe-
cit. At non alium quām hæreseos titulum
opinioni huic imponit Tertullianus, & nos
eam olim in Origene (1) non segniter ca-
stigavimus. Quæramus nunc quibus eam
instaurare & defendere argumentis ausus fit
Cartesius. Fingo, inquit, me corpore ca-
rere; at fingere non possum me non es-
se: quia dum fingo, cogito; dum cogi-
to, sum. Contra, si cogitare desinam,
etiamsi corpus meum extet, nulla mihi
caussa erit cur credam me esse. Cum ita-
que fingere possum me esse sine corpore,
non possum vero fingere me esse sine co-
gitatione; quotiescumque autem clare & di-
stincte res animo disjungo, diversas eas
of-

VII. Falso est totam hominis naturam in-
 eo possum esse, quod cogitat.

(1) Origen. lib. 2. cap. 2. quæst. 6. §. 16.

esse necesse sit , sequitur esse meum non pendere à corpore , sed à cogitatione , me que à corpore diversum esse aliquid , rem nempe quamdam , cuius tota natura in eo posita sit ut cogitet . Dialectici , vestram fidem ! Latententi illie ambiguitatem , cui tota ntitur argumentatio , mecum agnoscite . Demus Cartesio quod postulat : fingat se corpore carere : fingere vero non possit se non esse ; quippe qui cogitet , dum fingit ; & sit , dum cogitat . Quid tum ? erit quidem , etiamsi non habeat corpus , sed non erit id quod nunc est , homo videbitur , corpore concretus & animo : at cum corpore carebit , jam homo non erit . Ergo cum ait se esse , dum cogitat , & corpore caret , ineptum ambiguum in voce esse ; est enim , sed non homo . Habeat ergo Cartesius distinctas quantum volet & diversas mentis suæ ac corporis ideas , efficiatque mentem esse posse sine corpore , corpus sine mente ; at mentem sine corpore , hominem esse numquam efficiet .

VIII. Doctrinam præterea suam de animorum nostrorum natura hoc Paradoxo cumulat Cartesius , sentire animum , non corpus : cuius hanc habet rationem , quod cum in ardua aliqua contemplatione defixus animus est , vel exsæstes abreptus , torpet corpus sine sensu , & ad res extrinsecus objectas vel admotas stupet . Animum autem sentire ait , non quatenus per sensum exteriorum instrumenta diffusus est , sed quatenus cerebro conjunctus : eo quippe Iæso sensus tolli , cum corpus tamen animatum sit . At nobis ad hæc exploranda , licet ex-

P. 1.

VIII. Falsum est animum sentire res exteriores ; non corpus .

parvis magna cognoscere. Cum animus noster in attenta rei alicujus cogitatione versatur; s^epissime fit ut alio divisis mentibus, alio auribus & oculis, etiamsi audiamus, videamus, frigemus, aestuemus, non animadvertisimus tamen nos videre, frigere, aestuare; quae statim percipiuntur omnia, postquam à cogitatione animum revocavimus. Certum tamen est tum incogitantibus nobis pulsari aures nostras, res externas depingi in oculis, audire corpus, videre, frigere, aestuare, quippe quod ad hæc sentienda rite dispositum sit. Itaque si clarius aliqua lux de repente incurrit in oculos, aut gravior edatur sonus, aut glacies corpori vel ignis admoveantur, affecto vehementius sensu convertetur ad eum illico animus. Nam cum ad res duas diversas eodem tempore attentus esse non posset, ad eam se adjungit, à qua validius afficitur. Idem ex eo quoque apparet, quod identidem experimur, si quando ad aures nostras verba aliquot proferat quispiam, vel cantilicula s^epⁱius occinat, dum animum alio attentum habemus; statimque fileat, cum mentem ad res auditas revocamus. S^epe enim fit ut ad prolata verba accurate respondere, vel cantilenam memoriter recitare possimus: quod utique non fieret, nisi utrumque sensu ita percepissimus, ut sensui adhuc infidere viderentur. Clarissimum id quoque est in dormientibus, qui quamvis sensibus omnibus videantur orbati, levi tamen murmure vel pulicis morsuncula, vel acus punctione, etiam dum gratissimis somniis delusus est animus, excitantur. Unde intelligas tum sentire corpus, etiamsi animus alio abstractus sit. Idem de sublimiori contemplatione aut ~~exulta~~ censendum est: quo longius enim

co-

cogitando absceſit animus , eo minus corpus quæ per sensus patitur potest advertere . Nam tum collectis spiritibus ita oppletur cerebrum , ex eorumque agitatione percellitur , iisque conjungendis & disjungendis occupatur ; ut reliquis exequendis muneribus , nervorumque motibus percipiendis par esse non posſit . Ad ea tamen acriori sensuum impulsione ſæpe retrahuntur . Sin minus , velut morbo aliquo obferatas effe cerebri fores , & interclusum ad id commeatum putare debemus . Quæ cum ita fint , cognitu facile est , corpus ſentire , non animum : nam ſi abstractus animus ſenu corporis revocatur , ſentire corpus necesse eſt , priuquam id animus intelligat . Imo vero , dum incogitantibus nobis res videmus , corpus ſentire maniſtum eſt , animum vero non ſentire . Cum vero liber & vacuus animus , exceptam in sensus instrumento impreſſionem percipit , tunc ſentit quidem pars illa corporis , animus vero cognoscit ſentire partem hanc , deque hac impreſſione & ſensus affectione arbitrium facit . Nec aliud ſibi velle viſus eſt Augustinus (1) , cum dixit non corpus ſentire , ſed animam per corpus , quo velut nuntio utitur ad formandum in ſeipſa quod extrinſecus enuntiatur . Frigere digitum , pedem comprimi agnoscit animus ; ipſe non friget , neque comprimitur : ſentire quippe , corporis eſt ; animi vero , corpori tribuere facultatem ſentiendi , & impreſſiones in eo factas , ſensuumque affectiones cognoscere . Contra vero , etiamſi multa videre videantur Phrenetici & dormientes , quæ non vident , non hinc

(1) Auguſt. de Genes. ad liter. lib. 22. cap. 2. 4

hinc concludas videre animum, corpus non videre: non enim in iis tum sit visio, sed opinio tantum visionis. Quamobrem cum vera fiat visio, dum abstracto animo corpus videt; contra nulla fiat visio, dum animus videt corpore non vidente, perspicuum est corpus sentire, non animum.

IX. Vexatissimam sententiam de ideis innatis etsi ex Platonica Philosophia furtim sublegit Cartesius (1), ita tamen interpolavit, ut alia videri possit. Diversa esto, ut voles, æque certe falsam esse ostendam. Statuit hic triplex esse in nobis idearum genus; ut suprà jam dixi, quarum aliæ adventitiæ sint, cujusmodi est idea Solis, quām ex conspecto Sole in se habet unusquisque; aliæ factitiæ, cujusmodi est idea Solis, qualem rationibus suis inveniunt Astronomi; aliæ demum nobis ingenitæ, quas naturales appellat, cujusmodi sunt ideæ Dei, mentis; naturarum, quæ essentiæ vocantur, formarum Geometricarum, axiomatum quibus utuntur Mathematici, aliarumque rerum confilium. Has ideas naturales nonnunquam conceptis verbis ait (2) nihil aliud esse quām facultatem ipsam cogitandi, qua mens nostra pollet, & quām in Scholis actum primum cogitandi appellare solent: continuo tamen subjicit ideat illas esse formas cognitionum; cogitationes vero ipsas, sive, ut vulgo loquuntur, actum secundum cogitandi, à facultate cogitandi

IX. *Falsum est esse aliquid in intellectu, quod non fuerit in sensu.*

(1) *Cartesius Medit. 3. & Epist. Tome. 2. Epist. 54.*

(2) *Cartesius Epist. Tome. 1. Epist. 59.*

94 *Censura Philosophiae*

gitandi proficiisci. Atque hæc sane pugnant: nam si cogitatio oritur à facultate cogitandi, differre necesse est cogitationem à facultate cogitandi, ut id quod effectum est à causa. Deinde si idea est forma cogitationis, cum forma sit aliud ac id cuius est forma, ut anima hominis aliud est ac homo, idea profecto aliud est ac cogitatio. Tria igitur in eo ipso agnoscit Cartesius, quod unum idemque esse dixerat; facultatem scilicet cogitandi, cogitationem, & ideam. At idem (1) tamen ubi differit de idea Dei, quam menti impressam gerimus, hanc à mente nostra nec effictam esse, nec effungi potuisse contendit; verum à Deo ipso esse in mente nostra confignatam & impressam, quemadmodum & ideas axiomatum illorum, quæ habentur immutabilia & æterna. At multo etiam magis discrepant ista à superioribus: nam si ideæ sunt facultas ipsa cogitandi, idea Dei est facultas cogitandi de Deo; & ideæ rerum cæterarum omnium sunt facultas cogitandi de rebus iis cæteris: facultas autem illa cogitandi ad quascunque res cogitandas adhibetur, una tamen & eadem facultas est: ut facultas pingendi, sive ad pingendam arborem adhibetur, sive domum, eadem facultas est. Unde manifestum concluditur ideam Dei, ac reliquas ideas, quas naturales & innatas appellat, non differre ab ideis adventitiis, aut factitiis, ac idcirco cum hæ à nobis effictæ sint, & illas quoque. Deinde cuin scribit alio loco Cartesius (2) ideas illas æternas, puta axiomata

il-

(1) *Cartesius Princip. Philos. Part. I. cap. 15.*
36. 18.

(2) *Cartesius Epist. Test. 2. Epist. 104.*

illa Geometrica , in animis nostris consignari à Deo , uti leges à rege in animis eorum qui parent ipsius imperio , aliud quid esse fatetur ideas ac facultatem cogitandi . Gratificemur tamen Cartesio , sive sententiam ejus commode interpretemur , ideam innatam , puta Dei , esse facultatem menti nostrae ingeneratam certo quodam modo cogitandi ; quo modo quotiescunque cogitabit mens , ideam Dei in mente extitram . Verum ne sic quidem se extricabit : nam quid discreparbit idea ingenita ab idea adventitia , aut factitia ? idea enim Alexandri , quæ factitia est , poterit pari jure dici facultas menti ingenerata certo quodam modo cogitandi ; quo modo quotiescunque cogitabit , extabit in ea idea Alexandri . Vacillat ergo tota hæc Cartesii (1) doctrina . Is præterea ut probet subsidio sensuum non egere animum ad ideas effingendas , hoc utitur argumento : nihil aliud à rebus externis ad animum sensuum ope & interpositu pervenire , quām motus quosdam corporeos , quos ne animus quidem tales percipit , quales sunt in sensibus ; proptereaque ideas motuum & figurarum , & multo magis etiam doloris , colorum , sonorum , aliarumque rerum similiūm , in nobis esse ingeneratas , & animum sibi eas exhibere , quotiescunque excitatur per motus illos corporeos , quorum simile nihil habent idæ ; unde colligit , cum idæ rerum extrinsecus objectarum nobis sint innatae , non à rebus externis ortae , potiori jure idem de notionibus communibus , sive axiomatis esse dicendum , quæ neque sunt in rebus externis , nec per

mo-

(1) *Cartesius Epist. Tom. I. Epist. 95.*

motus corporeos , sensuumve nuntium ad animum venisse possunt : res quippe externas , ac motus quoque illos , & sensus , res esse singulares ; axiomata vero esse universalia nullam affinitatem cum motibus & sensibus habentia . Fatemur nos quidem ideas rerum externarum singi ab animo , postquam de iis fingendis admonitus est motu quodam corporeo & nuntio sensuum à rebus externis impulsorum : at motus illos corporeos dicimus plagam sive notam imprimere in cerebro ; quam plagam in cerebro deprehendens animus proxime illi conjunctus , hoc velut admonitu , hanc , illamve ideam concipit ac confingit ; cum prius non esset ; minime vero eam sibi exhibet & recognoscit , quasi prius esset . Neque ullam porro concipere & confingere potest , nisi plagam hujusmodi in cerebro percepere . Universales porro ideae exceptae sunt ex singularibus , cum animus in rebus multis idem quippiam animadvertis , excerptit illud è multis in quibus fuerat dispersum , & in unum colligit , atque inde ideam universalem conflat . Velut in Petro & Johanne , aliisque hominibus singularis deprehendens eos esse animalia ratione prædicta , jam neque Petrum , neque Johannem , neque ullum singularem hominem spectans , educit illud & componit in unum quod multiplex fuerat , ac generalem illam & universalem conflat & confingit ideam ; sibique commendat , omnem hominem esse animal rationale .

X. Ulterius etiam conjiciendo progressus est Cartesius , & partem corporis in qua præ-

X. Falsum est [in Conario præcipuum esse
sædem animi .

præcipuum sibi sedem delegit humanus animus deprehendisse se iactavit. Hanc esse vult particulam illam de genere glandularum, quæ Conarium à figura appellatur, quæque subjecta est projecturis illis duabus cerebri, quas *yλστια* Veteres dixerunt. Caussas cur id opinetur, has affert; ad percipientias res externas duplia nos à natura habere instrumenta, duos oculos, duas aures, duas manus; cogitationes vero nostras, simplices esse atque unas; necessarium esse itaque, ut pars aliqua sit in nobis simplex atque una, quæ duplices rerum externalium impressiones à sensuum instrumentis exceptas recolligat & in unum conjungat, antequam ad animum perveniant; ne res externæ singulares & simplices ab eo tanquam geminatae & duplices percipiantur; in cerebro autem, ad quod sensuum pertinent instrumenta, & rerum externalium imagines appellant, nullam aliam hujusmodi reperiri partem, quam Conarium istud; quod neque duplex est, ut reliquæ partes cerebri; nec tot mutationibus, morbisve obnoxium; & medium hujus obtinet; & inter ventriculos cerebri ita situm est, ut conceptorum in iis spirituum animalium cursus temperare, & ab iis ultro citroque commeantibus vicitim moveri possit, ut pote ex tenuissimis suspensum arteriis. Magna enimvero apud Cartesianos commenti hujus admirabilitas olim fuit, quasi abstrusum illud ac reconditum corporis & spiritus vinculum unus industria sua patefecisset. At plerosque credulitatis suæ tandem puduit: nonnulli ne nunc quidem resipiscunt. Nos quam nauci nihilique sit hæc opinio paucis ostendemus. Negamus primum necessarium esse, ut in nobis sit pars aliqua simplex & unica, quæ duplices

ces rerum imagines conjungat , ne gemitur in animo earum perceptiones . Quemadmodum eniin si tympana duo ejusdem soni , eodem tempore , æquali iœtu pulsentur , etiamsi sint soni duo , sic tamen afficiuntur aures nostræ , quasi unicus sit sonus : ita etiamsi in sensuum instrumentis externæ rei impressio geminetur , quoniam tamen duæ res omnino congruentes , eodem tempore , eodemque modo referuntur ad cerebrum , perinde fit ac si simplex prorsus foret impressio . Jam quod ait partes cerebri reliquas esse duplices , solam hanc unam & singularem , ridiculum est : annon enim quartus cerebri ventriculus , quem Nobilem vocant , unus est ? annon tertius , proptereaque in eo collocatus ab Herophilo animi principatus ? annon una est glans illa , cui Pituitariæ nomen fecerunt ? annon unus Fornix basis ? unum Infundibulum ? unum Septum lucidum ? unum μεσοφρενον , hoc est Medium superciliorum , in quo ινμοσιον mentis posuit Strato ? una radix Medullæ spinalis , qua nempe in ramos abire incipit ? una Cerebelli Epiphysis vermiciformis ? annon Cerebellum quoque unicum est ? annon Cerebrum ? annon Caput ipsum , quod totum esse animi sedem voluerunt Democritus & Plato ? Respondet Cartesius , hæc nomine tantum una esse , re ipsa duplia vel multiplia potius . Quasi tertius ventriculus , quasi quartus , duplex aut multiplex dici possit . Quasi Conarium duplex aut multiplex dici non possit . Annون enim bifariam , multifariamque scindi potest ? annon utraque pars suis est instrumenta filtris ? annon geminus ejus nervus est ? annon multi sinus , quibus collectos humores in modum spongias continet ? Jam quod

quod ait Cartesius, per paucis esse illud mutationibus, morbisve obnoxium, falsum hoc est: ita enim flaccescit in cadaveribus, teste ipso Cartesio, vix ut deprehendi possit; & simul atque aëri expositum est, concidit & detinuescit; humore nimirum, quem sinubus suis continet, vel in annexa vase profluente, vel per vicini aëris appulsum exarescente. Hinc efficitur, ut in vivis etiam corporibus, prout affecta sunt vel calore, vel frigore, vel morbo, vel sanitate; vel ebrietate & satietate, vel siti & fame; vel humorum abundantia, vel siccitate, saepissime mutari id necesse sit. Itaque in eo repertas esse aliquando arenulas, atque etiam calculos testificantur Medicorum filii. Ineptum vero est, & à recentiorum Anatomicorum inventis ac doctrina prorsus alienum, & à Galeno (1) ipso jam olim confutatum, quod subjungit Cartesius, temperari à Conario motus spirituum animalium in cerebri ventriculis curricula sua excentrum. Fuit hæc veterum opinio, conceptacula illa cerebri, spirituum animalium esse officinas: verum subtilioribus Anatomicis experimentis cognitum est, destinata ea esse excipiendis cerebri excrementis, quæ illic collecta devolvuntur in Infundibulum, Pituitariumque glandulam, & in Processus mamillares, & os Ethmoides. Inde adeo humore saepè plena, semper certe obducta & inadefacta reperiuntur. Conarii vero ipsius non alium esse volunt usum, quam reliquarum corporis glandularum, exercendi videlicet humores superfluos: excernit enim humores crurum superiorum Spinalis medullæ, ut Wartho-

E 2

no

(1) Galen. de usu part. libr. 8. cap. 14.

Censūra Philosophicā
no placet, vel serum sanguinis proximis
Plexus choroidis vasis inclusi, ut Willisio;
diligenti utrius inspectori naturæ . Cum
ergo Conarium , & sero quod in cavernis
suis continet , & perpetuo pituitæ appul-
su, quæ in cerebri ventriculos influit , sem-
per humectum sit & madens , extingui-
necesse foret illud animi rationisque
lumen, quod ex sublimi hac ar-
ce in totum hominem emi-
care singit Cartesius ;
& obruerentur
animales il-
li spiri-
tus,

quos alioqui tam copiosos quenam
illuc vasa , qui canales in-
ferre possint , mini-
me appetat.



EAE

CAPUT QUARTUM.

Expenditur Cartesii sententia
de existentia Dei.

I. Exponitur Cartesii sententia de existentia Dei. II. Exploratur Cartesii opinio de idea rei infinitae & summe perfectae, quae in nobis est. III. Idea rei infinitae & summe perfectae, quae in nobis est, finita est & imperfecta. IV. Falsum est finitum cognosci ex infinito, non hoc ex illo. V. Idea rei infinitae & summe perfectae, quae in nobis est, neque clara est, neque distincta. VI. Idea rei infinitae & summe perfectae, quae in nobis est; aliunde proficiisci potest, quam à re infinita & summe perfecta. VII. Realitas objectiva, quae est in idea rei infinitae & summe perfectae, tota est à mente nostra. VIII. Ex idea rei infinitae & summe perfectae, quae in nobis est, non necessario sequitur rem illam infinitam & summe perfectam extra mentem nostram extare. IX. Ex idea rei infinitae & summe perfectae, quae in me & aliis est, colligi non potest existentia Dei; nec proinde ex illi quae in Cartesio est. X. Per vitiosum ratiocinatus circulum existentiam Dei probat Cartesius. XI. Expugnatis argumentis, quibus existentiam Dei demonstrare conatus est Cartesius, ruit ipso satente, omnis ejus Philosophia, & fenestra erroribus aperta est.

I. **S**uo nunc ordine flagitat censuram nostram Cartesii argumentatio, vel ludificatio potius de existentia Dei. Ea est

E 3

hu-

I. Exponitur Cartesii sententia de existentia Dei.

hujusmodi. Nemo, inquit, homo est, qui si mentem suam excutere, & mentis notiones explicare aut possit, aut velit, in ea non deprehendat splendidam & insignem ideam sibi ingenitam rei cuiusdam infinitæ, æternæ, immensæ, omnipotentis, omnia scientis, & summæ perfectæ, quam Deum appellamus. Idea porro hæc, cum omnem in se præstantiam, excellentiamque contineat, nec desit illi quidquam ad summam perfectionem, non potuit à rebus externis per sensuum nuntium ad nos pervenire, ut pote rerum illarum, quæ fluxæ sunt, mutabiles, & caducæ, distimillima. Nec eam item in nobis ipsi confinximus: qui enim homunculus imbecillus, infirmus, mortalís, sensibus obtusis, ingenio hebeti præditus, opus edat longe se nobilius, & excellentius, cujusmodi hæc idea est? Quærendis igitur alius est ideæ hujus effector, qui tantæ sit potentia, ut tam eximiis dotibus, infinitate, æternitate, immensitate, omnique excellentia instructum hoc opus edere potuerit. Cum autem consentiant omnes, quantumcumque præstantiae insit in opere, tantumdem vel plus etiam inesse debere in opifice; alioqui præstantiam hanc & eximas dotes nullam caussam habituras cur extent, quod Philosophus nemo dixerit, sequitur ideæ hujus opificem infinitum esse, omnipotentem & summe perfectum. Præterea cum res illa, cuius ideam in mente habeo, infinita sit & summe perfecta, nihil illi deesse potest, quod ad summam perfectionem & absolutionem desideretur. Nihil autem plus requiritur ad summam præstantiam & perfectionem, quam existere. Res igitur illa, Deus videlicet, existit: ac necessario quidem; quippe cum tam necessarium sit id existere quod summe perspectum

fectum est , quām necessarium est , figurae ejus quæ tribus constet angulis , tres angulos & quales esse duobus rectis : nec facilius sit rem infinitam & summe perfectam , quæque non existat cogitare , quām montis ideam habere in animo sine idea vallis . His argumentis ut vis addatur , in hanc formam compingit ea & contrahit Cartesiana Schola : Ideam rei infinitæ & summe perfectæ in mente habeo : idea autem illa non aliunde proficisci potest , quām à ratione infinita itidem & summe perfecta : res igitur infinita & summe perfecta existit . Hæc autem Deus est : Deus igitur existit . Deinde : Quidquid pertinere ad rem , cuius ideam in mente habeo , clare & distinctè percipio , id ad rem illam revera pertinet : existentiam autem ad rem infinitam & summe perfectam , cuius ideam in mentem habeo , clare & distinctè pertinere percipio : ergo ad rem infinitam & summe perfectam , Deum scilicet , tuus ideam in mente habeo , pertinet existentia .

II. Magna vero hic ineſt concertatio de ideæ hujus natura : hinc enim tota pendet argumentatio . Nam si alterius non est naturæ ac reliquæ ideæ , quæ in nobis sunt , frustra ad summe perfectam infinitam causam recurritur . Ambigua est autem in ideæ nomine significatio : nam vel notatur actio mentis qua cogitamus ; vel id ipsum quod menti nostræ objectum est , & de quo cogitamus . Constat autem ideam rei infinitæ & summe perfectæ , quæ in nobis est , priore modo sumtam , finitum quid esse & imperfectum ; cum perfectior esse non

E 4

pos-

II. Exploratur Cartesi opinio de idea rei infinitæ & summe perfectæ , quæ in nobis est .

posita mente ipsa unde orta est , quæ imperfecta ipsa est & finita : quatenus autem significat imaginem rei infinitæ & summe perfectæ , quæ menti nostræ objecta est , & de qua cogitamus , tantam ejus esse dignitatem & præstantiam vult Cartesius , ut non modo mentis nostræ perfectionem longe supereret , sed à Deo solo oriri potuerit . Quamvis enim infinitum animo comprehendere non possimus , ut pote qui finiti sumus , at id posse certe nos percipere docet : cumque in infinito duo spectanda sint , & res ipsa quæ infinita est , & infinitio , quæ inest in re illa , infinitionem hanc percipere nos *negative* (liceat enim voces de Scholis depromptas usurpare) hoc est , nullos in ea terminos à nobis deprehendi ; at rem ipsam percipere nos *positive* , licet non *adæquate* & perfecte . Quemadmodum autem trianguli ideam habere possumus , etiamsi quæcunque de eo sciri possunt non sciamus : ita etiamsi totam infiniti immensitatem animo perfecte comprehensam non habeamus , habere nos tamen ideam claram & distinctam infiniti ; totumque ipsum , licet non omnino , neque omni ex parte , percipere . Ut cum mare è litore prospiciimus , etsi totius maris amplitudinem non videmus , at mare tamen ipsum vere videmus .

III. Quæ cum ita differit Cartesius , plane suo se gladio jugulat . Nam si infinitio rei infinitæ percipi non potest nisi *negative* ; & infinitum ipsum etiamsi *positive* percipiatur , percipi tamen non potest *adæquasse* ac perfecte ; certo rei infinitæ & infinitionis

III. Idea rei infinitæ & summe perfectæ , quæ in nobis est , finita est & imperfecta .

nitionis idea finita est. Quid enim est aliud, rem percipere *negative*, quam percipere quid non sit, sive, ut loquitur Dionysius (1), aliquique Theologi, cognoscere per *excessum & remotionem*. Infinitionem igitur si non aliter percipi posse quam *negative* fatetur Cartesius, fateatur quoque necesse est sciri quidem posse quid non sit infinitio, sciri vero non posse, quid sit; ac proinde ideam infinitionis quæ in nobis est, esse ideam, non ejus quod est infinitio, sed ejus quod non est. Id autem quod non est infinitio, est finitum: unde sequitur, ideam infinitionis, quæ in nobis est, esse finitam. Jam ex eo quod ait rem infinitam percipi *positive*, eti non perfecte & *adæquate*; hoc est ideam rei infinitæ quæ in nobis est, *positive* exhibere nobis rem infinitam, etiamsi quidquid in re infinita est, *adæquate* nobis non exhibeat, sequitur ideæ huic aliquid ad perfectionem & absoluti-
nem deesse. Cui autem deest aliquid, id finitum est: unde manifeste colligitur, ideam rei infinitæ, quæ in nobis est, esse finitam. Nec juvat Cartesium similitudo trian-
guli. Triangulus enim finita res est, ut Sol, homo, arbor; atque idcirco ejus ideam ha-
bere possum; at cum proprietates trianguli
sint infinitæ, quemadmodum & Solis, & ho-
minis, & arboris, earum ideam habere
non possum; nam infiniti ad mentem meam,
quæ finita est, nulla potest esse convenien-
tia nec proportio. Itaque neque rei infinitæ, ob id ipsum quod infinita est, neque
proprietatum rei infinitæ ideam habere pos-
sum: nam infinitæ tantum ideæ apud me
esse possunt: quæ autem idea finita est,
rei infinitæ & summe perfectæ idea esse non
E s po-

(1) Dionys. De divin. nomin. lib. I. cap. I.

potest. Ideo enim, juxta Cartesium, sunt imagines rerum; imago autem finita, imago rei infinitæ esse non potest. Rem præclaræ illustrat & confirmat exemplum ipsum maris à Cartesio propositum. Si quis enim tractum aliquem maris è litore prospiciat, is mare quidem videre vulgo dicitur, at impropre, parte pro toto usurpata: re autem ipsa non mare, sed tantum particulam maris videt, ex qua maris universi vastitatem cognoscere nequam poscit. Ita visio particulæ maris, & quæ ex ea nascitur idea, ad ideam maris universi collata; talis esse videbitur, qualis est pars ad totum; manca scilicet, mutilata, & imperfecta. Quoniam autem aliqua est particulæ maris ad totum mare proportio, ideam particulæ maris ita animo amplificare possum, ut ideam aliquam universitati totius maris æqualem aliquando tandem in me possim effingere: at finiti ad infinitum cum nulla sit omnino proportio, quantumcumque animo contendam ad amplificandam ideam quæ finita sit, numquam per eam rei infinitæ notitiam in me exprimam: animo tantum removere potero fines à re finita, eamque magis ac magis extendere; ita ut ad quantamlibet amplitudinem amplitudo alia, & ad hanc porro alia adjiciatur; quoad animus deficiens in conatu, consistat tandem; non fine in quidem ideæ illi imponens, sed agnoscens novis semper accessionibus locum in ea patere. Ergo non aliter percipit infinitum, quam cum rem percipit fine carere.

IV. Quamobrem sibi ipse repugnat Cartesius, cum ait prius se percipere infinitum,

IV. Falsum est finitum cognosci ex infinito,
non hoc ex illo.

tum, quām finitum; perfectum, quām imperfectum; Deum, quām seipsum; nec aliter percipere se finitum & imperfectum, quām cum comparatur ad infinitum & perfectum. Nam notionum omnium primam hanc esse, *Ego cogito, ergo sum*, magno dubitationum apparatu docuit. Finita est autem hæc notio. Deinde cum fateatur infinitonem rei infinitæ, sive id per quod res infinita est, cognosci tantum negative, necesse est ideam rei hujus, finitam quidem esse positive; at finibus ab ea per mentis actionem remotis, id quod est finitum positive, fieri infinitum negative; quod tandem est ac si dicam, ideam rei hujus quæ finita est, spectari ut non finitam, non vero percipi ut infinitam. Quemadmodum si viam spestem, per quam Lutetia ad regiones exterias itur versus orientem, et si infinitam non esse scio, nullum tamen ei animo finem constituo; quo circa illam specto, non ut infinitam, sed tantum ut non finitam, sive, ut loquitur Cartesius, *indefinitam*. Cum igitur *nega-*
tiva infinitio, quam ideæ affingimus, oriatur ex detractione finium quibus, continebatur hæc idea, plane perspicuum est, non ex infinito percipi finitum; sed contra, remotis finibus, ex eo quod finitum est percipi infinitum: Atque in id ipsum quod fugiebat incidit Cartesius, cum subjunxit, ad percipiendam rem infinitam & summe perfectam, sufficere ut intelligatur eam à nobis comprehendendi non posse, & quæcunque perfectione aliqua & præstantia prædicta esse scimus; aliaque hujusmodi innumera quæ nescimus, in re illa inesse. In quo aper-te fatetur se agnoscere rem illam, cuius ideam in mente habet, infinitam esse & summe perfectam, comparando eam cum rebus finitis aliqua perfectione præditis;

quarum rerum perfectione in unum collecta , aliarumque rerum complurium quas ignoramus perfectione adjecta , exurgit in nobis idea quædam ; infinita quidem *negative* , at positive finita. Futilis quoque est & captiosa alia argumentatio , qua Paradoxi hujus novitatein defendit. Id , inquit , quo à finito differt infinitum , *reale* est aliquid & *positivum* : (voces ejus refiero .) Id autem quo finitum differt ab infinito , nempe limitatio , est aliquid *negativum* ; defectus scilicet *entis*. Acquiri autem non potest notitia ejus quod est , per id quod non est ; cum ē contrario per id quod est cognoscatur id quod non est. Unde efficitur cognosci finitum per infinitum , non hoc per illud. Fateor id quo infinitum differt à finito , *reale* quid esse & *positivum* , si ad ejus naturam attendatur : sin id referatur ad nostram cognitionem , cum infinitum mens humana percipere non possit nisi *negative* , id quo infinitum à finito differre percipi mus , *negativum*. Nego vero limitationem numerum esse defectum , seu meram *negationem* ; est enim mixtum quid ex *positiva* , nempe ipsa finita ; & *negativo* , iis nempe omnibus quæ adjici possunt ad rem finitam , neque tamen adjiciuntur ; sed ita tamen mixtum , ut in idea limitationis hujus , multo plus *positivi* insit , quam *negativi*. Velut cum circulum ambitu suo finitum specto , idea circumscriptio nis seu limitationis circuli , quam mente informo , non tam constat ex negatione ulterioris *extensionis* , quam ex circuli intra ambitus sui fines conclusi notione. Finis enim rei est res ipsa quatenus ulterius non extenditur. Similiter cum ternarii numeri circumscriptio nem seu limitationem specto , non tam at tendo ad infinitas unitates quæ adjici pos sunt ,

sunt, quām ad tres illas quibus solis constat hic numerus. Huc accedit quod finis seu limitatio rei efficitur, non solum ex eo quod res illa caret partibus aliis quæ ad eam adjici poterant, nec adjectæ sunt, sed ex eo etiam quod retinet partes suas, quæ detrahi poterant, nec detractæ sunt. Ternarius enim numerus tribus unitatibus constat, & definitus est; non solum quod aliae unitates adjectæ non sunt, sed etiam quod retinet tres illas unitates ex quibus constat. Unde perspicuum est limitationem non mere esse *negativam*, sed & *positivam*. His expositis facile solvitur argumenti Cartesiani compages. Ait ille non cognosci id quod est, per id quod non est; nec proinde infinitonem per limitationem, sed hanc per illam; atque idcirco nec infinitum per finitum. Verum si res in se spectentur, tam est quod finitum est, quām quod infinitum: sive ad cognitionis nostræ modum exigantur, uti exigendæ sunt, nam id nunc agitur, finitum cognoscimus *positive*, infinitum vero *negative* tantum & in limitationis idea longe plus *positivi* ineſt quām *negativi*. Quamobrem cum, fatente Cartesio, cognoscatur *negativum* ex *positivo*, non hæc ex illo, omnino dicendum est, ex infinito, uti à nobis percipitur, neutiquam cognosci finitum. Clarius quoque alibi Paradoxum hoc suum, seque adeo Cartesius prodidit, cum conceptis verbis fassus est, sufficere ad exprimendam in nobis ideam infiniti, rem percipere finibus carentem (1): quod cum ipsis deinde objectum esset, in manifesta repugnancia deprehensus, non fatis

(1) Cartes. Epist. 15. & 16. Tom. 2. pars.
116. 131.

satis candide eam excusare conatus est. Quamvis ergo satis demonstratum sit, finitam esse & imperfectam ideam rei infinitae & summe perfectae, quae in nobis est, addendum tamen est hoc quoque; cum idea Dei aliud sit ac Deus ipse, si idea Dei est infinita & summe perfecta, sequitur esse aliquid infinitum & summe perfectum praeter Deum: quidquid autem infinitum est & summe perfectum, Deus est: igitur praeter Deum alter Deus est. Quæ ne fateri cogantur Cartesiani, ideam rei infinitæ & summe perfectæ, quam habent, non quidem infinitam & summe perfectam esse ajunt, sed tantum claram & distinctam.

V. Sed si idea rei infinitæ & summe perfectæ, quæ in nobis est, imperfecta est & finita, certe neque clara esse potest, neque distincta. Nam cum ideae sint imagines rerum, ut dixi; imago illa rei summe perfectæ & infinitæ, quæ in nobis est, cum imperfecta sit, similis esse non potest sui exemplaris, quod summe perfectum est; item cum finita sit; similis esse non potest infiniti illius archetypi: nam quid perfecti dissimilius quam imperfectum? quid infiniti, quam finitum? Jam si idea aliqua dissimilis est rei cuius est idea, clara quidem & distincta, si solam in se spectes, esse potest; at si contendas cum exemplari ad quod expressa est, neque clara esse potest neque distincta. Nam si imago Socratis, non valde quidem similis sit ipsius Socratis, sed scite tamen & eleganter depicta sit, claram utique & distinctam sui notitiam & speciem spectantibus dabit haec pictura; at si eam ad Socratem referas, neque claram, neque distinctam Socratis notitiam dabit.

Simi-

V. Idea rei infinitæ & summe perfectæ, qua in nobis est neque clara est, neque distincta.

Similiter si quis maris tracum aliquem è litore prospicit, vel ad montis alicujus latissime patentis radices jacens, manu eum contingat (juvat enim uti exemplis ipsis Cartesii) claram quidem & distinctam tractus hujus maris quem videt, vel particulae montis quam contingit, ideam mente hauriet; obscuram autem & confusam maris, montisve universi. Pari ergo ratione ex imagine infiniti, quae infiniti sit dimilis, & id perfecte & accurate non referat, claram quidem & distinctam notitiam percipiā ejus rei quae in mente mea informabitur, finitae videlicet: at nihil id ad infinitum. Deinde ut imaginem infiniti claram & distinctam in me esse sciam, prius infinitum ipsum clare mihi & distincte noscendum est. Nam qui de imagine Socratis arbitriū certo facere possim, qui Socratem nusquam vidi? Cum autem infiniti notitiam nullam habeam, neque vero habere possum de ejus imagine certi nihil possum statuere. Quapropter valde absurda, & ab hominum mentibus longe sepietata, non priscis solum Philosophis, sed gentibus etiam omnibus semper visa est cognitio Dei. Quod & sacrorum Oraculorum testificatione saepius declaratum est. Posuit (1) tenebras latibulum suum, inquit Psalmes de Deo. Et iterum, Nubes & caligo in circuitu ejus. Isaías quoque (2), Vere tu es Deus absconditus. Item Paulus, Lucem habeat inaccessibilem, quem nullus dominum vidit, sed nec videre potest.

VI. Explicata & soluta propositione Cartesiana-

(1) Psalm. 17. 11. & 96. 2.

(2) Isa. 45. 15. 1. Tom. 6. 16.

VI. Idea rei infinita & summe perfectae, qua in nobis est, aliunde profici sci potest, quam a re infinita & summe perfecta.

tesiani argumenti , ruit ipsa sponte sua ejusdem assumptio , qua statuit ideam rei infinitæ & summe perfectæ quæ in nobis est , non aliunde proficiisci posse , quam à re infinita & summe perfecta . Nam si idea hæc rei infinitæ & summe perfectæ , finita ipsa est & imperfecta , aliunde sane proficiisci potest , quam à re infinita & summe perfecta ; neque necesse est , ut majoris dignationis , majorisque præstantiæ ei assignetur cauſa , quam rebus cæteris , quæ finitæ itidem sunt & imperfectæ . Et vero si id quod tam ſaepè à nobis flagitat & exigit Cartesius , præstitifet ipſe , & attenta circumſpectione animi ſui notiones explorasset , tum facile deprehendifet , aliam eſſe poſſe originem , aliasque cauſas ideæ hujus Dei , quæ in nobis eſt , quam quas ipſe commentus eſt . Nam ex confusa noſtri , aliarumque rerum cognitione , quæ ineſt in nobis , Dei ideam ~~xerā utr d' 3aorū~~ , hoc eſt , per transitionem , ut loquitur Tullius ; & similitudinem informari & exprimi maniſtum eſt . Puta , ex eo quod ſumus mortales , moriendi necessitatem mente à Deo removemus ; ex eo quod ſumus corporei , à Deo detrahimus ; ex eo quod erroribus , quod perturbationibus animi , quod vitiis ſumus obnoxii , horum omnium expertem facimus Deum . Jam ſi quid boni in nobis , aliisve rebus eſſe intelligimus , pulchritudinem , robur , intelligentiam , ſcientiam , virtutem , felicitatem , hæc magis magis que animo amplificamus , & præter id quod potuimus cogitando configere , longe plura ſuperelle putamus . Quam informationem , quoniam finitus eſt & angustus noster animus , longe citra infinitatem conſistere necesse eſt , & valde obscuram eſſe ac confusam . Ergo ne , inquit nullam habem

habemus Dei notitiam? habemus vero, & manifestam quidem; at non ex idea Dei haustam, sed ratiocinando collectam, & ex gentium omnium consensu, & ex præclaro mundi ornatu & ordine, & ex rerum, uti vocant, *existentia*, earumdemque motu, aliisque argumentis, quæ & à veteribus Philosophis, & à sanctis Ecclesiæ Patribus feliciter sunt usurpata. Nam de ea, quam per Fidem accepimus, Dei cognitione, nunc quidem non agimus. Porro qualiaunque sint hæc argumenta quæ dixi, Deum quidem esse nobis persuadere possunt; at quid sit, quæque ejus natura sit, propter angustiam & caliginem mentis nostræ, nos edocere non possunt.

VII. Ex his intelligitur *realitatem* illam *objectivam* Cartesii, quæ est in idea rei infinitæ & summe perfectæ, totam esse à mente nostra, neque ulla sūi parte ab ea re proxime pendere, quam menti nostræ exhibet. Hæc ut clarissima fiant, & omnis commenti hujus fucus eluatur, pressius agamus cum Cartesio, & decantatæ hujus *realitatis objectiva*, unde tam speciosa educuntur miracula, vim, naturamque explicemus. Animo informem mundum alterum ab hoc nostro plane diversum: *realitas objectiva* mundi illius nihil aliud est, quam *realitas* mundi illius, quatenus menti meæ *objectus* est; qui siue extet, siue non extet, cum in mente mea non sit, nec in mentem meam quicquam immittat, quidquid sit illud quod menti meæ *objectum* est, nihil omnino ad alterum hunc mundum

VII. *Realitas objectiva*, *qua est in idea rei infinitæ & summe perfectæ, tota est à mente nostra.*

dum pertinere liquet , & solius mentis meæ fatum esse , ad arbitrium meum ita se componentis , taliaque sibi fингentis. At certe , inquit Cartesius , *realitas objectiva* commentitii illius mundi menti obversantis , non est plane nihil. Fateor id fane ; nam cum de altero hoc mundo cogito , aliud est in mente mea , quam cum de chimera cogito. Nihilum autem non differt à nihilo ; & ideo hæc cum different , sunt aliquid. Quid ergo ea esse dicendum ? idem nempe ac *figuras cerae impressas* ; modos videlicet. At modi isti non sunt omnino nihil : nam quamvis cera in cubum ducta , eadem cera fit ac ducta in globum , aliter tamen modificata est ; & cum inter se discrepent modificationis istæ , utique sunt aliquid . Similiter mens de altero mundo cogitans , aliter modificata est , quam cum de Chimera cogitat , neque negari possunt modificationes istas esse aliquid . Hinc sequitur *realitatem objectivam* ideæ alicujus , nihil esse aliud quam *realitatem modificationis* , quæ in mente est , dum hanc ideam sibi objectam habet. Quo nomine *realitatis* si id significatur , modificationem istam esse rem aliquam distinctam à nihilo , eam admittimus ; fin significatur esse substantiam , negamus in modificatione hac *realitatem* ullam inesse. Quamobrem modificationi huic tantum *realitatis* concedimus , quantum sat is est ut non sit omnino nihil : at *realitatem* hanc *realitate* substantiæ longe tenuioram & exiliorem esse apparet ; neque ad eam modificationi ulli mentis nostræ conciliandam necesse esse , ut infinita summeque perfecta causa proxima requiratur .

VIII. Ex-

VIII. Expugnato priore hoc Cartesii argumento, expedita est posterioris confutatio, cui praefixa est ista propositio: *Quidquid pertinere ad rem, cuius ideam in mente habent, clare & distincte percipio, id ad rem illam revera pertinet.* Hoc praeceps negari potest, Cartesio praesertim, qui de rebus omnibus dubitare nos jubet: pendet enim ab eo decreto, quo in perspicuitate ponendum esse Criterium statuitur, quodque à nobis supra profligatum est. Et exemplo praeterea falsitatem effati hujus comprobabimus. Ad duas lineas in eadem area plana jacente, & quo longius producuntur, eo propius ad se mutuo accedentes, quarum ideam in mente habeo, pertinere clare & distincte percipio, ut concurrant aliquando: nasquam tamen Hyperbole, ejusque Asympototus, quantumlibet productæ, concurrent; etiamsi magis, magisque altera ad alteram producendo accedat. Quod ab Apollonio (1) Pergæo demonstratum est. Verum nolim hic litem movere Cartesio; & pronuntiatum hoc liberaliter admitto. Subjungit ille, clare se & distincte percipere existentiam pertinere ad rem infinitam & summe perfectam. In eo vertitur cardo alterius hujus argumenti, ac propterea diligenter expendendum est. Duplex est rerum genus; earum quæ pendent à mente, neque extra mentem sunt ullibi, planeque sunt commentitiae; & earum quæ re ipsa sunt, atque etiam

VIII. *Ex idea rei infinitæ & summe perfectæ, quæ in nobis est, non necessario sequitur rem illam infinitam & summe perfectam extra mentem nostram extare.*

(1) Apollon. Conic. libr. 2. Prop. I. § 14.

etiam nemine de iis cogitante vere sunt in rerum natura. In Scholis priores illæ barbare dicuntur dari tantum à parte intellectus ; Postiores hæ dari à parte rei. Extant utræque , sed diverso modo , earumque existentia naturam earum sequitur : nam quæ sunt tantum à parte intellectus , existunt tantum à parte intellectus ; quæ sunt à parte rei , existunt à parte rei. Itaque rei infinitæ & summe perfectæ existentia sequitur naturam rei hujus : quæ si sit tantum à parte intellectus , non aliam obtinebit existentiam quam à parte intellectus . Sin vero sit à parte rei , quæ in eam conveniet existentia , erit à parte rei . Hæc argumentum Cartesii plane perinunt ; quod & clarius fiet , si in simpliciorem istam formam illud redigas . Quod summe perfectum est , necessario existit : res illa infinita & summe perfecta , cuius ideam in mente habeo , summe perfecta est : res igitur illa infinita & summe perfecta , cuius ideam in mente habeo , necessario existit . Propositioni adhibetur distinctio : Quod summe perfectum est , necessario existit , eo modo quo est . Si re ipsa est , re ipsa necessario existit . Si est tantum in intellectu ; tantum necessario existit . Opposita quoque distinctione excipitur assumptio : Res illa infinita & summe perfecta , cuius ideam in mente habeo , summe perfecta est , videlicet à parte intellectus : nam totum hoc de quo contenditur , idea solum est , ex cuius natura probare conatur Cartesius , Deum existere à parte rei . Liquet itaque sensus conclusionis : Res illa infinita & summe perfecta , cuius ideam in mente habeo , necessario existit à parte intellectus , sed non à parte rei . His ambagibus extricatis , jam ipse se prodit nodus difficultatis , qui

qui totus latet in complexione duarum partium Propositionis ; quarum prior est , *Quod summe perfectum est* , altera , *necessario existit* . Atqui pars illa prior propositionis propositionem alteram occulte involvit , hanc nempe , *Aliquid est summe perfectum* : & connexionio illa , est , furtim hic usurpat significationem hanc , *existit à parte rei* ; adeo ut is insit sensus in latebris propositionis hujus , *Aliquid existit à parte rei , quod est summe perfectum* . Sumit id itaque Cartesius , quod controversum est ; nam cum ait , *Quod summe perfectum est , necessario existit* ; tantumdem hoc est , ac si diceret , *Aliquid existit à parte rei quod est summe perfectum* , atque id necessario existit à parte rei . In quo ponit pro confesso , quod quæritur , ac manifeste petit principium . Hæc ut eludant Cartesiani , ac probent in magistri sui argumentatione non sumi , ut concessam *existentiam* rei infinitæ & summe perfectæ , in exemplum proponere solent hunc syllogismum : Quidquid clare & distincte cognosco in idea rei alicujus contineri , id rei illi adscribendum est : atqui in idea trianguli clare & distincte cognosco tres angulos contineri : tres igitur anguli adscribendi sunt triangulo . Si quis , inquit , ad id respondeat tres angulos adscribendos esse triangulo , modo adscribendi sint triangulo , inepte respondeat : nec enim sumitur hic ut concessum , quod vi ipsius argumenti obtinetur . Idem porro peccare ajunt , qui sic solvunt argumentum istud , Quidquid clare & distincte cognosco in idea rei alicujus contineri , id rei illi adscribendum est : atqui in idea rei infinitæ & summe perfectæ , clare & distincte cognosco *existentiam* contineri : ergo *existentia* adscribenda est rei infinitæ & summe perfectæ . Ajunt , inquam ,

quam, frustra responderi existentiam adhibendam esse rei infinitae & summe perfectae, modo existat; nec enim se sumere ut concessum, quod obtinent vi argumenti, Verum hic quoque nobis officias praetendunt; nam inter Syllogismi utriusque assumptiones magna intercedit differentia: in priore quippe assumptione, quæ talis est, *In idea trianguli clare & distincte cognosco tres angulos contineri*, triangulo id tribuitur, sine quo triangulus esse non potest, quodque naturam ejus constituit; omnino enim pertinet ad naturam trianguli, tres habere angulos. At in altera assumptione, quæ talis est, *In idea rei infinitæ & summe perfectæ clare & distincte cognosco existentiam contineri*, id tribuitur rei infinitæ & summe perfectæ, quod cujusmodi sit, & an ad ejus naturam pertineat, non certo constat; nunc enim id ipsum inter nos queritur, an ad rei infinitæ & summe perfectæ, cuius ideam in mente habeo, naturam pertineat *existentia*, & cujusmodi *existentia*: atque id cum in quæstione positum sit, sumitur omnino quæsitum pro concessu. Quamvis ergo dem, me non posse animo informare ideam rei infinitæ & summe perfectæ, nisi existentis; ut neque ideam montis sine idea vallis; non propterea concessero rem infinitam & summe perfectam existere, ut neque hunc montem vallemve, quorum ideas in mente habeo. Nec ullum latet hic sophisma, ut frustra caussatur Cartesius, qui id ita conatur dissolvere; ex eo quidem quod idea montis in me non possit esse sine idea vallis, non sequi montem illum vallemve existere; at ex eo quod animo informare non possum ideam rei infinitæ & summe perfectæ, nisi existentis, necessario sequi rem infinitam & summe perfectam existere. In quo

quo adhibet ipse Sophisma ad responsionem hanc infringendam: nam ex eo quod animo informare non possum rem infinitam & summe perfectam, nisi existentem, sequitur existere quidem illam, at in animo tantum meo, non re ipsa; & *existentiam*, quam idea illa includit, cogitatione ab ea separari non posse. Quapropter quotiescumque exoritur in animo meo idea rei infinitae & summe perfectae, exoriri quoque necesse est ideam *existentiae*, alterius idæ comitem individuam, & cum de una cogitat, cogitare quoque de altera; at cum de re infinita & summe perfecta, ejusque *existentia* cogitat, nihil necesse est rem infinitam & summe perfectam, ejusque *existentiam* extra cognitionem extare. Sive id libet Scholæ locutionibus explicare: Rem infinitam & summe perfectam, cuius ideam in mente habeo, sive quæ est à parte *intellectus*, necessario comitatur *existentia* à parte *intellectus*; minime vero eam comitari necesse est *existentiam* à parte rei. Urgent rursum Cartesiani, & ajunt, Rem infinitam & summe perfectam esse *ens ipsum* *αὐτὸν*, *ens generale*, *ens infinitum*; id cum sit simplicissimum, simplicissimam quoque esse ejus ideam; quæ cum *existentiam* necessario contineat, sequi *ens ex se*, suaque natura existere; repugnare quippe *ens* non existere. Pergunt ambiguitatis latibras quererere; *ens* enim illud generale, notio intentis quædam generalis est, ex singularium *entium* notionibus collecta; ut animal, notio mentis est ex singulis animalium notionibus conflata; atque *ens* illud generativi sumum, ex æquo pertinet ad res quæ non aliter existunt, quam in mente, & ad eas quæ extra mentem re ipsa existunt; & quatenus pertinet ad rem.

infinitam & summe perfectam , quæ in mente mea est , re ipsa non existit . Ergo si ad vocem illam *entis* adhibetur solennis nostra distinctio , ad eam impacta omnis hæc ratiocinatio dissiliet . Talis illa est : Res infinita & summe perfecta est *ens* ejusdem naturæ ac res ipsa infinita & summe perfecta ; *ens* nempe quod extra mentem meam re ipsa non existit ; non vero est *ens* re ipsa extra mente meam existens .

IX. Sed ut certius idea hæc Cartesiana rei infinitæ & summe perfectæ cognoscatur , suisque momentis aestimetur , ajo ne æquo jure cum Cartesio acturum , si ex idea rei hujus , quæ non in me solum , qui ex illo sum ingenii , sed & in maximis fere æstatum omnium Philosophis fuit , judicium faciam de idea Cartesii . Atqui neque ego , neque veteres illi Magistri , ideam ullam in nobis deprehendimus , in qua tantum præstantiæ , dignitatis , & perfectionis insit , ut non humanæ opis , sed solius potentiarum Dei opus esse dicenda sit . Si enim infinitatem & summam perfectionem in ea agnovissent Philosophi , qui Dei naturam diligenter & anxie scrutati sunt ; tantamque præstantiam , ut ab humana mente orta esse non posset , unum illum esse , corpore caren- tem , nulla præditum figura , infinitum , æternum , summe perfectum esse magno consensu omnes haud dubie collegissent , ut factum à Cartesio est . At contra , vel multiplicem confinxerunt Deum , vel corporeum , vel globosum , vel animalem , vel cer-

IX. Ex idea rei infinitæ & summe perfectæ , que in me & aliis est , colligi non potest existentia Dei , ac proinde nec ex illa , qua in Cartesio est .

certis circumscriptum finibus , vel morti obnoxium , nec proinde summe perfectum : vel Deum omnino esse penitus negaverunt . Ad me vero quod attinet , cum ideam Dei quæ in me est attente considero , speciem quamdam deprehendo rei maxima præstantia & excellentia præditæ ; ac tanta , quantam in nulla alia specie unquam deprehendisse me memini : & quamvis rerum omnium mihi videatur longe perfectissima , agnosco tamen quidquid illud perfectionis est , quod in idea hac percipio , longe infra immensam & infinitam Dei præstantiam & perfectionem esse positum ; & quantumcunque vires animi contendam , futurum numquam ut cogitatione tantam assèqui excellentiam & complecti possum : quippe ex contagione rerum corporearum , quas sensibus usurpare soleo , semper allitum iri imperfectum quippiam & finitum ad ideam Dei quam in me conor exprimere : at quamvis veram Dei notitiam ab idea hac , quæ finita & imperfecta est , habere non possum , habere me tamen à ratione . Quamobrem longe verius , digniusque de Deo & cogitat & loquitur , qui nihil eorum esse dicit quæ cogitari possunt , quam qui Deum id esse quod cogitat , confidenter pronuntiare audet . Cum igitur idea Dei , quæ in me & aliis est , sit hujusmodi , ejus consimilem esse Cartesii ideam arbitrari possum & debeo ; ac propterea nihil omnino opus esse , cur Deus ad eam informandam auctor asciscatur . Quod si solum se fappere , reliquos homines itolidos esse dicat Cartesius , ridebimus : quis enim fanaticus , aut furiosus , pari responsione deliramenta sua non approbet ? Certe cum ab eo eis et aliquando per literas quæsitus , unde tibi ideam comparasset hujusmodi , quam viri

ingenio, pollentes, quantilibet cura & attentione adhibita in se non reperirent, respondere ausus est, ideam hanc perinde ut in se, sic in aliis queque inesse; verum ab iis non agnoscit. At rursum ab eo quæsitum oportuit, cur viri illi, & ingeniosi, & diligentes, & ab eo admoniti, idæ hujs tam splendidæ & illustris, in animis suis versantibus essent inscii, solus ipse conscientius esset. Nam quid ad id respondisset consentaneum rationi, aut simile veri? Quanto credibilius est, vanis ipsum imaginibus delusum censuisse ea se videre, quæ non videret; quam reliquos omnes ea non videre, quæ obtutibus eorum paterent.

X. Insignem denique & plane jocularem in argumentationis hujs Cartesianæ commissura ~~Διαλογισμὸν~~, sive ut loqui solent in Scholis, petitionem principii, & circulum supra jam à me notatum nunc iterum Lester anunadvertat. Decernit ille nullam habere nos posse rei cuiuslibet certam scientiam, priusquam Deum noverimus. Hinc efficitur, notitiam omnem quæ prævertitur in nobis notitiam Dei, esse incertam. Hoc si sit, idæ omnes, notiones omnes; item propositiones, assumptiones, conclusiones, quibus ad comparandam Dei notitiam usus est Cartesius, incertæ sunt. Vel si totam hanc portionem demonstrationis, etiam si constet ex omnibus ratiocinationis partibus, ratiocinationem tamen non esse, sed simplicem tantum, ut vocant, visionem & conscientiam, ridicule affirmantibus Cartesianis stolidè credamus, conscientia tamen hæc, sive visio, incerta est. Quod si

to-

X. Per vitiosum ratiocinationis circulum existentiam Dei probat Cartesius.

totum illud, quidquid tandem sit, incertum est; incertum quoque est quodcumque inde colligitur. Colligitur autem *existentia* Dei. Attamen ex hac cognitione Dei, tanquam certissima, & certissimis à se argumentis demonstrata colligit superiora hæc omnia certa esse, & quascunque prius haberat causas dubitandi, posito hoc principio, penitus esse sublatas. Quamobrem manifesto in se recurrat: Deus existit, inquit, quia vera est idea Dei quæ in me est: vera est idea Dei quæ in me est, quia Deus existit. Quo quid fingi potest magis ~~etiam opere?~~

XI. Cæterum cum ex hac una Dei notitia omnem suam Philosophiam duxerit Cartesius, ideasque omnes suas, cogitationes, argumentationes, quantumvis claræ sint & distinctæ, dubias fore & inexploratas fassus sit, nisi sua *existentia* Dei probatio nitantur; vitiosam autem eam esse ac vanam à nobis liquido sit ostensum, solvitur splendidus ille omnis & operosus Cartesianæ Philosophiæ contextus. Videat igitur magnum illud veritatis columen, quid ex idea rei infinitæ & summe perfectæ in causæ suæ utilitatem possit depromere; cum & finitam esse ideam hanc, & imperfectam, & obscuram, & confusam, & minimum realitatis gradum obtinere, & ad probandam *existentiam* Dei plane inutilem, luculenter fit comprobatum. Videt etiam, satisne prudenter, satisque verecunde, si se auctum sit, cum jactavit passim & impuni-

F 2

XI. Expugnatis argumentis, quibus *existentiam* Dei demonstrare conatus est Cartesius ruit, ipso fatente, omnis ejus Philosophia. & fenebris erroribus aperta est.

fice gloriatus est , certioribus argumentis ostendisse se Deum existere , quam ullum Epicherema Geometricum à Mathematicis sit demonstratum ; atque una hac via quam aperuit , ad certam tantæ rei cognitionem perveniri ; à qua via si qui deinceps descendere ausint , pro impiis jam inde esse habendos .

CAPUT QUINTUM..

Expenditur Cartesii sententia de corpore & vacuo.

I. Exponitur Cartesii sententia de corpore & vacuo . II. Et refellitur . III. In maximos errores Cartesium impedit ignoratio duplicitis extensionis ; quarum alia , quæ corporum est , positiva est ; alia , quæ nibili est , est negativa . IV. Jocularis error Cartesii de corporum duritate . V. Parum candide agit Cartesius , cum Mundum esse ait indefinitum .

I. Aliam nunc attingamus questionem , quæ est de corpore & vacuo : & primum quemadmodum eam persequatur Cartesius videamus . Materiæ , sive corporis universæ spectati naturam in eo vult esse positam , quod sit extensum in longum , latum , & profundum ; quippe id optimum in corpore cognosci & esse in sola enim alia re ad corpus pertinente habergam ejus latam dici posse ; non in difficultate non in pondere , non in colore & calore frigore , aliisque hujusmodi : nam quod

I. Exponitur Cartesii sententia de corpore & vacuo .

quod spectat ad duritatem, cognosci illam ex manuum nostrarum tactione; quod si ergo, cum manus nostra movetur in aliquam partem, corpora omnia ex illa parte recedant, duritatem illorum perceptum non iri à manu nostra; nec idcirco tamen corpora hæc corpoream naturam amissura. etiam si nullum nobis exhibeant duritiae sensum: item corpora quæ duritie possent præcæteris, licet comminuantur in pulverem, vel etiam liquefiant, haud minus tamen futura corpora: de pondere quoque idem esse judicandum; ignem enim, qui levis est, esse tamen corpus; uti & aere in etiamsi colore careat; aquam, etiamsi calorem; ignem, etiamsi frigorem; solam esse extensionem, qua detracta, detrahatur corpus; qua addita, corpus augeatur; quantitatem seu extensionem, à corpore, sive re extensa intellectum solum, non re distingui & differre: imo, si quis ea conetur mente disjungere, confusam tantum rei corporeæ, tanquam corpore carentis, ideam hunc habiturum; claram contra & distinctam extensionis, tanquam corporis, quæ propterea perperam *accidens* appellatur: similiter spatiū sive locum internum, qui repletur à corpore, corpus ipsum recipere esse, sed intellectu solum distingui; extensionem enim illam in longum, latum & profundum, qua constat spatium, hanc ipsam esse qua constat corpus; id solum interesse, quod in corpore spectetur extensio, ut singularis & individua; in spatio, ut generalis, ita ut mutari possit extensio quæ spatium implet, corpus neinpe ipsum: nec mutetur tamen extensio illa in qua erat corpus: cum igitur genus & species re non differant ab individuo, sed tanum intellectu, extensionem spatii,

non re , sed intellectu differre ab exten-
sione corporis ; quæ cum ita sint , clarissi-
me apparet nihil esse posse in rerum na-
tura omni corpore plane vacuum ; nam
cum natura corporis in extensione posita
sit , ubiunque inest extensio , necessario il-
lic inesse corpus ; alioqui , si extensio illa
non sit corpus , eam fore nihil , atque ita
nihil fore extensum ; id autem fieri non
posse , cum nihil nulla sit extensio , mul-
læ qualitates , proprietates nullæ : unam hanc
esse ex anteceptis à pueritia falsis opinio-
nibus , quod nullam rem impedit credi-
mus , quominus vas aliquod ita vacefieri
salem , Deo possit , ut nullum in eo cor-
pus maneat , nam si vacefiat , latera vasis
illico coitura ; quippe sublato ex vase omni
corpore , sublatum iri extensionem , futu-
rumque nihil inter vasis latera ; quæ si
non coeant , possitque vas manere cavum ,
uti erat , cum necessaria sit inter ejus ca-
pacitatem , & extensionem illam genera-
lem conjunctio , mansuram quoque exten-
sionem ; atque hac manente , mansurum
quoque corpus ; nihiloque magis percipi
posse montem sine valle , quam capacita-
tem vasis , laterumque distantiam sine ex-
tensione , & extensionem hanc sine corpo-
re ; alioquin nihil fore extensionem , &
distantiam illam futuram nihil , quæ secum
manifesto pugnant ; atque hunc errorem
cum aliis temere nos à pueritia præsum-
sibile , id à Deo fieri posse ; quod longe se-
cūs est : hinc sequi porro , Mundum nul-
los habere amplitudinis suæ fines ; nam si
qui essent , ultra eos futurum vacuum , quod
esse omnino non potest ; nec idcirco ta-
men caussam se habere , cur Mundum di-
cat esse infinitum , quod de solo Deo di-
cendum sit ; sed tantum *indefinitum* ; ad id
enim

enim satis esse , quod probari vel percipi non potest ullis eum limitibus contineri ; neque se negare tamen habere eum posse limitis aliquos quos percipere nequeat ; sequi etiam , alios Mundos esse non posse praeter hunc , qui jam extat ; nec enim spatium ullum esse vacuum , in quo siti esse possint : item sequi , Mundum hunc numquam esse desitum , nisi eo desinente novum illico mundum condat Deus , ne minima quidem interposita mora ne vacuum oriatur ; nec ullum futurum futisse spatium , si nihil unquam Deus creasset : sequi denique , idem prorsus significari vocabulis , spatii , extensionis , distantiae , corporis , & materiae .

II. Adversus ea multa fuse , & non infeliciter disputata sunt à Philosophis . Horum præcipua sunt isthac ; falso censere Cartesium , id primum in corpore & cognosci & esse , quod sit extensum ; prius enim esse , habere partes à partibus separatas & divisas , quam esse extensum : confundi præterea ab eo extensionem cum re extensa ; que si distinguantur , uti par est , & uti factum nonnunquam ab eo est , inventum iri in re extensa , aliquid : in quo extensio recipiatur , eique suppositum sit : quinetiam cum corpus omne sit in aliquo loco seu spatio , si spatium omne corpus est , necesse esse corpus omne esse in corpore , quod absurdum est ; nec inficiari posse Cartesium omne corpus necessario desiderare spatium sive locum in quo sit , eoque carere haudquam posse ; quippe qui decreverit Mundum aliud , praeter eum qui nunc extat , idcirco creari non posse , quod

nullum supersit spatium , locus nullus , in quo locari possit : cum autem spatium sive locus , in quem diversa corpora possint ordinem succedere , sit immobile , nec mutetur cum corporibus , spatium sive locum differre a corpore , sive re locata ; vel si locus , in quo corpus est , dicatur mutari cum corpore , corpus non mutare locum , cum movetur , hoc est , e loco in locum transfertur ; quo quid ineptius fingi potest ? Ad haec quod ait , corpus duritie , mollitudine , calore , frigore , levitate , pondere aliisque hujusmodi carere posse ; extensione carere non posse , idem valere hoc ac si dicas , ceram figura quadrata , globosam , tereti , levi , angulata carere posse ; ut autem haec , illave figura carere potest cera , neque tamen omni figura carere potest , ita corpus hac , illave qualitate carere posse , nec tamen posse omni omnino qualitate carere ; quemadmodum corpus carere potest hac illave extensione , pedali puta , vel dodrantali , vel quadrantal ; omni omnino extensione carere non potest . Iстis graviora sunt haec , quod augustinum Eucharistiae Sacramentum doctrina ista funditus labefactat ; nam si corpus non est , quod caret triplici extensione , illic corpus Christi non est , ubi extensionem illam non obtinet . Id tam apertum , tamenque liquidum est , ut quidquid contra commenti sint Cartesiani , vel comminiscuntur posthac , nauci non esse aequorum aestimatorum judicio definitum sit . Jam si nullus alius Mundus praeter hunc nostrum esse potest , valde utique imminuitur & attondetur potentia Dei , cui non solum Mundi alterius , sed vel minimi corporis creandi facultas eripitur . Hoc efficere non potest Deus , nec efficere potest , ut ullum

cor-

corpus ab alio corpore penetretur ; quod & aperte negavit Cartesius . Id autem plerisque sacræ Fidei decretis repugnat . Imo , dicendum quoque Cartesio est , ne orbem quidem hunc ex nihilo Deum creasse ; nec eum destruere , & in nihilum solvere posse ; hoc enim si fuisset , foretve , spatium in quo est , vacuum fuisse ante , & post futurum : quod repugnare Cartesius automat . Quæ si admittuntur , admittendum quoque est , materiam esse æqualem Deo , nec ab eo pendere : quam impietatem ab Anaxagora , Pythagoreis , Platonicis , & Stoicis ortam hauserunt prisci Hæretici , Marchionistæ , Valentiniani , & Manichæi . Et mirabile sane est , adeo in angustum cogi potentiam Dei ab eo , qui efficere hunc posse decrevit , ut bis bina non sint quatuor , & res eadem simul sit & non sit .

III. Abnormia hæc vitia doctrinæ istius fere jam deprehensa sunt . Nunc id novi addam , tot monstra peperisse , non falsam modo & absurdam , sed plane puerilem Cartesii hallucinationem , quam colligit illic necessario inesse corpus , ubicumque est longitudo , latitudo , & altitudo , ex eo quod vacuum , sive nihilum , esse non posse longum , latum , & profundum , nec ulla esse possit , nihili extensio ; manifestam enim repugnantiam hoc continere ; quippe nihili nullas esse proprietates , nullas qualitates . En vero insuperabilis ille obex , cui Deum ipsum cedere necesse sit . Advertisset vero Cartesius duplicitis esse generis

F 5

qua-

III. In maximos errores Cartesium impedit ignoratio duplicitis extensionis ; quarum alia , quæ corporum est , positiva est ; alia , quæ nihili est , est negativa .

qualitates , sive proprietates , *positivas* alias , alias *negativas* ; nihili proprietates *positivas* nullas esse , *negativas* multas. Annon enim nobis dicere licet , nihilum immutabile esse , immobile esse , infectum , incorruptum , eternum esse ? nihilum nihilo simile esse ? nihilum differre à rebus creatis ? nihilum esse contrarium enti ? ex nihilo orbe à Deo esse creatum ? cæteraque quæ elegans-tissimo Poëmatio tribuit Nihilo Passeratius , vir amoenissimi ingenii ? Atqui hæc immutabilitas , hæc immobilitas , cæteraque quæ nihilo per hujusmodi locutiones tribuantur , meræ sunt negationes , nempe mutabilitatis , mobilitatis , generationis , corruptionis , finis , discrepantiae à nihilo , similitudinis cum rebus creatis , convenientiae cum ente , existentia rei ullius ante mundi creationem . Similiter cum fingimus in nihilum à Deo redigi vinum quod continetur vase aliquo , nullo alio admisso corpore in vini locum , dicendum est vacuum manere spatum , quod à vino occupabatur , ejusdemque id fore amplitudinis & extensionis , ac prius erat vinum , meritoque vacuo huic spatio extensionem tribuemus , at *negativam* ; nam cum dicamus spatum illud inane , quod intra vas est , esse pedis unius quadrati , perinde erit ut si dicerem in spatio illo pedali nullum esse corpus ; & pedalis hæc extensio vacui , sive nihili , erit negatio corporis in spatio pedalii . Huc non impedit Plato , Philosophus Cartesii valde dissimilis ; non enim inane dixit esse , sed quasi esse . Videtis quam exigui pulveris jactu , maximi motus animalium quiescant . Dignumne vero erat Philosopho , tantas res , quantas ex hoc capite fluere ostendimus , voculae unias ambiguitate decidere ?

IV. Quæna

IV. Quām frivola est autem argumentatio illa Cartesii, qua probare conatus est naturam corporis non esse in duritie possumus? Cum manus nostræ, inquit, moventur in aliquam partem, si ab ea parte corpora omnia eadē celeritate recederent, quām manus nostræ moventur, duritiam nullam sentiremus; nec idcirco tamen corpora ita recedentia corporum naturam amitterent. Quo argumento probare quoque possum, mala Tantalo impendentia, suavia non fuisse; quod cum recederent simul atque ea hic ore captaret, suavitatem eorum degustare non posset. Brevius dixisset, si manus in sinu contineamus, neutiquam sensuras duritiam corporum, ac propterea corporis naturam ex duricie non pendere. Bifariam spectatur durities, vel quatenus opponitur mollitudini, vel quatenus significatur ea, quæ à veteribus dicta est *penetrabilitas*. Ea autem vis est à natura corporibus insita, qua nullum aliud corpus admittunt intra se, suamque molem ac spatum tuentur; adeo ut ubi corpus est aliquid, illic aliud corpus esse naturaliter non possit. Id autem nihil aliud est, quām quod in scholis appellatur, *impenetrabilitas*. Audiverat Cartesius priscos quosdam Philosophos naturam corporis posuisse in hac *penetrabilitate* quām sententiam obtritum se confisus est egregio illo quod attulimus arguento; in quo primum id peccat, quod geminam hanc, quam dixi, duritiam non distinguit; deinde, quod ex manus nostrarum contactu estimandam eam censet. Ad utramlibet autem duritiam referatur contactus ille, falsissimum id esse liquet: nam tegmen ferreum equo & equiti fugienti impositum, durum esse non desinit,

etianisi eum cursu attingere, & manu contingere frustra contendam. At siue in Mundo sint hominum manus ; siue non sint, corpora omnia, etiam si molla, aqua, aer, ignis, suam duritatem siue *avritumias* semper retinent : & aurum, siue solidum, siue fusum, & que tamen impenetrabile est. Praeclarè itaque veteres illi, qui in *avritumias* constituebant naturam corporis, corpus ita definiebant (1), *ογκος αντρυπησις ουρανος επικαιρωσις*. idest, *Moles renitens*, quantum in se est. Nempe duritatem, siue *avritumias* internam ac naturaliter corporibus insitam, ex natura sua pte, non ex aliarum rerum comparatione aestimari volebant. Quod nec diffitetur Cartesius (2), cum Henrico Moro corpus esse definiti rei sensibilem, respondit hac finitio ne proprietatem aliquam corporis explicari ; non naturam integram, quæ extare potest, etiam si nulli sint homines, nec ab humanis sensibus pendet.

V. Mundum autem cum indefinitum esse dixit, latebram sibi paravit in dictionis hujus obscuritate, ad quam confugeret, cum urgenter Theologis, quos in se concitatum iri presentiebat. Id vero esse vult indefinitum, quod finitum, necne sit, ignoratur ; unde efficitur vocabulo hoc significasse Cartesium, cuiusmodi res sit, si ad nostram notitiam referatur ; non cuiusmodi suapte natura sit. Quod si indefinitum illud est ; quod ignoratur sit ne finitum, an infinitum ; ignoratur utique, an Mundus finitus sit, an in-

(1) Plutarch. *De Placit. Philosoph. Lib. I. cap. 12.*

(2) Cartes. *Epist. Tom. I. Epist. 67.*

V. Parum candide agit Cartesius, cum Mundum esse ait indefinitum.

finitus ; ac propterea ignoratur quoque pluribus Mundis locus supersit , necne. Ternere itaque affirmavit Cartesius , quod ignorabat , cum plures Mundos esse non posse dixit. Porro nihil indefinitum est suapte natura : quidquid enim est , vel finitum est , vel infinitum : si finitum , corruere omnem suam doctrinam de corpore & vacuo , cæterisque rebus naturalibus fatetur Cartesius ; si infinitum , frustra effugium quererit in indefinito , & convictus tenetur errorum omnium , quos ex perversis illis principiis oriri ostendimus. Quid quod & ex iis manifeste sequitur Mundum esse infinitum ? nam quid aliud est infinitum quam quod fine caret , nec ullius clauditur limitibus ? Optime & vere Thomas Aquinas (1) In *rebus materialibus* aliquid dicitur , *infinitum* , per privationem formalis terminacionis . At Mundum nullos amplitudinis suæ fines habere palam asseverat Cartesius ; & si negaret , secum ipse pugnaret ; quippe si corporum & materiae fines sint aliqui , ultra fines illos nulla materia est , nullum corpus ; proptereaque spatiū illic vacuum est & merum nihil , & plures in eo Mundi locari possunt ; quæ fieri non posse contendit.

CAPUT

(1) Thom. Sancz. Part. II. Ques. 86. art.
2. ad 1.

C A P U T S E X T U M A

**Expenditur Cartesii sententia
de ortu mundi hujus
aspectabilis.**

I. Exponitur Cartesii sententia de ortu triuim
elementorum, ex quibus Mundum hunc aspe-
ctabilem conflatum esse docuit: II. Et refellitur.

I. Prostratis his communentis, reliquarum
Physices Cartesianae partium, quæ his
incumbunt, ruinam sequi necesse est; ac
egregium præsertim hec inventum, quo
Mundi hujus aspectabilis ortum descripsit,
ex materia videlicet, ab initio partibus mi-
nutis & sequalibus conflata, quarum una-
quaque circa centrum suum sigillatim; plu-
res vero conjunctim circa communia que-
dam centra in morem vorticum volveren-
tur. Ex harum particularum ita commuta-
rum confitu & attritu decisæ fuisse vult-
ramenta quædam; atque has particulas ca-
stigatis angulis omnibus, omnique exten-
tia decussa, tornata fuisse in globulos ab-
rasa vero præsegnina cum agitarentur ce-
ferrinie, & ad explenda globulorum inter-
valla assidue comminuerentur, summa-
depta esse tenuitatem, ac continuato sub-
inde motu tenuiora magis, magisque esse
facta, neque ullum esse molituræ hujus ac-
triturae modum; nec globulos quidem ip-
sos

I. Exponitur Cartesii sententia de ortu triuim
elementorum, ex quibus Mundum hunc aspe-
ctabilem conflatum esse docuit;

fos in perpetua hac agitatione aduersus mutuos incursus molem suam integritatemque tueri, sed comminui in dies; cæterum cum non eadem esset ramentorum omnium sive micarum (uti atomi Epicureæ appellantur à Seneca) ex globulis cadentium subtilitas, crassiora simul connexa & implicata varias moles concinnasse; tribus porro his elementis omnem aspectabilis hujus Mundi ortum contineri, ex decussis enim partculis, quas materiam subtilem, sive primum elementum appellat, Solem ac stellas extitisse; cœlum ex globulis, quos secundum vocat elementum; ex crassiorum primi elementi partium complexione, quo tertium constat elementum, Terram, Planetas, & Cometas prodisse. Hæc, inquam, miracula, non differentis Philosophi, sed somniantis; non docentis, sed optantis, unice, incumbunt Cartesiano decreto de plenitudine rerum, quæ nullam admittat vacuitatem. Nam si spatum ullum posset esse vacuum; nihil attineret configere immensam illam primi elementi tenuitatem ad explenda intervalla globolorum, perpetuamque illam trituram, nullis unquam, neque tentitatis, neque temporis finibus terminandam. Atque hanc se habuisse causam istorum communisendi fatetur Cartesius; quod vacuum esse quidquam repugnet.

II. Verum cum vanum esse demonstraverim argumentum, quo impulsus asseveravit Cartesius nihil esse posse vacuum, frivolum quoque esse consequarium est, & absconam, quam inde commentus est, rerum progenerationem. Sed & aliis insuper, ac gravissimis laborat incommodis imaginis.

II. *Et refellatur.*

rius ille trium elementorum ortus . Taceo
 vulgatum illud , cui numquam satis soli-
 de occursum est à Cartesianis ; quod ex per-
 petua corpusculorum concusione , & rāmen-
 torum decussu , augeri in dies necesse sit
 primum elementum , minui vero tandem-
 que deleri secundum . Quibus par quipiam
 in suprema rerum conflagratione eventu-
 rum docebant Stoici ; futurum videlicet ,
 ut Sol Lunam , cæteraque astra , sibi similia
 efficiat , in seque convertat . Nam quod re-
 spondet Cartesius , ex primo elemento gi-
 gni tertium , atque ita actum primi elemen-
 ti coerceri minime , id quidem secundi in-
 teritum sifit : nisi rufsum ex primo & ter-
 tio renasci dicat secundum ; quod nec dixi-
 se tamen usquam Cartesium reperio ; & si
 dicere audeat ullus Cartesianorum , rufum
 tollent coronæ Philosophorum ; perinde
 enim id erit , ut si ex scobe dicat scobinam
 fieri . Deinde cum negaverit Cartesius (1)
 coagmentationem ramentorum primi ele-
 menti , unde oritur tertium ; vel ullum de-
 nique corpus , assequi posse soliditatem glo-
 bulorum secundi elementi , manifestum est
 tertium elementum in secundi naturam non
 posse traduci . Quod longe minus dici potest
 de primo elemento : cum ex continua tri-
 tura tam subtile , tamque fluidum evaserit ,
 & in dies evadere perget , ut longe desci-
 scat à soliditate secundi ; etsi quid in eo
 firmum , solidumque sit , statim transeat
 in tertium . Taceo & mirificam illam sub-
 tilitatem primi elementi , quod ad singulos
 corporum motus friari necesse est in partes
 infinitas , ut ad omnes corporum anfra-
 tus .

(1) Cartes. Princip. Part. 3. §. 113. Part. 3.
 §. 8.

itus , angustias , & flexus celeriter frag-
menta sua accomodet : quod est hujus-
modi ut à mente nostra percipi non posse
fateatur . Cartesius , sed pro certo tamen
haberi juheat , ut pote ex suis principiis
aperte deductum : cum potius principia hæc
retractare debuisse & revocare in dubium ,
ut pote ex quibus id sequeretur , quod ani-
mo comprehendi non posset : præsertim cuni-
cavendum sæpe sanxisset , ne iis præberetur
affensus , quorum clara & distincta non ha-
beretur perceptio . Taceo hæc , inquam : in
hoc conquiescam argumento , quod soler-
ter excogitavit acutissimus Anglus , Hen-
ricus Morus , quem malleum Cartesiano-
rum merito appelles : ad id enim , ve-
lut ad fatalem quemdam scopulum , allisa
hæc trium elementorum compages ; totius-
que aspectabilis orbis coagmentatio , dis-
tur-
batur prorsus & concidit . Ponamus , in-
quit (1) particulas illas minutas & æqua-
les , quibus primo constitisse universitatem
rerum finxit Cartesius , fuisse quadrantalia
sive cubos , qui & ad figuram globosam
accedunt , & omnem vacuitatem possunt
explere ; si ex eorum agitatione , decisis
undique extantibus angulis fiant globi ,
fragmentorum illorum omnium copia eam
habebit ad globulos omnes rationem , quam
decem ad undecim ; cum cubus ad globum
inscriptum eam habeat rationem quam
unum & viginti ad undecim . Jam si tem-
poris progressu , & motus continuatione
major segmentum copia in dies ex globulis
delibetur , brevi ita augebitur , ut jam om-
nem globorum molem æquet . His posi-
tis , si media pars ramentorum sive mate-
riae

(1) *Henr. Mor. Enchir. Metaphys. cap. 16.*

rie subtilis explendis globulorum sive secundi elementi intervallis delegetur, altera pars supererit, unde Solis globus conlectur. Ergo cum globuli, sive secundum elementum, & ex iis decussa ramenta omnem vorticis hujus Solaris, in quo sumus, universitatem ex aequo expleant, Sol vero dimidium habeat ramentorum illorum; quartam partem vorticis hujus obtinebit Sol, eamque ad illum habebit rationem, quam unum ad quatuor; ac propterea Solis diametros major erit reliqua parte diametri vorticis. Hoc si sit, Terra, ceterique adeo Planetæ, Solis globo erunt immersi. Hæc tam firmis nituntur rationibus, ut omnem exceptionis ansam præcidant, & continentiam hanc trium elementorum, ac universi orbis constructionem, quam non immerito *Fabulam Mundi sui* appellat alicubi Cartesius (1), funditus pessimum dent. Scio equidem excogitari posse corpora alterius figuræ, quæ propius accedat ad globosam quam quadratalem, & omnem vacuitatem possit explere, puta Prisma sexangulum, cuius altitudo sit æqualis diagonalis lineæ basis sexangulæ; ac minus propterea ex iis detritum iri ramentorum, ut in globos rotundentur. Vel ita tamen ea prodibit inde materiæ subtilis copia, ut Solem ex ea nasci necesse sit, cuius dimidia Diametros, sive radius supereret Solis & Terræ distantiam.

CA-

(r) *Cartes. Epist. Tom. 2. Epist. 103.*

CAPUT SEPTIMUM.

Expenditur Cartesii sententia de causa gravitatis corporum terrestrium.

I. Exponitur Cartesii sententia de causa gravitatis corporum terrestrium. II. Et refellitur.

LN I hilo felicior fuit Cartesius in affliganda causa gravitatis corporum terrestrium, quam confert in motum globorum secundi elementi; qui cum à vortice, in quo sunt, circumagantur in orbem, motu hoc tendere illos necesse esse ait ad extimum vorticeis ambitum secundum lineas rectas; atque idcirco si quæ terrestria corpora occurrant, cum tanta in iis non infat ad fugiendum centrum & extima petenda propensio, de loco suo decedunt, urgentibus globulis, & ab his ad alta contenditibus retruduntur ad inferiora; atque eo magis, quo plus habent materiae terrestris, minusque caelestis. Id ut commodius explicet, utitur exemplo ingentis aliquius vasis aqua pleni; quæ aqua si in orbem vertatur, & minutæ aliquæ injiciantur ligni particulæ, confluent illæ statim ad centrum, & suspensæ in medio aquæ vortice natabunt, uti medium vorticis sui innat terra.

II. Hæc quantumvis bolle & ad speciem
ve-

I. Exponitur Cartesii sententia de causa gravitatis corporum terrestrium.

II. Et refellitur.

veritatis composita, fidem tamen non obtinebunt à cordatis Philosophis, si observaverint aquam hanc in vase circumactam, ferri circa axem motus hujus, & injectas in eam particulas ad axem illum tendere, & quidem unamquamque particulam ad id axis punctum, in quo secatur axis ab area plana vertiginis particulae hujus: non vero tendere ad centrum vasis. Nam si aquâ impletatur vas aliquod in cylindri formam excavatum, & aqua in orbem agatur, tum in eam injiciantur particulae aliquæ lignæ & lapideæ; conspicientur illi-
co particulae lignæ ad supremam axis par-
tem confluere, lapideæ ad infinitam; neutræ
vero ferri ad centrum cylindri. Nempe
singulæ petent centrum areæ planæ in qua
moventur; ac proinde cum in suprema
parte aquæ ligna, in inferiores lapides
circumagantur, centra utriusque vertigi-
nis in variis erunt axis partibus, in iis
nempe punctis, in quibus areæ vertiginis
utriusque axem fecabunt. Hinc sequitur,
corpora terrestria à globulis materiæ cole-
stis depresso iri, non versus terræ cen-
trum, sed versa centra vertiginum sua-
rum; nempe unumquodque versus centrum
vertiginis globulorum à quibus deprimitur;
hoc est, versus punctum illud axis terræ
in quo secatur axis ab area vertiginis hu-
jus: unde fiet, ut ea sola corpora terre-
stria quæ sunt sub æquinoctiali, cadant in
terræ ad perpendiculari, sive ad rectos
angulos; reliqua vero ferantur quidem ad
perpendiculari versus axem terræ, at obli-
que versus terræ superficiem; & obliquius,
quo obliquior erit illis sphæra & sub Po-
lis denique corpora in terram omnino non
cadant. Quæ cum falsa esse experientia te-
stis nos quibus Sphæra obliqua est doceat,
& cor.

& corpora omnia terrestria, in quacunque Sphæræ positura sita sint, ferantur in terram ad perpendiculum, ac centrum propterea terræ manifesto petant, caussam gravitatis terræ, quam attulit Cartesius, plane falsam esse dicendum est. Inde adeo Anaximander, & Leucippus Eleates, qui ex hujusmodi vertigine concretam esse terram crediderunt, non globoſam illam, sed τύμπανοειδῆ, sive cylindraceam esse dixerunt: terramque ipsam veteres Cylindri figura adumbrarunt, ut à Porphyrio (1) traditum extat. Plura persequeret; sed facile intelligitur quam promptus eis in minutis & confectariis fuerit lapsus, qui in præcipuis tam ſæpe corruit.



CAG

(1) *Porphyri apud Eusebi. Prep. lib.3. cap.7.*

CAPUT OCTAVUM.

Expenditur generatim Cartesiana
Philosophia.

I. Laus Cartesiana Philosophiae. II. Cur sumum etati huic placuit. III. Notantur Cartesiana Philosophiae labes. 1. Inconstans est. 2. Fragmentis nititur. 3. Effectibus causas non necessarias, causas effectus non necessario assignat. 4. Officit Fidei. 5. Virtus utitur ratione philosophandi. IV. Cartesii virtutes. V. Censorium judicium de Cartesii scriptioribus. VI. Cartesii vicia. VII. Insigne hoc Cartesii vitium, quod novitatis nimium fuit studiosus; ac propter eius formulare affectavit inscitiam, quam ejus affectio vere retinuerunt. VIII. Eius nihil fere attulit novi. IX. Laus Aristotelis. X. Vulgares sunt Cartesiane Moralis regulae Epilogus.

I. **N**unc ergo novitiae hujus Philosophiae naturam circumspiciamus atque indolem. Fronte quidem ipsa eximiam de se spem facit: praeclaros habet ad veritatem aditus; radices errorum arteceptas vide- licet opiniones evellit; & velut in purga- to ad ædificandum solo, in confessis & omnium assensu comprobatis principiis fun- damenta locat. Principia haec pauca, clara, simplicia. Depromtas deinceps ex iis speciosus ille doctrinæ contextus. Pressa & compacta rerum inter se aptarum & co- hærentium commissura. Ad naturæ leges, ad experientiæ magistræ testificationem, ad normam machinalis scientiæ, si fastionis

huc-

I. Laus Cartesiana Philosophiae.

hujus patronis credimus ; exacta accurate omnia. Magna ubique similitudo veri. Nihil intricatum , nihil obscurum , nihil superfluum . Dilucida paixim , & plane philosophia brevitas .

II. Quamobrem minime miror disciplinam hanc tantis plausibus , tanta approbatione vulgo fuisse exceptam ; ab iis præfertim , qui olim in Scholis , dum pueri essent , Peripateticis velitationibus utcunque exercitati , at reliquæ omnis priscæ Philosophiæ , veterumque sedaruin planis inscii delegati sunt hac novitate doctrinæ ; non senticosæ , non hispidæ , non perplexæ : & quam Aristotelica parum sibi perspecta probabiliorem & similiorem veri judicabant , cæteris quoque disciplinis , quas Aristotelica etiam putabant esse inferiores , anteponere non dubitarunt . Postquam enim Arabes , florentibus olim rebus suis , cum extinta per orbem prope jacerent bonarum literarum studia , aliquos Aristotelis codices nocti , in suam converterunt linguam , & ut omnis Philosophia ignari adhuc erant , traditani his libris doctrinam avide arripiuerunt , & per totum porro Occidentem disseminarunt ; ita primum nostris hominibus placita est Peripatetica hæc doctrina , ut non alia deinceps inibui se patisi sint ad hanc ætatem . Sed lapsu demum temporis , uti fit , sectæ hujus tricas pertæsi , ad eamque quasi naufragantes , quæ primæ in hoc fastidio objectæ sunt ipsis offæ Cartesii , tam jucunde ipsis sapere visæ sunt , ut iis sese ingurgitaverint largiter , omninoque aliam ingenii passionem respuerint . Hos alii , nihil nisi alienis oculis spectare so-

II. Cur tantum acri baic placuit .

soliti, pecudum ritu secuti sunt. Quidam acutiores, at parum candidi partium, studio ducti, Cartesianos se professi sunt; non quod doctrinam hanc probarent, sed quod eam probare videri, conducibile sibi putarent. At sagacioribus viris, & longo Philosophiae usu subactis, & animum ab affectionum temeritate cohibentibus, non minores sectae hujus, quam cæterarum, ac fortasse maiores etiam labes deprehensæ sunt, totaque vacillare ac intirmis niti radicibus visa est.

III. 1. Agnovisti enim neutiquam obsecutum esse Cartesium positis à se philosophandi legibus, & à tradito in exorsu dubitandi præcepto statim discessisse, plurimaque admisisse, non dubitatione solum, sed repudiatione etiam digna. Quasi cunctatione hac præmuniret confidentiam suam; ac discipulos suos de cæterorum Philosophorum opinionibus dubitare, soli sibi fine dubitatione assentiri vellet. Ex hac porro principiorum inconstantia magnam doctrinæ totius mutabilitatem consequi necesse fuit. Quædam enim probabilia juxta positam ab eo dubitandi legem rejecta videoas: quædam valde incerta, quasi pro imperio dictata & sancta. Plurima hujusmodi audiisti ex me, & jam ab aliis notata sunt. Atque hoc sane primum doctrinæ hujus vitium est.

2. Alterum hoc, quod ex male perspecta mentis humanæ natura, figuris ejus solidi aliquid subesse censuit, iisque tanquam certissimo instrumento usus est ad solvendas

III. Notantur Cartesiana Philosophiae labes.

(1) Inconstans est.

(2) Figmentis nititur.

vendas difficultissimas Philosophiae quæstiones ; ut si quis ex motu nubium cursus cœli astrorumque metari velit. Hinc factum ut aberraret , cum in multis aliis , tum maxime in inquisitione Criterii (qua norma qui caret , frustra is aspirat ad cognitionem veritatis) & in demonstranda *existentia* Dei , unde opinionibus suis plerisque fidem facere conatus est . Atque universam hanc Philosophiam labes hæc pervagatur ; ut si fanaticam dicas , non valde alieno eam nomine signes .

3. Minime vero probare possum , quod caussas naturales investigans , in iis acquiescit , unde res oriri potuisse fingit ; cum has solum admittere debuerit , unde res necessario ortæ sunt . Nam si vel aliam causam habere potest hic effectus , vel alium effectum habere potest causa isthæc , hunc ex illa arcessere , divinare est . Nihil quippe in natura fit fortuito : sed quotiescumque concurrunt caussæ omnes ad efficiendum aliquid necessariæ , non potest id non effici . Quicunque igitur effectus ex causis aliquibus oriri potest , ex iis necessario oriatur ; & ex quibus potest oriri , ex iis necessarium est non oriri . Geminas vero rei ejusdem aut incertas causas proponere , id omnino est micare in tenebris . Praclare Sextus Empiricus (1) : si ex eo solum , inquit , quod verum est , oriatur verum , veritate effectum cognita causarum quoque unde oriuntur constans esset veritas : at cum ex falso , perinde ut ex vero , oriatur verum , etiamsi veri sint effectus , ne-

G cesse

3. Effectibus causas non necessarias , causis effectus non necessarios assignat .

(1) *Sext. Empir. adv. Matrem. libr.7.*

esse non est veras esse causas , unde ar-
cessuntur . Hoc est , cum unius effectus plu-
res proponuntur vel proponi possunt cau-
sa , plures falsas esse necesse est , cum uni-
ca tantum vera sit . Hinc aestimare licet
totum illud textum Physicæ Cartesianæ ;
etiamque enim concederemus ex iis quæ po-
suit principiis res omnes corporeas , mun-
dumque universum nasci potuisse , quod
falsum tamen esse satis probavimus , non
inde sequeretur mundum ex his principiis
natum esse . Imo vero ex causis plane di-
versis nasci potuisse non diffitetur Carte-
sius : nam ex Chao ipso eundem rerum
ordinem per leges naturæ deduci posse ait ,
atque eum qui nunc est , idque olim se-
sciepsisse explicandum . Quam ineptus ve-
ro ille sit & ridiculus , qui sedens ad Lu-
tetiae portam , profiteatur de dictum unde
viatores omnes illuc adventantes sint
profecti , & hunc Lugduno , illum Divi-
one dicat esse prosectorum ; quia hic Lugdu-
no , ille Divione proficiisci potuit ? Ut au-
tem ex aliis causis Mundus hic noster na-
sci potuit , ita ex iisdem causis , quas fini-
xit Cartesius , nasci potuit Mundus alter
ab hoc nostro plane diversus . Quid veri-
autem , quid commodi , percipi potest ex
hujusmodi commento , in quo incertæ sunt
causæ & incerti effectus ? At , inquiunt , si
minus id certum & utile , at laudabile pro-
fecto est , & ab Aristotele , & Epicuro ,
& aliis probatum & factitatum : præsertim
si ad pauca principia & valde simplicia
tanta effectuum varietas reducatur , quod à
Cartesio præstitum est . Magnum profecto
id videtur , & vulgo placuisse minime mi-
ror : verum si attentius spestemus princi-
pia Cartesi , quam specie simplicia , tam
inultiplicia effectu comperiemus . Nam con-
tinua

tinua illa tritura partium , quæ quantumvis comminutæ magis magisque tenuari , ac propterea novas semper figuræ induere possunt , ingens illa primi elementi subtilitas & mobilitas , variae illæ tertii elementi coagmentationes & moles , tum & corpusculorum terrestrium varietas , feracissima seges est ad quidvis comminiscendum : ut Cartesio tam facile fuerit imaginarium quemcunque Mundum inde proculdere , quam huncce nostrum . Id autem Aristotelî aut Epicuro nequaquam possis objicere : nam cum hic certas figuræ & immutabiles , certumque figurarum numerum individuis suis corpusculis adscriperit ; ille vero ad certas formas & definitas retulerit rerum omnium ortum atque statum , certi inde effectus & definiti jure elici potuerunt . Quæsi- veris à Cartesio , quî factum sit , ut Saturni orbem Annulus ingens orbiculato circumjectu , nusquam coherentे , amplectatur , caussas illico ex innenso suo caussarum penu tam inusitati effectus deponet . At caussæ illæ erunt hujusmodi , ut ex iis Annulos ita circa reliquos Planetas , ipsamque terram , pari modo , parique jure architectari possis . Scitum vero est Philosophorum , quæ nimia probant , nihil probare . Atqui si ea posuisset principia , ex quibus Saturnum Annulo circumdatum esse collegisset , antequam id pro singulari sua solertia deprehendisset Hugenius , eadem magnam veri similitudinem præ se ferrent . Tantum autem abest , ut ex principiis suis hunc Annulum cognoverit , ut eum duos esse planetas cum vulgo crediderit ; caussasque attulisse se verillimas arbitratus sit , car imaginarii hi Planetæ circa Saturnum tardissime moverentur . O egregium Philosophum , qui ex iisdem principiis

piis veri atque falsi causas deponit ; qui ad omnia abutitur figmentorum suorum licentia , & infinita materiae mutabilitate & concretione , ex eaque efficit quodecumque in solum venit ; nec tam in configendis & contexendis rerum causis quid verum , quam quid causae suae sit commodum spectat . Et quod miremur , postquam res Cartesio heliae visae sunt procedere , qui origines illas primo commentitias , sicuti erant , haberi jusserat , progressu rerum factus audacior , eas jam pro veris haberi , nec minus iis fidei quam Geometrarum Epicherematis tribui vult , & nullum alium earum explicandi modum posse reperiri .

4. At capitale hoc est , quod à plerisque Christianæ Religionis decretis aliena est hæc Philosophia , et si magnum præ se fecerit studium pietatis . Propositis enim à Deo ad credendum dogmatis mentem , uti debuit , decrevit esse submittendam . Verum vir ille modestus atque pius sanctam hanc legem nefariis adstrinxit conditionibus , & opinionum suarum veritatem , cum veritate dogmatum Fidei ausus est componere , & utraque asseveravit necessario inter se convenire , tamque certa esse atque perspicua quæ in Philosophia à se disputata sunt , ut Theologiæ contraria esse non possint ; nisi Theologia rationis lumini repugnet ; cumque veritas veritati non possit esse adversaria , impiū fore quisquis vereatur ne Philosophiæ suæ dogmata à dogmatis Fidei dissentiant . Immanem scilicet impietatem , puram & sanctam Cartesii doctrinam vel levius suspicione violasse . Quasi par sit opinio- nium ipsius , & decretorum Fidei veritas ; tam-

4. Officium Fidei .

tamque hæc ad illa liceat exigere , quæm
illas ex his spætare : quasi & par sit pietas
assentiri utrisque , par impietas dissentire .
In quo tam perverse ratiocinatur , tam in-
epte se amat , tam arroganter de rationis
suæ figmentis ; tam demisse contra de Fidei
decretis sentit , ut idcirco quod opinio-
nes suas certas esse putet , inde sine dubio
colligat Fidei non repugnare ; cum contra
idcirco quod Fidei repugnant , falsas esse
colligere debuerit . Ergo cum pleraque ra-
tioni adversari docuisset , secumque pugna-
re , quæ tamen definiat Fides esse verissi-
ma ; atque his commentis imminutam vi-
deret à se Dei potentiam , satis tamen di-
vinæ Majestatis integritati consuluisse fe-
ratus est , si diceret Deum ea etiam facere
posse , quæ fieri non posse , secumque ip-
sa pugnare ratio judicasset ; quippe non ex
natura sua , sed ex Dei voluntate pugna-
re . Quanto satius fuisset dicere , cum Fi-
des doceat Mundum esse à Deo ex nihilo
conditum , verum esse ex nihilo aliquid
fieri posse , neque id secum pugnare ? Ita
rationem , uti decebat , exegisset ad regu-
lam Fidei ; non Fidem rationis suæ immo-
deratione laessisset : ita Dei potentiam , ad
ea non pertinentem quæ natura sua pu-
gnant , falsæ suæ rationi nimium obsecu-
tus æquo strictius non accidisset & coarctas-
set ; iis conclusis in numerum rerum natu-
ra sua repugnantium , quæ nullo modo re-
pugnant : nequo rursum , quasi rationis pra-
vitatem alia pravitate emendaturus , eam-
dem Dei potentiam , præter legitimæ re-
ctaæque rationis metas produxisset . Deum
enim ea etiam putat posse efficere , quæ
rationi adversantur : velut ut bis bina non
sint quatuor , & ut tres anguli unius trian-
guli non sint æquales duobus rectis . Vere
enim

enim pieque dici potest mysteria Fidei superare captum humanae mentis; non item, rationi repugnare. Etsi hoc ipsum dicere visi sunt Patres nonnulli, Ambrosius puta & Augustinus: qui si recte intelligantur, hoc tantum sensisse eos videas, Deum res aliquas facere posse præter ordinem vimque naturæ, quæ mens humana non capiat, & miretur. Quo sensu Scriptores sacri dixerunt (1), Non esse impossibile apud Deum omnem verbum; res nempe eas, quæ natura non patitur, neque fert humana potentia, juxta ihud (2): Quæ impossibilia sunt apud homines, possibilia sunt apud Deum. Minime autem retinet potentia ista Dei ad eas res, quæ secum ipsæ & cum ratione pugnant: Nihil unquam, inquit Cartesius (3), à Deo fieri non posse judicavi, nisi propter hoc quod illud à me distincte percipi repugnabar. En certam & inconcussam normam veritatis & Fidei, mentem Cartesii. Nec jam quæro quam belle ista consentiant cum ejusdem sententia de mutabilitate veritatis axiomatum & essentiarum, quam ex Dei arbitrio pendere vult. Nam si Deus efficere potest, ut totum non sit majus sua parte, vel ut bis bina non sint quatuor; hæc utique distincte percepit Cartesius; vel si ista distincte non percepit, à Deo neutiquam fieri possunt. At longe aliter Lateranensis Synodus (4): Cum verum vero minime contradicat, omnem assertiōnem veritati illuminatæ Fidei contrariam, omnino falsam definit. Ex hoc principio, Verum vero adversari non posse, merito

col-

(1) Euc. I. 17.

(2) Euc. 18. 27.

(3) Cartes. Medit. 6.

(4) Synod. Later. sess. 3.

colligit Synodus , falsum esse quidquid ratio Fidei contrarium proferat : contra vero Cartesius colligit ex eodem principio , Fidei contrarium esse non posse quod ratio sua probavit , ut pote quod verum sit . At res ipsa Cartesium coarguit : nam rationi suæ morigeratus credidit tam verum esse ex nihilo nihil fieri posse , quam verum est totum esse majus sua parte : quod cum Fidei repugnet , falsum esse jure colligitur , juxta Synodi præscriptum : cum Cartesius contra , propterea quod verum id esse temere credidit , Fidei non repugnare falso quoque crediderit . Nec dictatore suo modestiores fuerunt Cartesiani ; qui cum solidi legitimum rationis usum ad veri perceptionem reperisse sibi visi sint , nihilo eam Fidei inferiorem posuerunt . Nam præter Henricum Regium , quidam , quorum libri versantur omnium manibus , eo processerunt audaciæ , ut conceptis verbis pronuntiatio non dubitaverint , animum æque submittendum esse fidei & evidentiæ ; tam validis argumentis oppugnari posse Fidei Christianæ deicta , & Trinitatis præcipue mysterium , ut salva ratione solvi non possint ; Libros facros , non hujus temporis Theologis , sed Judæis fuisse scriptos : quo quid impium magis dici potest ? id enim si admittimus , exolevit omnis sanctiorum Volumen auctoritas , nec jam iis continentur doctrinæ & morum regula (1) , nec ea scripta sunt ad correctionem nostram , in quorū fines seculorum devenerunt . Passim iidem res Fidei expendunt ad libram rationis , & in causas decretorum Dei inquirunt . Alii ex eodem grege asseverant , quidquid de infi-

(1) I. Cor. 10. II.

orum suppliciis , ignibus , tenebris Christus ad plebem différuit , figurās fuisse sermonis , ad incutiendum horrorem compositas , & ex iis rēbus petitas , quæ valde formidolosæ essent . Temerarios appellant , qui scire volunt , possitne Deus rem quampiam in nihilum redigere ; simplices , qui ad Dei providentiam & gratiam res naturales referunt . Nonnulli etiam ex iisdem congerronibus Cartesii , nihil usi circuitione , aperte dixerunt Fidei decreta , per aliam viam quam per verisimilitudinem ad nos non pervenire . Et fuit in his qui scriberet , ideam materiæ à creatione non pendere , & nihil creari posse . En quo ratio Fidei legibus soluta , suæque cæcitatis immemor , infelices Philosophos perduxit ; ac eos præcipue , qui confidenter & temere rebus assensum suum & asseverationem præstant : longe minus enim ab iis periculum est , qui assensiones prudenter cohiberi volunt . Mānavit ex eōdēm temeritatis fonte , quod alicubi excidit Cartesio , laeditatē Fidei , si confirmandis ejus decretis , quæ argumentis naturalibus demonstrari non possint , probabilita tantum & humana adhibeantur . In quo sibi palam blanditur homo nimium amator sui : nam quæ ab ipso allata sunt ad probandam ex istentiam Dei , & distinctionem corporis & animæ , pro demonstrationibus naturalibus haberi vult , cætera aspernatur . Quasi hæc ipsius argumenta , quæ naturalia appellat , certiora sint probabilitibus & humanis argumentis : quasi valde incerta non sint : quasi non sint manifesto falsa . Porro si argumentis probabilitibus & humanis laeditur Fides , noxia quoque eis est omissis fere rationis suffragatio . Noxiæ ergo sunt similitudines , noxiæ comparationes , noxiæ rationes ad removenda

im-

impedimenta Fidei usurpari solitæ , noxia
motiva credibilitatis , quibus referri sunt Pa-
trum libri , quibus circumsonant Theolo-
gorum Scholæ , & suggesta Concionatorum .
At Fides , et si cum iis orbata est , retinet
naturam , integratatemque suam , magno ta-
men caret decore & præsidio : ut si à Re-
ge satellites comitatumque renoveris , non
detraxeris regium jus atque nomen , ma-
gnum tamen regiæ majestatis ornementum
subsidiumque abstuleris . Nihilo magis ferri
id potest quod differuit Cartesius (1) super
illo præcepto Christi , quo jubemur bene-
ficia malefactis rependere ; caussam nempe
præcepti illius hanc esse , ut natura homi-
num in vindictam prona , dum in con-
trariam trahitur partem , facilius ad æqua-
nimitatem , & bonitatem flectatur ; quemadmodum
incurvum bacillum si quis velit
corrigere , in oppositam partem contorquet .
Quasi bonitas illa & beneficentia in male-
ficos & inimicos , non per se & propter
se expetenda sit , sed tantum ne in exigen-
da vindicta justitiae modum transgredia-
mum : cum nobiliorem sanctioremque præ-
cepti caussam proposuerit Christus (2) : Ut
*h̄t̄is filii Patris vestri , qui in cœlis est , qui so-
lem suam eriri facit super bones & malos , &
pluit super justos & injustos .*

Præterea mentem sensim ad impietatem
inclinat machinalis hæc Philosophia , quam
pròpterea eruditò opere acute nuper & sub-
tiliter oppugnavit Parkerus . Quamvis enim
utilis sit ad explicandas rerum corporear-
rum caussas , ac in multis quoque verisimi-
lis , certis tamen finibus coercenda est .

G 5 Quod

(1) Cartes. Epist. Tom. 2. Epist. 105.

(2) Mat. 5. 45. 48. Luc. 6. 35.

Quod cum facere nesciverint Cartesii pedissequi , eo tandem progreffi sunt , ut res etiam materiæ & corporis expertes , velut peccatum & gratiam Dei , ad machinales leges revocare auderent : quæ manifesta est & exitialis sinceræ Religionis corruptela . Merito sane Porphirium castigavit Jamblichus (1) ille , quem Proclus divinum , ducemque suum appellat , quod omnia Ægyptiorum placita ad naturæ leges exigeret ; cum sublimiores sint causæ , & plura principia rerum , quam naturalia . Nec id leve eit , quod fines molitionis rerum Cartesius vetat inquireti: id enim nisi rite fiat , certis Philosophia niti non poterit vestigiis , nec tutta via ad veritatem graſſari , sed incerta vagabitur . Ut enim si quis arborem humi afflictam videat , & ex materialio sciat cœſanu fuisse ad conſtruendam domum , certius conjiciet quas in partes deinceps ſecondaria ſit , quæ ipſi tribuenda figura , quæ politio , quibus instrumentis ; quam si ignoret penitus , quo caſu ſit dejecta , & an lintri vel currui compingendo , an igni defluita ſit : ita qui ſciet , Mundum à Deo ante annos aliquot , ad gloriam ipſius , ex nihilo eſſe conditum ; universum ab eo , & singulas illius partes regi ; deſitum aliquando ; hominem in eo pofitum hac fine , ut Deam agnoscat , amet , & tam extimii operis admiratione excitatus , totum ſe ad ejus cultum convertat ; tum ſane longe certiora de Mundi origine , fabrica , regmine , interiu cognoverit ; quam si diuinæ & humanae conditionis nescius , nec aliis ſubſidiis , quam ingenii ſui tenuitate ſubnixus , tantarum , tamque abſtrusarum

re-

(1) *Jamblich. De myst. Egyp. ſati. 8. cap. 5.*

rerum principia , usus , & diurnitatem proprio marte configat . Hic enim cum cognoverit Deum , non sicut Deum glorificat , aut gratias agit , sed evanescit in cogitationibus suis , & obscuratur insipiens cor ejus : juxta denunciationem Apostoli (1). Verissime quippe dictum est à Proclo (2) , Qui ignorat causam finalē , eum ignorare omnem causam . Meritoque Anaxagorām reprehendit Plato , quod nimis addictus rimandis naturalibus caūsis , corporumque affectionibus consecrandis , præstantissimas omnium caūsas , propter quid , & à quo , hoc est , ut Dialectici loquuntur , finalē , & efficientē , quæ potiora principia sunt , om̄ serit . Hęc Plutarchus (3) , à quo p̄eclare admodum atque vere notatum est , cum rerum omnium ortus duæ sint causæ , suprema vide- licet , quæ Deus est ; proxima , quæ natu- ra ; antiquos Theologię Græcanicę doctores & Poëtas primam ēaque nobilitatem , agno- viisse & celebrasse ; postremam ignorasse : Phy- sicos contra , qui primi in eadem gente fuerūt repertores Philosophiæ , diverso à primis il- lis instituto in una natura hæsiſſe , & in corporum motibus , plagiis , mutationibus , mixtionibus , & affectionibus , rerum om̄ nium caūsam posuisse ; atque ita imperfe- ctam fuisse utrorumque rationem , cum Phyſici caūsam efficientē & finalē p̄ter- miterint , Theologi materialē & formālē ; unum hunc egregie esse philosophatum , qui & has & illas caūsas complexus sit . Ea nunc p̄tereo , quæ ſupra jam attigi , quod totam hominis naturam in eo posue-

G 6

rit

(1) Rōne. 10. 21.

(2) Procl. in Alcibiad. I.

(3) Plutarch. De eracul. defens.

156 Censura Philosophiae

rit Cartesius quod cogitat ; quod fer do-
cetinam ejus de corpore & vacuo violatur
Sacrosanctum EUCARISTIÆ Sacramen-
tum ; quod tam in arctum cogatur Dei po-
tentia , ut nullum omnino corpus possit ,
vel creatum redigere in nihilum , vel ex
nihilo creare ; vel efficere ut corpus aliud
ab alio penetretur ; & quod materia deni-
que æqualis Deo , suique juris , ac Mun-
dus infinitus esse fingatur .

5. Ac tam absurdis commentis uti si-
dem querant factionis hujus participes ,
adversarias sibi sententias , *Præjudiciorum* ,
hoc est , anteceptarum temere ac sine ra-
tione opinionum titulo infamare solent ;
tum præsertim cum rationibus carent ipsi
& argumentis . *Præjudicium* est , inquiunt ,
credere in bestiis inesse facultatem cogno-
scendi , & aliud quidquam esse eas , quam
automata . *Præjudicium* est ab infantia su-
ceptum , credere vas à Deo vacefieri pos-
se , nullo alio corpore succedente . *Præjudi-
cium* est , credere infantes matrum uteris
inclusos nihil cogitare . Ita adversus *Præ-
judicia* pugnant Paradoxis ; quibus non ex-
quisitis rationibus , sed Pythagorico super-
cilio vim addunt , saepe & adversarios con-
tumeliis , convitiisque submovent , solos se
sapere volunt , solos se mentem abdicere
à sensibus , & silentium imponere affecti-
bus corporis , solos se attentos esse ; qui si-
bi contradicant , animo esse omisso , vago ,
alienato ; vel carni immersos obbrutuisse .
Quæ cum dixerunt , quasi egregie jam piæ-
munita ad quidvis audendum via , gra-
fantur deinde ad Philosophiam & Theolo-
giam , intruduntque in eas visa sua &
soni .

¶. Vitiosa vitetur ratione philosophandi .

somnia. Et nisi provida magistratum diligentia tam effræni & projectæ licentiae ivisset obviam, colum terræ miscuissent. Vitiosum & illud est, ac jam inde à præcis adolescentis Philosophiæ temporibus reprehensum, quod relictis scientiæ, quam tradunt propriis principiis, aliena arcessunt,
καὶ εἰς αὐτὸν γένεται περιβολοί, idest,
In aliud genu transeunt. Sin autem Parmenidi datum est vitio à Platone & Aristotele, quod Physicis tractationibus Metaphysicas adnecteret, & ex illis in has transiret, quanto æquius nuperos istos Sophistas culpabimus, qui Philosophicis quæstionibus solvendis adhibent decreta Theologie? qui cum rationibus usus est, provocant ad Fidem? & non corporum solum proprietates & effectus repetunt ex rebus corpore parentibus; sed corporeas etiam rationes adjungunt rebus divinis, & ad animæ usque & spiritus divisionem invehunt?

IV. Ad Cartesium vero ipsum quod attinet, longe modestior fuit sequacibus suis, ab hisque vitiis haud paulo alienior; etsi non plane expers. Atque de eo quid sentiam si quis ex me quærat, iterum dicam, magnum fuisse & excellentem virum: quod qui negaverit, carebit is utique vel usu rerum, vel pudore. Fuit enim ad penetrandas res à natura reconditas ingenio acri & perarguto; adjuncta erat eximia vis, quæ nec obrueretur multitudine rerum, nec meditationis continuatione frangeretur; tum & ingens capacitas & amplitudo, quidquid libuisset facile complectens. Eximia ad hæc perspicuitas, cum percipiendis rebus, tum differendis. His instructum præsidiis animum ad

IV. Cartesi virtutes.

ad Mathematicas primum artes magna cum laude , & ad Philosophiæ deinde studia contulit ; cuius animadversis vitiis , cum instaurandam suscepisset , repudiatis primum præjudicatis opinionibus , à paucissimis , & implicitissimis , & clarissimis principiis exorsus , universam naturam explicare instituit : quod fuit summo Philosopho dignum . Rationis ordinem tenet & connexionem rerum . In maxima copia brevis est ; in summa brevitate & subtilitate dilucidus . Quibus postremis laudibus cum vel veterum , vel recentiorum Philosophorum æquiparat nemo . Quædam ab eo scite & eleganter excoxitata , & inventa præclare . Imprimis hoc commendatione dignum , quod à mentis humanæ & Dei cognitione auspicatus , cayit id ubique diligenter , ne christianæ doctrinæ dignitatem imminuere videretur : quanquam hoc ab eo tamen imprudente & inscio , in multis factum est . Mathematica tractat felicius , in iisque plane regnat : verum illa cum adhiberet ad Philosophiam , uti Philosophiæ pars re ipsa sunt , non Philosophico , uti decuit , more explicavit ; sed Philosophiam contra more Mathematico ; omniaque propemodum revocavit ad Geometricas leges & Mechanicas .

V. Hinc scriptiorum omnium quæ ab eo sunt profectæ , pluris illæ , me judice , faciendæ sunt , quæ proprius pertinent ad has disciplinas . Ergo primas in his obtinet , quæ Geometria ab eo inscripta est , secundas Dioptrice . Proximam his primus dissertationem De affectionibus ; quæ nihil aliud

*V. Censorium judicium de Cartesi scriptis
nibus .*

aliud est , quim distincta & machinalis explicatio motuum internorum corporis . Huic succedunt Principia Philosophiae , quæ partim ex Mathematicis petita sunt , partim ex Physicis , partim ex Metaphysicis . In Meteorologicis etsi plurimum inest salis atque acuminis , quoniam tamen non satis amplum collegerat Cartesius experimentorum instrumentum , peccat sæpen numero , multaque incaute & leviter profert . In dissertatione De methodo , nihil est quod quis valde contemnat ; nihil , quod valde miretur . Obvia sunt omnia & petita de medio , si quædam seponas inventa feliciter , quæ Methodi hujus fructus fuisse ait . Meditationes , quæ meræ sunt commentationes Metaphysicæ , postremo loco sunt habendæ . Ex his licet existimare , ea præcipue animi facultate valuisse Cartesium , quæ rerum effinguntur imagines : ingenii , vasti licet & sublimis , at inamoñi & austeri , secundas fuisse partes : postremas judicii , quo aliarum facultatum inventa circumspicere & probare , eorumque consequentias videre non potuit .

VI. Præcipue vero egregii viri conatus nimius sui amor , nimia fiducia frustrata est . Inde adeo opiniones suas Geometricorum Epicherematum loco haberi vult ; atque ita veras esse censet , ut dogmatis Theologicis repugnare non possint ; nisi inquit , rationi repugnet ipsa Theologia ; eaque sola , quam init , via ad mentis humanae naturam cognoscendam , & demonstrandam Dei existentiam iri posse ; si qui à se dissentiant , facere ex vecordia & imperitia . Ergo nonnunquam excandescit adversus contra-

VI. Cartesi vitia ,

tradicentes, etiam amicos, & convitiis maledictisque pugnat identidem. Audet is affirmare, sententiis suis receptis, omnes deinceps Theologiæ & Philosophiæ sotpum iri controversias. At proditum est à Cicerone (1), itidem exitimasse veteres Philosophos suis ingenii perfectam esse Philosophiam, atque idcirco stultitiae, vel superbiæ accusatos esse ab Aristotele: qui, quod magna facta esset ad superiorum doctrinam accessio, sperabat ipse quoque brevi absolutum iri Philosophiam; & quod culpaverat in aliis, id ipsum peccare se non sentiebat. Mutato nomine narrari fabulam dicas de Cartesio. Majorem præterea desiderasses in eo Dialectices peritiam; qua levissime imbutum eum, ex modo ratiocinandi quem passim tenet, statim intelligas. Et id in eo vitium ab aliis jam annotandum est. Desiderasses & candorem in multis. Ita enim est: si opinionum ejus circumspiciamus caussas, argumenta, & consequentias, fæpiissime eum vel receptis Christianæ Fidei dogmatis, vel temporibus, locis, aut personis, vel propositis jam à se principiis serviisse; nec quid verissimum, sed quid sibi tutum, aut doctrinæ suæ aptum, consentaneumque esset, fuisse secutum apparebit. Exempla de multis pauca feligam: illud imprimis quod proxime attigi. Cum corporis naturam posuisset in extensione atque id officere sensisset Ecclesiæ decreto de Sacrosancta EUCHARISTIA, cumque multa præterea jam à me explicata nullo modo fieri posse, secumque pugnare asseverasset, Ex nihilo fieri aliquid, In nihilum aliquid redigi,

No-

(1) *Cicer. 3. Tuscul.*

Novum Mundum creari, Vas vacesceri nullo corpore succedente; nec lateribus coëuntibus, Corpus ab alio corpore penetrari; cumque probe intelligeret, ita vulgo de iis quæ secum ex natura sua pugnant existimari, à Deo fieri ea non posse; ut læsa majestatis & accusæ potentiae Dei crimen effugeret, hujusmodi opinionum temeritati alterius hujus effati novitatem prætexuit, Deum mutare naturas rerum & ea etiam facere posse, quæ natura sua fieri non possint, secumque pugnent. Cum ex infinitate & innumerabilitate mundorum multa sequi videret Christianæ pietati adversaria, egregio hoc commento nos iudicatum iri credidit, si Mundum diceret non esse infinitum, sed indefinitum. Cum accepisset Galilæi sententiam de motu terræ Romæ fuisse damnatam, & Galilæo tam ac Copernico prorsus in eo assentirentur, totamque Physicam suam ad id accommodarent, veritus ne sibi parem procellam consenseret, scriptionem suam de Mundo jam affectam & prælo paratam primo premere decrevit, deinde dolo agere cœpit, & terræ motum annuuni, diurnumque retinens, nec quicquam delibans de natura motus, definitionem ipsam mutare, & meditatis ac simulatis verbis Philosophos universos circumvenire aggressus est. Ergo motum dixit (1), non esse id quod vulgo creditur, nempe actionem qua corpus aliquod ex uno loco in aliud migrat, sed Translationem corporis ex vicinia eorum corporum quæ illud immediate contingunt, & tanquam quiescentia spectantur, in viciniam aliorum. Quæ et si infinitis laborare vitiis pro sua fa-

(1) Cartes. Princip. Par. I. §. 24. 25. 29.

sagacitate intelligebat, maluit tamen Philosophorum, quam S. R. E. Cardinalium censuram & animadversionem experiri. Quorsum enim spectari vult motum, non ex mutatione veri & interni loci, uti postulat æqua ratio, sed ex mutatione circumiacentium corporum? nempe ut si criminis sibi datum foret aliquando, quod motum tribuerit terræ, cum eam circa Sollem volvi docuit, negare id liquido posset, cum à Solari hoc vortice raptâ, viciniam non motum circumiacentis materiæ vorticis illius, nec ab ea recedat. Quid si vero si aqua in vorticem circumacta in vase secum rapiat innatans ligni frustam, etiamsi id volvatur celerrime, immotum tamen dici possit, quod simul volvatur circumjecta aqua. Imo, etiamsi terra motu diurno circa centrum suum rotetur, ne frequidem moveri Cartesius (1) fatebitur. Nec ista putetis dubitantes ab eo de modeste esse proposita; veruna sine hesitatione pronuntiat motum à Tychone terra versus tribui, etiamsi immobilem eam esse docet; quam à se, etiamsi utrumque ei motum, & diurnam, & annum concedat: & quamvis terra, itidem, ut reliqui Planetæ, motus suos habeat, tamen etiam juxta vulgarem motus definitionem, nullum terræ motum esse; etiamsi reliqui Planetæ vere moveri dicantur. Quid est vero Lectoribus fucum facere; si hoc non est? Quanto æquius erat, & convenientius Philosopho, candide agere, & motum motum, quietem quietem appellare, quam positos à patribus terminatos movere, omniaque dolo malo pervertere? Porro quamdiu dissimulandi artem rebus suis

(1) *Cartes. Princ. Part. 3. §. 33.*

fuis adhibuit Cartesius (1), ejusdem adhibendae aliis auctor fuit: velut Henrico Regio, quem monet per epistolam, ne opiniones suas prodat in apertum, sed confitit verbis obtegat. Cum autem rescriptisset ad eum Regius suspicari nonnullos, non satis simpliciter eum & candide animi sui sensa protulisse, stomachatur quidem, sed de eo parum se purgat. At saepius dissimilantiam hanc compositam videas ad ostentationem: ut cum literas suas ex tempore scribere se fingit paucim, non meditatas & per otium compositas describere: cum tamen Clerfelerius, nobis dum viveret quam alienus Philosophicis opinionibus, tam conjunctus voluntate, a quo editæ sunt istæ literæ, palam testificetur in praefatione Tomi primi & tertii, se eas ex codice manu Cartelii ipsius descripto exceperisse. Quem codicem ex epistolis jam compositis, descriput ab eo cum fingunt ejus associæ, doctoris sui imitantur dolos, nobisque os sublinere conantur; cum frequentes in hoc codice appareant liture; cuiusmodi sere sunt eorum, quæ meditando elucratabamus, non quæ ex elucubratis describimus. Quid quod & Græcae licet imperitus esset linguae, gloriosam tamen peritie hujus pueriliter & inconsideratae sibi arrogavit. Nam cum Geometriam suam Gallice scriptam ederet Lugduni Batavorum, & locum quemdam afferret ex Pappo (2), qui Latine tantum editus extat, Interpretationem, inquit, Latinam proferre satius duxi, quam verba ipsa Greca; ne caput ullius fugiant. Cujus flagitiis festa-

(1) Cartes. Epist. Tom. I. Epist. 89. & 98.

(2) Geometr. Cartes. Gallic. Lugd. Bat. 1637.
P. 304.

sextatores ejus demum cum puduisse, haec ab iis in sequentibus editionibus erasa sunt. Adeo nihil aspernabatur, quod ad existimationem suam pertineret. Ut autem alienam laudem captabat studiose, ita plurimi se ipse faciebat, minimeque erat contemptor sui, et si magnam praे se ferebant modestiae speciem. Ac tum præcipue erumppebat innatae superbiae igniculi; si quando nobiles aliquos noctus erat adversarios; magnos enim tunc sumebat spiritus, eosque præ se valde despiciebat. Velut in iis contentionibus, quas cum excellentibus viris Fermatio, Robervallio, Gassendio & Regio exercuit. Velut cum de Gallilæi doctrina tulit judicium. Velut cum ad magistratus Ultrajectinos scribere non erubuit, meliorem esse se Philosophicarum rerum aestimatorem & judicem, quam totam Ultrajectinam Academiam; quod etiam si verum fuisset, ita tamen jactare se, hominis fuit intemperanter ostentatoris & glorioli.

VII. Laudem vero captat præcipue ex doctrinæ suæ novitate, quidquid organiat, et si nihil fere attulit novi. Hinc Philosophorum, aliorum scriptiones parum sibi versatas esse simulat: quamvis in dissertatione De methodo, oblitus suis fateatur diligenter tritum fuisse se ab adolescentia & versatum in libris veterum, aliquique in quibus reconditum inesset aliquid, & à vulgi notitia semotum. Atque hoc etiam ipso dijimulante, facile perspicit, quisquis usum aliquem habuerit veteris Philosopho-

VII. Insigne hoc Cartesii vitium, quod novitatis nimium fuit studiosus; ac propterea simulate affectavit inscitiam, quam ejus assecrare retinuerunt;

losophie. Futurum autem id cum præsen-
sisset, excusatione usus est in speciem mo-
desta, revera jactantiae & dissimulationis
pleniissima; nullarum sententiarum habe-
ni se velle inventorem, id tantum præ se
ferre, nullam se idcirco adoptasse, quod
vel ab aliis jam ante probata fuisset, vel
rejecta, sed quod admittendam esse ratio
sibi persuasisset. Hanc porro inscitiam, non
simulate, ut ipse, sed vere affectatores ejus
plerique retinuerunt. Mirari profecto su-
bit, exortos esse nuper ex hac factione ali-
quos, qui perversum illiteratorum Epicu-
reorum exemplum secuti, non elegantiori-
bus solum, sed reconditionibus quoque li-
teris, præterquam si quas callere sibi visi
funt, bellum palam auderent indicere,
nosque, in agrestem illam & feram barba-
riem, quæ vix tot seculorum laboribus &
studiis expugnata est, vellent retrudere.
Nam quæ vox edi potest magis barbara
& immanis, quam quæ in eorum libris
expressa extat ad æternam ignominiam, exi-
guum fore damnum, si igni absumatur
quidquid uspiam Poetarum & Philosopho-
rum Ethnicorum est? Inanis ergo est tot
ætatum, tot gentium, tot excellentium
hominum consensus, apud quos summa
Homeri & Virgilii admiratio fuit. Qui ta-
netsi vitiis non caruerunt suis, ut imper-
fecta sunt humana omnia, multo majori-
bus tamen ea virtutibus compensant. Pro
nihilo ergo jam inde putandum est in fin-
gendo & in excogitando acumen, in nar-
rando elegantia & subtilitas, amoenitas in
exornando. Facestant ergo artes omnes quæ
pertinent ad humanitatem, ac humanitas
quoque ipsa; & quia ad delicias animi &
ad lepores bardi isti sunt & stupidi, nos
iis carebimus. Delirabant vero tot præstan-
tes

tes ingenio & doctrina viri , ac ipsi quoque Ecclesiæ Patres , à quibus tantus habebatur Platoni heros · desipiebant tot Scholæ , Scholarumque magistri , qui & Aristotelis tenuerent sententias , & aliis tenendas tradiderunt . Quoad è tenebris prodierunt homines novi , qui emendarent vitam , eriperent errores , & animis hominum lucem inferrent : qui nobilissimos autores numquam sibi lectos nobis excutient de manibus , & ne à limine quidem sibi salutatas disciplinas pessimadarent , ut uni posthac essent magistri recte sentiendi & vivendi ; ut quæ somniarunt per otium , silentibus (sic enim passim loqui amant) sensibus , & animi affectionibus , ea pro certa veri norma haberemus ; & unica deinceps vigeret Cartesii Philosophia . Linguas Orientis condisci vetant , & Rabbinos lectari , quæ ad sacrorum Codicum intelligentiam magno esse nesciunt adjumento . Otiosi hominis esse volunt , scrutari naturas animalium ; vani etiam ea stolide arrogantis , de his disputare animalibus quorum mentio habetur in Libris sacris ; quasi partis illius oraculorum Dei supervacanea notitia sit ; quasi hominum , sit non iam dico ineruditorum aut semidoctorum , sed non omni doctrinæ genere exultorum , de Bocharti , quem non obscure suggillant ; scriptionibus judicium ferre , viri magni & de re literaria præclare meriti cuius consuetudine ita me olim cupide frui memini , quasi id tum prospicerem quod re expertus sum , eo amissò parem habiturum me unde discerē neminem . Cognitionem contemnunt Astronomiæ , sine qua neque notitia conflare potest temporum , neque navigandi ars , neque agricultura . Inventionem aspernantur & usum specularium vi- treorum , quæ res vel propter longinquita- tem

tem vel propter exiguitatem obtutum nostrum fugientes retrahunt, & oculis subiciunt: cuin Dioptricen tamen diligenter excoluerit dictator illorum Cartesius, cumque per eam & maxime hominibus partæ sint commoditates, & Physicæ fines, ut ita dicam, amplificati. Culpant Critices studium, quæ nobilissima Grammaticæ pars est, & reliquarum disciplinarum, quæ literarum monumentis consignatæ sunt à Veteribus, velut sepes & munimentum. Grammaticam ipsam respuunt, qua itur ad disciplinas. Interdici jubent antiquæ & externæ Historiæ notitia, unde opportuna petuntur ad vitam regendam, & administrandam Rempublicam præcepta; ac priscæ etiam Geographiæ, sine qua historiæ cognitio nulla est. Nihil configo, nihil addo de meo. Libri sunt in vulgi manibus, quibus præclara hæc sinceræ doctrinæ capessendæ præcepta & effata continentur. Atque ea egregio hoc firmant arguento, frustra in extensis & antiquis cognoscendis eum abuti operam, qui recentia ac domestica penitus perspecta non habeat. Igitur lapides omnes domus suæ ante numerare debuerat Villalpandus, quām de Salomonici Templi forma describenda cogitaret. Universa ergo terra percurrenda prius & dimetienda mihi est, quām ad videndum Solem oculos mentisque convertam. Ad terram vero ipsam obeundam, vel studio peragrandam priusquam me accingam, Lutetiaz fora omnia, angiportus, viæ & insulæ mihi erunt perlustrandæ. Kursum ineptus ero, si Lutetiam cognoscere velim, me ipsuni non novirim. Itaque à me auspicanda mihi erit rei cuiusvis cognitio. Quæquam absurdâ fint, æquorum hominum arbitrium esto. Quinetiam adeo inconsiderate imperitos se & ru-

& rudes produnt, ut vix alterius quam vulgaris linguae usum concedant in scribendo; nec aliam probent Latinitatem, quam simplicem, incomitam, & facilem; ne sibi scilicet, cum legent, saepius recurrentur ad interpretem. Jam ergo ludibrium debemus Cartesianis, quod eruditissimus. Ita conversae sunt rerum vices, postquam exorta est fax illa vitae & veri; nunc laudi imperitia est, dedecori eruditio: nunc non scientia inflat, quod dictum est Apostoli (1), sed inscita. At Geometriam commendant, at probant Analyticen, at Anatomicen laudant, quippe quarum notitia aliqua tincti sunt. Ita aliena bona despiciunt, dum prædicant & ostentant sua. Ita quod nesciunt, damnare malunt, quam discere. Ita apposite in eos convenit istud Sancti Judæ (2): *Quaecunque ignorant, blasphemant; quaecunque autem norunt, in his corrumpuntur.* At quanto æquius erat, rectores illos mentis, emendatores rationis, disciplinam quamque pro merito estimare, cum & Geometria, & Analytice vitiis suis laborent, earumque multo maxima pars usum habeat nullum, sed inanem tantum otiosi animi oblationem; cæterarum vero disciplinarum nulla sit, in qua non & dignitas sua insit & utilitas. Porro ne frustra jactatum à me caussetur quispiam, nihil Cartesium fere attulisse novi, digitum hic intendam ad fontes, unde latifundia sua irrigavit.

VIII. Hoc primum à dubitatione sumrum philosophandi initium, caussaque dubitandi, ab Academicis & Scepticis jam ante ex-

{ 1) Cor. 8. 1.

{ 2) Jud. 10.

VIII. *Etsi nihil fere attulit novi.*

te exagitata esse per vulgatum est. Aristoteles (1) ipse vult veritatis investigationem à dubitationibus profici sci. Dubitationem hanc , an simus , proponit & solvit Augustinus (2). Arcet sum & ab utrisque , Academicis & Scepticis , alterum illud , quod à communi usu vitæ removenda est ista ratio dubitandi , & receptis consuetudinibus est obsequendum . Fundamentum istud doctrinæ suæ , Ego cogito , ergo sum , admonitus à Mersenne Cartesius agnovit esse Augustini (3) , cuius hæc verba sunt : *Mibi , esse me , idque nosse & amare , certissimum est. Nulla in his veris Academicorum argumenta formido , dacentium , Quid si falleris ? Si enim fallor : sum : nam qui non est , utique nec falli potest ; ac per hoc sum , se fallor .* Quo argumento usus quoque est aliis locis . Jam quod in clara & distincta rerum perceptione certam ponit normam veritatis , facit Platonicis Auctori bus , & Cyrenaicis , & Epicureis , cæterisque Dogmaticis . Ex me jam supra audistis præcepta veri cognoscendi proposita ab eo in dissertatione De methodo , communia esse disciplinarum omnium ; Arithmeticæ vero præcipue & Geometriæ ; & certe nova non esse ne ipse quidem inficiatur Cartesius . Primum quidem illorum manifesto petitum est ex Augustini libris contra Academicos . Ex Ethicis Carronii habuit plurima . Habuit à Francisco Verulamio (4) , quod à Physicis disquisitionibus omnem caussarum , quas finales vocant , investigationem decrevit ei-

H se

(1) Aristot. Metabb. lib. 3. cap. 1.

(2) August. De lib. arbitr. lib. 2. cap. 3.

(3) August. de Civit. Dei. lib. II. cap. 26.

(4) Franc. Bacon. Verul. de augment. scient. lib. 3. cap. 4.

se reiungendam. Habuit à priscais Academicis & Epicuro, quod diligenter inquire & exprimi nullit, quæ vocibus significatio & vis subjecta sit. Quæ ad demonstrandam naturam humanæ mentis, & existentiam Dei attulit, in aliis fundis nata reperimus & vix quicquam super his novi proferri posse palam ipse declarat: ac merito sane extant siquidem in libro Augustini (1) de Trinitate probationes illæ: quibus animum à corpore distinctum esse demonstravit: & Cartesio quoque in hac disquisitione prælussisse Proculum (2) Diadochum, jure suspicabitur, qui quis Elementa ejus Theologica diligenter evolverit. Nec pauca transitulit ex Claudi Mamerti libro De anima. Celebris vero illa argumentatio, & à Cartesii suffragatoribus tam impense laudata, qua adstruxit existentiam Dei, tota est Anselmi, & in Proslogio, & in Apologetico contra Gaunilonem; eandemque & exposuit Thomas Aquinas, & resellit (3); cuius opera studiose ab eo lectitata fuisse constat. Ita tacitam probationem à Platonicis, Epicureis, & Stoicis ductam ex impressâ hominum omnium animis Dei notione. Jam quod addit notionem Dei, quæ nobis insita est; alterius esse generis ac cæterarum rerum notiones, quas animo insertas habemus, idem ab Jamblichio traditum est (4). In aliis etiam plerique quæ pertinent ad animum, habuit quos sedaretur: puta Protagoram, & Cyrenaicos, cuni dixit nihil certi nos ha-

(1) August. de Trin. lib. 10. cap. 10.

(2) Proclus Elem. Theolog. Prop. 136.

(3) Thom. Summ. Part. 1. Quest. 2. art.

1. ad 2.

(4) Jamblich. De myst. Egypt. lib. 1. cap. 3.

habere de rebus extra nos positis, sed tan-
tum de intimis earum perceptionibus quæ
in nobis sunt; quam sententiam fecutus
Arnobius (1) his exposuit verbis: Ut quis-
que est factus ad extrinsecus rei venientis attac-
clum, ita afficitur, qualitatem non accipit ex
rerum impulsionibus natam, sed ex sui sensus
contagiique natura. Sectabatur & Platonem,
cum dixit mentem nostram res corporis &
materie expertes primas omnium percipe-
re; item esse in intellectu aliquid quod
non fuerit in sensu, innatas videlicet ide-
as: Socratem, atque Augustinam, cum
dixit mentem eandem nostram per se ip-
sani res illas corpore carentes, seque adeo
cognoscere: Stoicos, cum dixit solas nostras
cogitationes esse in nostra potestate: So-
cram etiam, cum dixit scire neminem idem-
ne quod sensu percipit, alii quoque per-
cipiant: Platonem item, cum dixit se cum
Geometricorum principiorum ac Theore-
matum veritatem cognoscit, non tam sibi
videri ea primum discere, quam iam pri-
dem cognitorum recordari: Augustinum ac
Thomam, cum præter eam memoriam,
quæ per instrumenta corporis exercetur,
aliam in nobis ponit, quæ tota ad ani-
num pertineat: item Augustinum (2), sed
male, ut videtur, intellectum, cum dixit
animum sentire, non corpus. Quod spiri-
tuum animalium velut promum condum
esse dixit Conarium, id totum transtulit
ex Galeno (3), à quo & accurate confu-
tatum est. Sed & proposita ab eo commen-
ti hujus ratio, quod nempe necesse sit, ut
quæ per varios sensus undique appellant
ad annum, in unum aliquid confluant

H 2 & co-

(1) Arnob. lib. 7.

(2) August. de Gen. ad liter. lib. 32.
cap. 24.

(3) Galen. de usu part. lib. 8. cap. 14.

172 *Confusa Philosophia*

& cogantur, eadem usurpata est à Platonicis & Stoicis. Cum auctorem se fert axiomatis hujus, Quidquid potest cogitari, potest esse, facit arroganter & imperite; fuit enim id unum ex dogmatis Philosophorum illorum Arabum, qui Medabberim, id est Loquentes, vel potius Dialectici, vocabantur, & quorum doctrinam fuse exposuit Majmonides in *More* (1) newochim. Atque hoc ipsum effatum eruditissimus ille Magister suffragio suo comp̄itavit. Jam notiones rerum externarum, quas nuntio sensuum suscipimus, cum modificationes animi esse dicunt Cartesii gregales, eo vocabulo id repräsentant, quod ~~intelliguntur~~ Veteres appellabant. Eosdem secutus est Cartesius, cum voluntates, sive actus voluntatis retulit in censum cognitionum, omnem enim animi sensum nomine voluntatis afficiebat, ut ex Quintiliano cognoscimus: & cum hominem à bestiis sermonе præcipue discerni docuit; jam ante enim id docuerant Pythagoras, Plato, Ciceron, Quintilianus, Galenus, & alii. Perturbationum cauſas & effectiones cum motibus membrorum, humorum & spirituum corporis adscripsit, quibus tanquam verticillis & nervis sigillaria quadam & machinae agitentur, fecit auctore Platone (2), qui perturbationibus illis, tanquam funibus & nervis trahi nos & cieri tradidit. Quam Platonis comparationem usurparunt deinde Horatius (3) & Persius, imprimis vero & crebro Marcus Aurelius. Quid hoc est vero, quod apud Ciceronem (4) legimus

(1) *More newochim.* Part. I. cap. 15. §. 73.

(2) *Plat. lib. I. Leg.*

(3) *Herm. Serm. lib. 2. Sat. 7. Persius Sat. 5. M. Aur. lib. I. §. 2. & lib. 3. §. 16. & lib. 12. §. 19.*

(4) *Cicer. Tuscul. lib. 4.*

mus, bestias simile quiddam facere perturbationum animi in perturbationes non incidere, quod hæ eveniant solum ex aspernatione rationis, qua carent bestiae? quid aliud, inquam, suadet hoc nobis, quām bestias mera esse automata? nam si perturbationibus carent: neque herum diligit canis, neque lupum ovis reformidat: imo, nec cibum appetunt, nec dolorem fugiunt, nec mortem timent; sed ex coacto cœcre materiae motu id facere videntur quod non faciunt. Scribit conceptis verbis Plutarchus (1) credidisse Diogenem brutas animantes, neque intelligere, neque sentire, quod & confutavit Porphyrius (2). Sciscit Proculus (3) animalia tantum rationalia animâ esse prædicta; aditque decretum esse à Platone, animam vere esse eam quæ ratione polleat, cæteras simulacra animarum. At nemo doctrinam hanc vel tradidit apertius, vel fusijs propugnavit, quām Gometius Pereira, qui in Antoniana sua Margarita, perfractis Lycei, in quo eductus fuerat, repagulis, & ingenii sui libertati obsecutus, novum hoc Hispaniæ paradoxum, aliaque multa proposuit. Venit ex Lyceo pervulgata hæc argumentatio; quām in Meditationibus suis usurpavit Cartesius, esse se dicens vel à se, vel ab alio; non à se, quippe fore se Deum; ergo ab alio: rursum alium hunc, vel esse à se, vel ab alio; si à se, esse Deum; si ab alio, iterum idem quæri de alio isto, donec ad primum sui auctorem pervenerit, atque hunc esse Deum. In explicanda corporis natura, fraudi ipsi fuit trita Geometrarum definitio. Paradoxum illud, quo doctrinam suam de corporis na-

H 3 tura,

(1) Plutarch. De Placit. Philos. lib. 5. cap. 20.

(2) Porphy. De abst. ab anim. lib. 3.

(3) Procl. in Platon. Philos. lib. 2. cap. 1.

Censura Philadelphie

tae, excepto inter Catholicos dogmati de fâ-
de EUCARISTIÆ Sacramento adversariam
descendere tentavit; Efficere nempe Deum
posse, ut res sine natura sua consent, ut
sint simul & non sint, ut siant quamvis
hieri non possint; hoc, inquam, Parado-
xum summis ex quibusdam Augustini (1).
& fortasse etiam Ambrosii, locis male le-
ctis & intellectis & quibus traditus Deum
mutare posse naturas rerum, & ea etiam
facere, quæ fieri non possunt, & rei cu-
jusque naturam esse voluntatem Dei. Nec
enim illie, cum de naturis rerum aperet
Augustinus, significavit rerum essentias, quæ
immutabiles sunt; nec ea simul esse posse
docuit, quæ pugnant inter se, &, ut vul-
go loquuntur, implicans contradictionem: sed
ad naturæ tantum vires attendit, quas volun-
tati Dei subjectas esse merito censuit: cum cae-
teroque diserte pronuntiet, multa non posse
Deum (2); et si omnipotens est, & neo omni-
potentem esse, quia ista non potest. In vacuo à
rerum natura excludende, Jonicæ scholæ ad-
hæsit, quæ à Thalete ad Platonem usque
in ea fuit heresi. Aristoteles quoque & Sto-
ci è mundi finibus exterminaverunt vacu-
um, at extra mundum esse passi sunt. Sed
& ex Italica secta extiterunt, qui impu-
gnarent vacuum, Empedocles, Melissus, &
Zeno, Eleates. Quo argumento usus est Car-
tesius, ut probaret nihil omni corpore
vacuum esse posse, futurum nempe ut
Nihil esset extensum, Nihil autem nullas
esse posse affectiones, eodem probavit Pyr-
rho, id quod non est, si Nihilum, do-
ceri non posset, quippe si Nihilum de-
ciri posset, Nihilo aliquid eventurum, Ni-
hilo.

(1) August. Serm. 147. de temp. De civitate
Dei, lib. 21. cap. 8.

(2) August. De Symb. Fid. ad Catech. mens.
lib. 29. cap. 5.

hilo autem nihil posse contingere. Cartesianni argumenti prorsus simile est argumentum, quo ad rejiciendum vacuum usus est Gulielmus (1) Episcopus Parisiensis, *Vacuum nempe distantiam facere non posse*. Idem asseveravit ante Cartesium, si vas à Deo ita vacefiat, ut nullum omnino in eo corpus superficit, futurum ut vasis latera coeant. Dixit Plotinus (2) nihil Deum creare posse, præter id quod creatum est; quod idem placuit & Cartesio, licet ob diversas causas. In loco externo explicando præivit Cartesio Aristoteles. Quidquid de mundi origine traditum ab illo est, totum id proponendum manavit è veteri Philosophia. Nam primum Anoxagoræ est materia illa infinita, in minutis distributa particulas, inter se similes, & mente divina in ordinem adductas. Quam doctrinam persecutus est Anaxagoræ discipulus Euripides. Sciscebant eadem fere Empedocles & Heraclitus. Sciscebant impruniis Democritus & Epicurus, omniaque ex corpusculis angulosis, levibus, uncinatis, & hamatis concreta esse volebant. Posse hæc semper dividii, & ad quantumlibet tenuitatem redigantur, novæ rursum partitioni superesse locum, cum Thalete, Pythagora, & Academicis Aristoteles censuit. Imprimis vero Leucippus, Eleates, Democritus, & Epicurus Cartesio præluserunt in Mundi hujus aspectabilis explicandis causis: nam præterquam quod individua corpuscula & inane admiserunt, quæ repudiavit Cartesius, cætera prope omnia consentiunt. Primum enim ponunt universitatis rerum, Mundorumque infinitatem, quod & Anaximandro, & Anaximeni, & Anaxagoræ, Metrodoro, Seleuco & Arche-

H. 4

lao,

(1) Gulielm. Paris. Part. I. De univers. Part. I. cap. 14. & 31.

(2) Plotin. Enn. 5. lib. 5. cap. 12.

Iao, & Xenophani placuit; & Diogeni quoque
 Apolloniatae, qui & Mundos generari credi-
 dit; atque etiam Meliso, qui & ab hac in fi-
 nitate vacuum removit, perinde ut Cartesius.
 Particulas rotari & circum magi dicunt, & is,
 quæ dixi, Leucippus, & ejus affectæ: atque ex
 ea vertigine corpuscula variis modis impli-
 catæ orbem hunc aspectabilem edidisse; ter-
 ram in ima subseditæ, ac propterea factam
 cylindraceam; Mundos longis intervallis oc-
 sidere & oriri: quod & Anaximandro vi-
 sum est. Astra singula Mundos esse, aere suo
 & æthere, ac sua etiam terra instructos
 opinati sunt Heraclitus & Pythagorei. Idem
 in Orphicis traditum est. Strato quoque
 Lamplacenus repudiatatis illis Democriti cor-
 pusculis & inani Mundum naturæ opus esse
 docuit; & quidquid sit, naturalibus ponde-
 ribus & motibus fieri. Varias Mundivaga-
 ras, sed globosam præcipue ad scripsit Epic-
 curus. Unam & eandem esse Mundi totius
 materiam dixit Anaximander, aliique sub-
 inde. Per vulgata est apud Sinenses opi-
 nio, Mundum ex aqua conflatum esse, quæ
 magna vi agitata in leviores partes gra-
 vioresque discreta abierit: ex illis prodiisse
 terram, ex his cœlum; mediæ partes na-
 turam suam retinuisse. In varios vortices,
 sive Mundos primam rerum materiam di-
 stribuerant Leucippus, Democritus & Epic-
 curus: unde existimemus meritore in vor-
 ticum horum inventione tantum se jactet
 Cartesiana Schola. Ac de his quidem ma-
 nifesta res est apud Diogeneum Laërtium (1)
 & Hesychium Illustrium. Ajebant enim cor-
 puscula ex infinita simul collecta, *άπεργας τοις*; vorticem efficere; & *καὶ τὸν τοῦ*
μέσου δύτησον αερίσεις τοι, εἰλεῖδαι, ουστέ-
ψεις τοι, renitente medio circumvolvi: ex hac ver-
tigi-

(1) Laërt. & Hesych. in Leuc. Demetr. & Epicur.

tigine particularum secessiones & conjunctiones oriri ; ex conjunctionibus enasci globosum aceruum, σύσημα σφαιροεῖδες Infinitum quoque universum posuisse Diogenem Apolloniaten , atque infinitum vacuum, auctores sunt Plutarchus (1) & idem Laertius (2) ; ac cum moveretur universum , effecisse vorticem , συστροφὴν ποιῆσαι densiusque illic evasisse , istic rarius , & ex levioribus partibus Solem extitisse : quæ ab Anaximenis doctrina non valde discrepant , & mera sunt Cartesianæ fabulæ semina. Sparsa quoque plurima reperies hujusmodi in Plutarchi libello De facie in orbis Lunæ : velut universum esse infinitum : cumque fine careat , carere & medio , plures esse Tellures , quæcumque gravia sunt non ferri in medium Mundi , nec Mundi medium Terram hanc nostram obtainere . Extitit vero inter novitios Philosophos Jordanus quidam Brunus Nolanus , quem Cartesianæ doctrinæ antesignanum jure dicas , adeo accurate omnem propemodum ejus compositionem præsignavit in eo libro quem De immenso & innumerabilibus inscripsit . Nam & universi infinitatem & Mundorum innumerabilitatem tuetur ; & duo esse vult Astrorum genera , Soles , & Tellures , hoc est , Stellas Fixas , & Planetas ; circa singulos Soles ingens esse spatiū æthereum in quo Tellures volvantur , ut circa hunc nostrum Solem Terra , Saturnus , Jupiter : cæterique Planetæ ; atque ideo quot Soles sunt sive Fixæ , totidem esse Mundos , diversis intervallis à terra semotos ; Cometas esse de genere Planetarum ; Terram nativo igne fomat esse ; Mundi hujus igneum elementum esse Solem ipsuni ; ignem alio modo esse in Sole atque in Astris . Sed ne

H̄ s nimius

(1) Plutar. apud Euseb. Præp. Evangel. lib. I. cap. 8.

(2) Diog. Laert. in Diogene Apollen.

nimius sim , librum legi velim ; qui fecerit , feret operæ pretium , & quam pulchre ei cum Cartesio conveniat cognoscet . Provenerunt post Brunum acuti Philosophi , Gilbertus & Gallileus , qui Mundum esse infinitum , ac proinde figura , centroque carere sentirent , et si non aperte sententiam suam scriptis explicarentur . Nonnulla quoque Cartesianis haud absimilia prodidit Keplerus , insignis ætatis hujus Mathematicus , à quo multa se didicisse Cartesius profitetur . Is licet Fixis singulis suis non attribuit vortices , in eoque & in Mundi infinite , dissentire se à Bruno & Gilberto saepius affirmet , suum tamen dat Soli vorticem , Cartesianis & Brunianis vorticibus parem , in quo Terra & Planetæ volvantur . Sic enim in Epitome Astronomiae Copernicanae (1) , Pro manibus est Soli , inquit , virtus sui corporis lineis rectis in omnem Mundi amplitudinem emissæ , qua ex ipso quod est species corporis , una cum corpore Solis rotatur instar rapidissimi Vorticis . Deinde , Corpore Solis converso , virtus etiam ista convertitur . Cumque Sol illa virtute corporis arripuerit Planetam , secum etiam circumducit illum , & cum illo forte etiam omnem auram ætheream circumfusam . Et in eximio opere De motu stellæ Martis , lemmati capitinis trigesimi quarti verba hæc inseruit : species illa virtutis , que vebit Planetas per Mundi amplitudinem , circupat instar suminis , seu Vorticis . Tum in ipso capite refellit Fracastorium , quod vertutissimos Ægyptios secatus , futurum censuerit ; ut aliqui Planetæ orbitis suis deflexi , novas ineant vias , pristinis relicti ; quæ ipsa est origo Cartesiana Cometarum . Id ab Ægyptiis sumserunt Pythagorici & interpolarunt , si Theoni (2) horum opinionem referen-

(1) Kepler . Epit . Astron . Copern . lib . 4 . Part . 2 . cap . 3 .

(2) Theon . in Arat . Progn .

ferenti credimus. Ad idem redit eorum opinio, qui stellam anno MDLXXII, exortari in signo Calliopeæ, ex profundis & immensis ætheris spatiis recta versus terræ centrum processisse & hominibus apparuisse rati sunt, quique à Tychone (1) & keplerio sunt confutati. Quemquam nec multum ab his discrepat Keplerus (2) ipse, advenas esse Cometas statuens, ex vastis cœli regionibus motu recto profectos, qui tum in oculos hominum incurvant, cum rectæ lineæ quam describunt eam tenent partem, quæ terris proprietor est ; tum videri posse desinant ; cum institutum iter peragentes recedunt à terris. Cecinisse fertur Empedocles Astra ignem esse, quem in primo rerum direntu ex se expresserit æther atque eliserit ; magnam quoque ignis vim circa centrum terræ esse collectam : atque ab hoc igne terram moveri Parmenides credidit : quæ omnia arripuit Cartesius, atque ad usus suos accommodavit. Ex Luna & Planetis, qui Tellures sunt & habentur à Bruno & Cartesio, Soles effici volebat Cleanthes ; Cartesius ex Solibus Tellures. Unde Magneti insita sit ferrari attrahendi vis, cum quererent Platonici, multa attulerunt Cartesianis consentanea : ferruni enim dixerunt, non tam raro esse corpore ac lignum ; nec tam solido atque aurum ; huic meatus quosdam inesse asperos atque searios, qui admittant aërem, atque eum in has angustias receptum obstructo deinde exitu retroagi, & versus lapidem reverti, ferrumque secum unâ rapere. Caussans scitum maris ad comprehensionem venti terram inter & contravenientem Lunam intercepti retulisse Seleucum Mathematicum auctor est Plutarchus in libro De placitis Philosophorum

(1) *Tych. Progymn. Tom. I. pag. 641.*

(2) *Kepler De stell. nov. Serpentar. cap. 21. 22. & de Comet. lib. 2.*

rum (1) : quem librum Cartesio accurate le-
ctum & sublectum fuisse multa indicant. Non
aliam fulgoribus, tonitribus, & fulminibus
causam assignavit Cartesius, atque Anaxa-
goras. Is nubes calore correptas collidi, at-
que inde fragorem existere docuit. Fusa haec
exponentem Socratem Anaxagoræ auditio-
rem inducit Aristophanes in Nubibus : quæ
qui legeret, Cartesianum fuisse Socratem
putet. Tonitru ; inquit, edunt nubes pro-
volutæ ; nam cum nimio aque pondere
gravatæ sunt, in subjectas sibi nubes
concidant, ruinpuntur, & fragorem ci-
ent : interceptus enim aer, iisque in-
clusus, eas distendit haud secus quam
vesicas, ac dentum eas discindens & per-
rumpens, exit magno impetu, ignem
que concipit. Hæc placuerunt deinde Sto-
cicis. Addit Aristoteles, exhalationem sic-
cam in humida nube coactam vi magna
viam sibi facere, & erumpendo sonum ede-
re. Colores nihil aliud esse quam lucem
modificatæ, & diversis modis reflexam, neque
inesse in corporibus, opinio fuit Aristarchi
Samii, Democriti, & Epicuri. Quam, ad ex-
plicandam visionis naturam, baculi supilitu-
dinem adhibuit Cartesius, eadem Stoici ute-
bantur. Quippe ne ab alienis qualiter ab-
stinuit manum, cum tractaret Mathematica ; in quibus etsi magnus fuit, longe tan-
men minor fuit, quam prædicat ejus fa-
ctio. Pauca addidit ad Analysis Vietæ.
Quæ primus in hac arte deprehendisse fe-
rebatur, furtim ex Harrioto Anglo exce-
perat. Excepserat Dioptrica ex Rogerio Ba-
cono & Antonio de Dominis ; Optica ex
Snellio. Nec dubitare licet, quin ex per-
vulgato usu speculi Parabolici concavi,
ad excitandos ignes per radiorum reper-
eussum adhiberi soliti, adductus sit, ut Hy-

(1) Plutarch. De placit. Philef. lib. 3. cap. 7.

Cartesius.

perbolica vieta , quorum ad res oculis obiectas , per radiorum refractionem amplificandas mirifica vis est , ad Telescopia transferret . Quanquam Robervallius , celeberrimus hujus Geometres , Hyperbolam ad usum Telescopiorum ineptam esse censebat . Causa palpitacionis cordis , quam refert Cartesius ad fervorem sanguinis affluentis , & ingenito illic calore ebullientis , & pulsantibus repagula venarum dum influit ; eadem claudentis , & arteriarum contra ostia referantibus , easque subeuntis dum effluit , ex qua confutata est à Johanne Mayovvio Anglo , tota Aristotelis est . Ait enim conceptis verbis in libro De respiratione , pulsū cordis inde oriri , quod humor ex cibo illuc appulsus per calorem intumescat , & extinam cordis tunicam attollat ; humorum quippe hunc in cor prolabi continenter , ex coquere sanguinem gigni , cuius prima origo est in corde . Hæc quantumvis sui paria , plurimum tamen discrepare contendebat Cartesius (1) , cum hunc ei Aristotelis locum indicaret Lovaniensis quidam Medicus , ne gloriam scilicet inventionis & novitatis amitteret . Sed frustra erat : quamvis enim neque ventricolorum , neque valvularum nominatum meminerit Aristoteles , mirabile tamen est in tanta Anatomicis imperitia , qualis fuit illis temporibus , & recentiorum experimentis carentem eum , velut acutamen rem tetigisse . Et sane quid hac extima cordis tunica significatum voluerit , satis obscurum est ; nec hinc ei movere hoc nomine Cartesius debuit .

IX. Verum solenne hoc est seccaa hujus & præfulis & sequacibus , Aristoteli , non omnis.

(1) *Cartes. Epist. Tom. I. Epist. 77. 78.*

IX. *Laus Aristotelis.*

omnis solum eruditionis & ingenii laudem, sed Philosophi quoque titulum, ac pene hominis nomen invidere. Quem tamen si à vero saepe aberrasse nemo, qui frontem habeat, negaverit, plura tamen & illuſtriora certum est contulisse ad Philosophiam, & ampliori omnis doctrinæ & elegantiae supplectile locupletasse humantiores disciplinas, clariorique felicissimi ingehii face mortalibus præluxisse, non dico quam Cartesium, hominem ingenii boni, doctrinæ permediocris, sed quam ultimum Philosophorum omnium, quoru[m] consuet apud nos memoria. Quæ qui inficiari audent, viros esse videamus, vel litterarum plane rudes & impolitos, vel antecceptionis opinionibus, quas ab aliis tamen repudiari jubent, exercatos; vel abreptos partium studiis, vel novitati faventes. Quanvis enim parva habeat novitatis disciplina isthac; hominibus tamen omnis antiquitatis insciis visa nova est. Atque hæc novitatis opinio quantum valuerit in vulgus vel inde scias: si priscis temporibus extitisse Philosophus aliquis Carteii similis, talenique condidisset disciplinam, qualis Cartesiana sit, jam prius illam exolevisset, uti exoleverant nobiliores pluimæ. At nunc viget, fioretque, quia novitatis specie[rum] præ se fert, & nova creditur ab imperitis. Atqui Philosophicarum rerum dijudicatio animos desiderat adversus novitatis lenocinia inunitos; nec attentes solum & acutos, sed æquos etiam & literis non leviter tintos: & jam fatis liquet verius dictum esse: à Cartesio, quam credidit ac voluit, Philosophiam suam non esse novam, sed antiquam & vulgarem.

X. Atque hæc haec tenus: nec enim labocandum mihi in eo est, ut regulas descendæ vitae, morumque singendorum, quas

ex-

Vulgares sunt Cartesiane Moralis regula.

ex infinita à se & reperta studiorum ratione de promissis se scribit Cartesius, è præsca Philosophia manasse, & prudentiæ ipsius præcepta esse offendam. Nam quis necit patriæ legibus esse obtemperandum, & ex communi usu agendum, & juxta vetus effatum, vivendum esse ut plures, sentiendum ut paucos: quod Scepticos præcipue tenuisse & sanxisse supra dixi? Quis nondum audiverat, extrema omnia esse fugienda, & virtutem esse (1) medium vitiorum, & utrinque reductum? Constantia in proposito, & perseverantia in eodem tenore vita, qua altera conflata est regula, quam multis suadetur rationibus à Cicerone in libris De Officiis? Quam false & eleganter deridetur ab Horatio Tigellius ille Sardus, levis adeo, sibi impar, & mutabilis? Quam decantata à Cyrenaicis & Stoicis tertia regula, quæ scipsum vincendum potius constituit, quam fortunam; cupiditates domandas potius, quam rerum ordinem mutandum? Tralatitia hæc sunt & obvia: nec jam, nisi me meus fallit animus, obscurum est, meritone Philosophiæ reparator à suis dictis, à se etiam creditus sit Cartesius (2), qui nihil fere, nisi veterum dictata recoxit. Nos vero non ægre tribuimus ipso, quod ad calcem Principiorum iure postulat, ut eorum quæ attulit nihil admittamus, nisi quod clara ratio persuaderet. Hoc si facimus, magnam utique dogmatum ejus partem explodemus.

E P I L O G U S.

Sed nunc desino, nec enim expectas, opinor, à me, GENEROSISS.DUX, ut coeteras disciplinæ hujus propagines persequar & clam: eritis enim radicibus, accisoque trunco, corrvere cum cacumine ramos necesse est.

(1) Horat. Epist. lib.4. Epist.18.

(2) Cartes. Princip. Part.4. §.207.

I N D E X

PARTIUM LIBRI HUJUS.

P R E F A T I O .

- I. Exordium
II. Libri argumentum
III. Idem senebris ordo disputationis, quem sequens est Cartesius, quod ejus fieri potest

C A P U T P R I M U M .

Expenditur Cartesii sententia de dubitatione , & de hac argumentatione ,

Ego cogito , Ergo sum 6.

- I. Philosophiae Cartesiana fundamentum est dubitatio 7.
II. Cur in dubitatione fundamentum Philosophiae sue posuerit Cartesius 8.
III. Dubitandi propositum esse deserit Cartesius , quam tenet 10.
IV. Primam veritatis notitiam in eo statuit, Ego cogito , ergo sum ibid.
V. In quo ponit ut concessum id quod queritur 11.
VI. Ex hoc enuntiato, Ego cogito , non certo existigi potest istud ; Ergo sum 14.
VII. Notio hæc, Ego cogito , Ergo sum , non est omnium prima 16.
VIII. Sibi contradicit Cartesius ; iis quæ lassine naturali nobis nota sunt , fidem aliquando tribuens , aliquando derribens 19.
IX. Enuntiato hec , Ego cogito , aliud significatur quam quod vult Cartesius ; ac proinde ducta ex eo conclusio , Ergo sum , nulla est 21.
X. Cum quis cogitat de re aliqua non eadem est idea rei hujus de qua cogitas , ac idea ipsius cognitionis 32.
XI. Falsum est , istud , Ego cogito , ergo sum , nobis

60-

I N D E X.

cognitum esse per simplicem visionem, non per rationationem.

XII. Ex hoc dubitandi argumento, quod à Cartesio propositum est, nescire nos annen ita comparari sumus à Deo, vel à maxo aliquo Genio, ut semper fallamur, refellitur istud, Ego cogito, ergo sum. 42.

XIII. An verum sit, Deus nos fallere non posse in his rebus, quas cognoscimus per simplicem visionem. 50.

XIV. Cartesius in exarsu Philosophiae Academicos & Scepticos affectatus, statim errat, ut eos deserit. 53.

XV. Faretur Cartesius nullam nos habere veritatis normam, nisi constet nos ita à Deo non esse factos, ut semper fallamur. 55.

C A P U T S E C U N D U M.

Expenditur Cartesii sententia de Cri-

terio.

57.

I. Perversum Criterii querendi viam infisit Cartesius. ibid.

II. In eo querendo parum sibi constat. 61.

III. Et in eo quoque affigendo. 64.

IV. Distinguit claram & distinctam Perceptionem à Lumine naturali, & à Perspicuitate generaliter sumpta, & à Notitia rei ex re ipsa hausta. 65.

V. Lumen naturale Cartesii non est certum Criterium. 66.

VI. Neque clara ejus & distincta Perceptio. 67.

VII. Quid sit idea, juxta Cartesium. ibid.

VIII. Refelluntur argumenta, quibus probare constat est Cartesius claram & distinctam Perceptionem esse certum Criterium. 69.

IX. Argumentis oppugnat hoc Criterium. Primum argumentum. 70.

X. Secundum argumentum. 71.

XI. Tertium argumentum. 72.

XII. Quartum argumentum. 73.

XIII. Quintum argumentum. ibid.

XIV. Neque Perspicuitas, neque Notitia rerum à rebus ipsis hausta, sunt certa Criteria. 74.

Rea

I N D E X.

- XV. Refelluntur præcepta veri cognoscendi à Cartesio tradita. 75.
XVI. Inanis est, quād ad percipiendum verum adhiberi volunt Cartesiani, Attentio. 76.
XVII. Cartesius dubitans in excursu Philosophiae sue, confidens in progressu. 78.
XVIII. Quād ejas confidentiam Cartesiani superarunt. 79.

C A P U T T E R T I U M.

Expenditur Cartesii sententia de mente humana.

- I. Certissima dogmata de mente humana, de quæ Dei existentia, incertis rationibus confirmare conatus est Cartesius. 81.
II. Etsi ob veritatis afferenda studium laudandus est. ibid.
III. Exponitur Cartesii sententia de mente humana. 82.
IV. Quæ refellitur. 83.
V. Etiam si diverse haberi possint idem rei cōgitantis, & rei corporeæ, non binç tamen efficitur res esse diversas. 85.
VI. Falsum est, prius, certius, & clarius cognosci menteor, quād corpus. 86.
VII. Falsum est, totam bōminis naturam in eō positam esse, quod cogitat. 89.
VIII. Falsum est, animum sentire res externas, non corpus. 90.
IX. Falsum est esse aliquid in intellectu, quod nō fuerit in sensu. 93.
X. Falsum est, in Cenario præcipuum esse sedem animi. 96.

C A P U T Q U A R T U M.

Expenditur Cartesii sententia de existentia Dei.

101.

- I. Exponitur Cartesii sententia de existentia Dei, ibidem.

Ex-

I N D E X.

- I. Exploratur Cartesii opinio de idea rei infinitæ & summe perfectæ, quæ in nobis est. 103.
- III. Idea rei infinitæ & summe perfectæ quæ in nobis est, finita est & imperfecta. 104.
- IV. Falsum est finitum cognosci ex infinito, non posse ex illo. 106.
- V. Idea rei infinitæ & summe perfectæ, quæ in nobis est, neque clara est, neque distincta. 110.
- VI. Idea rei infinitæ & summe perfectæ, quæ in nobis est, aliunde proficiisci potest, quam ad re infinitam & summe perfectam. 111.
- VII. Realitas objectiva, quæ est in idea rei infinitæ & summe perfectæ, tota est à mente nostra. 113.
- VIII. Ex idea rei infinitæ & summe perfectæ quæ in nobis est, non necessario sequitur rem illam infinitam & summe perfectam extra mentem nostram extare. 115.
- IX. Ex idea rei infinitæ & summe perfectæ, quæ in me & aliis est, colligi non potest existentia Dei; ac proinde nec ex illa, quæ in Cartesio est. 120.
- X. Per vitiosum ratiocinationis circulum existentiam Dei probat Cartesius. 122.
- XI. Expugnatis argumentis, quibus existentiam Dei demonstrare conatus est Cartesius, ruit, ipso factente, omnis ejus Philosophia, & fenestra erroribus aperta est. 123.

C A P U T Q U I N T U M .

Expenditur Cartesii sententia de corpore & vacuo. 124.

- I. Exponitur Cartesii sententia de corpore & vacuo. ibid.
- II. Et refellituy. 127.
- III. In maximos errores Cartesium impedit ignoratio duplicit extensionis, quarum alia, quæ corporum est, positiva est, alia, quæ nidiā est, est negativa. 129.
- IV. Jocularis error Cartesii de corporū duritate. 131.
- V. Parum candide agit Cartesius, cum mundum esse ait indefinitum. 132.

CA-

I N D E X.

C A P U T S E X T U M.

Expenditur Cartesii sententia de ortu mundi
hujus aspectabilis . 134.

I. Exponitur Cartesii sententia de ortu trium ele-
mentorum , ex quibus mundum hunc aspectabilem
constatum esse docuit. ibid.

II. Et refellitur. 135.

C A P U T S E P T I M U M.

Expenditur Cartesii sententia de causa
gravitatis corporum terrestrium. 139.

I. Exponitur Cartesii sententia de causa gravi-
tatis corporum terrestrium . ibid.

II. Et refellitur . ibid.

C A P U T O C T A V U M.

Exemplitur generatim Cartesiana Phi-
losophia . 143.

I. Laus Cartesiana Philosophiae . ibid.

II. Cur tantum etati huic placuit . 143.

III. Notantur Cartesiana Philosophiae libri . 144. I.
Inconstans est . ibid. 2. Fragmentis nititur . ibid. 3. Ef-
fectibus causas non necessarias , causis effectus non ne-
cessarios assignat . 145. 4. Officit Fidei . 148. 5. Pitiosa
potitur ratione philosophandi . 156.

IV. Cartesii virtutes . 157.

V. Censoriu[m] judiciu[m] de Cartesii scriptioribus . 158.

VI. Cartesii vitia . 159.

VII. Insigne hoc Cartesii vitium , quod novitatis
nimium fuit studiosus ; ac propterea simulate affe-
ctavit inscitiam , quam ejus affectus vere retinue-
runt . 164.

VIII. Etsi nihil fere attulit novi . 168.

IX. Laus Aristotelis . 181.

X. Vulgares sunt Cartesiana Moralis regulae . 182.

Epilogus . 183.

F I N I S.



